



UNIVERSITÄTS-  
BIBLIOTHEK  
PADERBORN

## Poésies languedociennes et francaises

**Gaillard, Auger**

**Albi, 1843**

Lou Banquet.

---

[urn:nbn:de:hbz:466:1-63568](https://nbn-resolving.org/urn:nbn:de:hbz:466:1-63568)

**LOU BANQUET**

**D'AUGIÉ GAILLARD**

ROUDIÉ DE RABASTENS EN ALBIGES

*Alqual Banquet a bél-cop de sortos de méises, per  
so que tout lou moun n'es pas d'un goust.*

Lou tout dediat

*A Messieur de Sère*

Seignhour de Courounsac

**1583.**





A MOUSSUR DE SERÉ,  
*Seignhour de Courronsac,*

AUGIÉ GAILLARD,  
*Soun fort houble serbidou, salut.*



Moussur moun grand amic, el a degia lounc-tens  
Que ieü Aügié Gaillard, del loc de Rabastens,  
Abio fort grand desir de vous da qualche caüso  
De so que moun petit entendomen counpaüso,  
Per vous da passo-tens; mais ieü nou poudio ges,  
Jusquos aros qu'éy fach coumo féc un pages  
Del prép de Rabastens, qu'abio forse d'arados,  
Et per las fa crubi las abio pla laürados:  
Mas péys en crubisous el fouréc fort troublat  
Que per las fa crubi n'abio bouci de blat,

Et calio qu'el layssés vaqua soun labouratge :  
 Entro qu'un soun amic, fort noble persounatge,  
 Li demandéc un jour : « Et que fas-tu, pages,  
 » Touts lous aütres crubissou et tu nou laüros ges? »  
 « Helas! so diséc-el, ma bordo es touto présto,  
 » Setat que n'éy pas blat, mas re pus nou me résto! »  
 Lou moussur ajoustéc, de blat nou sio questiou,  
 Ieü t'en bailharéy prou, mas qu'el tournes l'estiou.  
 Et l'in prestéc bint sacs touts ples daquio la cordo.  
 Que péys incoutinen el féc crubi sa bordo;  
 Mas del paga l'estiou bouci nou falhiguéc,  
 Car el li pourtéç tout lou blat qu'el culhiguéc;  
 Amay per demounstra qu'éro de bouno paguo  
 El lou feséc puléü purga de la viraguo;  
 Et péys incoutinen al bél mitan del sol  
 Lou feséc ensaqua dedins un bél lensol  
 Oubrat à tout l'entour; péys lou pages coumenso  
 D'ana sus lou qu'abio fournido la semenso,  
 Et li diséc : « Moussur, dins un lensol poulit  
 » Ayci vous faü pourta tout lou blat qu'éy culit. »  
 Lou moussur respondéc, estan entre dos portos,  
 « Helas! coussi, pages, tout lou blat tu me portos? »  
 Per tal, so diséc-el, que vous, moun boun seignhour,  
 Etz caüso que ieü éy fach vale moun labour.  
 Lou moussur lou prenguéc, et péyssos per sa peno  
 Li déc incoutinen d'escuts uno trenteno,  
 Per tal qu'agués mouyen de fa tourna laüra.  
 Et per aquo, Moussur, tout lou mounde saüra  
 Qu'à prepaüs de paüriéyro et de fa crubi bordo,  
 Del be que m'abéts fach encaros me recordo;

Car ieü abio ta mal coumo loudit pages  
 Qu'abio sa terro présto et de blat n'abio ges.  
 De rimos ieü abio en lenguo de ma mayre,  
 Mas pas un soul ardit per paga l'emprimayre :  
 Mas del viatge de Rioux encaros me soube  
 Que de me mena là me féretz un grand be !  
 Car aquo me valguéc bint frans et dabantatge,  
 Et péyssos lou placart que féri d'aquel viatge  
 Que del vous dedia aguéri boun coussel !  
 Car vous me déretz péys pla d'escuts del soulel.  
 Per aquo ieü de vous cal que me rejouïsquo  
 Quant besi que boulétz qu'un paüre pouëto visquo.  
 Car d'äütres cox escrich ieü éy amay de dous,  
 Que jamay nou m'an dat tant coumo féretz vous.  
 En tout que lour escrich durabo dabantatge.  
 Mas qu'elis disiou péys coumo un sot persounatge  
 Noumat Dyonisius, qu'el d'argen proumetéc  
 A un sounur de sistre, et péys el l'affrontéc;  
 Car coumo lou paüret demandéc soun salari  
 Lou maübés li diséc : « Holà, ieü te declari  
 » Qu'en sounan debant mi tant de plase as tu pres  
 » Coumo ieü t'escoutan. » Et nou li dounéc res.  
 Anats da passo-tens à talos gens bigiarros  
 An rimos o vioulouns, o dan lutz et guitarros !  
 Se l'on pagabo aytal Matheli et Pounset (\*)  
 Ta mal d'aquo d'aqui rempliriou lour boursset.

(\*) Célèbres ménétriers de Toulouse qui rivalisaient en conduisant chacun une BANDE de violons. Le premier s'appelait, suivant la Biogr. Toulous., Gaillard Taillason, dit Mathelin, et fut nommé roi des violons de France par Louis XIII. On le fait naître vers l'an 1580 et mourir en 1647. Ces dates


Ah ! Moussur moun amic, cértos quant l'on y penso ,  
 Bélo caüso soun gens qu'an qualque counoyssenso !  
 S'ieü nou me fous fisat jamay sounque d'un loc  
 Mas rimos se poudiou esta lounc tens al croc ;  
 Car ses vostre secours, en deguno maniéyro ,  
 Ieü nou las poudio pas figua los en lumiéyro ,  
 Ni tapaüc las pourta emprima dins Paris ,  
 Vesen que cado cop moun argen me taris.  
 Mas an d'aquels escuts que del placart me déretz ,  
 Et d'aütre bél argen que vous péys me prestéretz ,  
 Ieü me souy pla penat d'ana meü lou gran pas  
 Tout drech daquio Paris , per emprima moun cas.  
 Et quant es estat fach, an touto diligenso  
 Ey imitat aquel qu'empruntéc la semenso ;  
 Que péys o pourtéc tout an aquel boun seignhour  
 Que li prestéc lou blat per crubi soun labour.  
 Et coumo crubeléc purmiéyromen soun blat ,  
 Ieü éy puleü aysso purmiéyromen criblat ,  
 S'enten que n'éy tirats tous aquelis mouts grasses  
 Quels Albigeses disou et toutis lous Rouërgasses.  
 Et coumo lou metéc en un lensol oubrat ,  
 S'entendio qu'el calio qu'el libre fous daürat ;  
 Louqual éy fach daüra parten de l'emprimayre  
 Dedins Paris meteüs , aquo d'un boun librayre.

sont positivement fausses ; car Auger Gaillard parle de Mathelin comme  
 d'un habile musicien dans ses *Obras*, de 1579. Dastros à dit dans son ode à  
 Goudoulin :

Toulouso tengue per miracle  
 Soun Sant-Sernin é soun Basacle ,  
 La béro Paülo é Matelin.

Jamay ieü n'éy vouldut tout blanc boun fa presen,  
Car ieü me souy pensat qu'es aytal pus plasen.  
L'on vey qu'un pouticari el daoüro las pelluros,  
Puléü que n'ou fa pas las doussos counfituros,  
Quant el las vol pourta en un home d'hounour,  
Per tal qu'el las pren péys de milhouro fabour.  
Encaros que moun libre el sio de tous lou pire,  
El nou restara pas per aquo de fa rire ;  
Encaros qu'el sio fach en lenguo d'Albiges,  
De vous da passo-tens el nou restara ges.  
S'el *Testamen del Porc* ligézt en un chapitre,  
Per ta fachiat que siatz quant et quant seretz vitre,  
Tout esprés ieü l'éy fach per vous da guarisou  
Amay per vous garda de qualque languisou ;  
Per so que vous aymats toutos caüsos plasentos  
May cinq cens milo cox que las gens mal disentos.  
Per aquo tout per vous ieü l'éy fach emprima,  
Vous pregan humblomen del prene de ma ma ;  
Car ieü de tout moun cor cértos lou vous ufrissi,  
Amay souy tout-jour prest per vous fayre serbissi  
En pregan lou boun Diou que d'amoun nous regardo,  
De vous teni tout-jour en la sio salbo gardo.





## AUTRE ÉPISTRE

AU SUSDICT MONSIEUR DE SÉRÉ ,

*Faicte en François.*

MONSIEUR, apres l'Épistre en ma langue Albigeoise  
 M'en vay forger une autre en la langue Française.  
 Depuis qu'on est en bal faut bien ou mal dancer ;  
 Or sus, donc, bien ou mal je m'en vay commencer.

Monsieur, il y a longtemps que j'avais grand désir  
 De vous faire un présent, pour vous donner plaisir,  
 De quelque livre mien de ma sottte poésie.  
 J'ay donc faict cestuy-ci selon ma fantaisie.  
 Pour le vous dédier mon cœur m'y a induit ;  
 La plus grand part j'ay faict et l'autre j'ay traduit.  
 Il est certes mal faict, mais vous prendrez patience  
 De le lire, sçachant que je n'ay pas grand science.  
 Il y a tantost trois ans, comme avez entendu,  
 Qu'en fis imprimer un; mais il fut défendu  
 A l'imprimeur et moy de ne le mettre en vente,  
 Qui fut de perte à moy des escus plus de trente.  
 Je cuiday tout quitter, cela me facla fort ;  
 Mais je me pensy lors que je me ferois tort,  
 Veu que n'avoy moyen de faire des charrettes,  
 Et que je ferois mal d'abandonner les lettres.

Et puis il me souvient de ce que Platon dit :  
« Cil qui laisse, dit-il, la vertu part despit  
Est semblable à l'enfant, quant quelqu'un luy arrache  
Des mains ce dont il joue; incontinent se fache  
Et jette par despit le reste promptement  
Soit ou fromage ou fruit, combien qu'il soit gourmand ».  
Je n'ay pas faict ainsy : mais j'ay voulu poursuivre  
Les lettres, et depuis j'ay faict ce petit livre.  
Ceux qui me vouloyent mal, quant l'imprimeur me fit  
Le livre que j'ay dit, firent lors mon profit;  
Car j'ay cogneu depuis qu'ennemis adversaires,  
Aux hommes bien souvent sont très-que nécessaires.  
Cela s'est assez veu, je ne suis pas menteur,  
Et qu'il soit vray, Monsieur, j'allègue icy autheur.  
Un sot voulant tuer d'une estocade un homme  
Nommé Prometheus, en la ville de Rome,  
Luy perça l'aposthume estant dedans son corps;  
Au lieu de le meurtrir il le guérit alors.  
Ainsy les ennemis de mon premier ouvrage  
Me pensans faire tort, me firent lors plus sage.  
Je me suis advisé depuis cela souvent,  
Et me semble que suis maintenant plus sçavant.  
Mes ennemis ont dit que mon œuvre première  
Ceste-cy devoit estre, et la mettre en lumière,  
Disans que c'eust esté mon grand avancement  
Si ceste j'eusse faict à mon commencement.  
De croire leur conseil je ne fusse esté sage,  
Sans esbaucher plustost quelque meschant ouvrage.  
Quand un peintre veut peindre ou faire rien de bon,  
Plustost ce qu'il veut faire il trace d'un charbon.


Jamais je n'ay voulu commencer cet ouvrage  
Sans faire l'autre livre, à fin d'estre plus sage.  
Jay faict comme l'on fit à un prince tyran,  
Dit Galéas Marie, estant duc de Milan,  
Lequel duc estoit fils d'un nommé François Sforce  
Qui les femmes prenoit et les filles par force;  
Vice qui le rendit odieux grandement  
Aux étrangers et siens, et dont finalement  
Luy en print mal; car deux luy ostèrent la vie,  
Ne pouvans supporter sa trop grand' vilenie.  
Et comme ces galans le voulurent meurtrir,  
Jamais ledit tyran n'osèrent assaillir,  
A cause qu'il estoit un fort beau personnage.  
Ils n'osèrent alors luy faire aucun dommage;  
Mais un nommé André, lequel estoit natif  
De Milan, le fit peindre en un tableau au vif,  
Contre lequel donnoit si souvent d'une espée,  
Qu'à la fin le tyran eust la gorge coupée.  
En ceste façon là continua si fort  
Que dans un temple après il mit ce duc à mort (\*).  
Si cestuy n'eust trouvé ceste façon de faire  
Jamais ne fut venu au bout de son affaire  
Ny moy de ce livret, si l'autre n'eusse faict,  
Combien que cestuy-ci n'est pas du tout parfaict;

(\*) Jean André Lampugnani assassina le duc Galéas Sforza dans le temple St-Etienne de Milan, le 26 décembre 1476. Depuis plusieurs jours il s'exerçait à l'escrime avec des poignards pour acquérir plus d'agilité et s'accoutumer à l'image du péril qu'il allait braver (Voy. S. de Sismondi). Une des pratiques occultes de la magie consistait à piquer d'aiguillons le portrait ou la statue de cire de celui qu'on voulait maléficer.


Mais il me semble bien qu'il est mieux fait que l'autre;  
Car avec cestuy-là que j'ay cogneue ma faute.  
Il faut estre barbier plustost que médecin,  
Tout sanglier que l'on voit à esté marquassin,  
Tous les boucs de la terre ont esté des chevreaux,  
Et tous les bœufs aussi ont esté des taureaux;  
Il faut estre soldat plustost que capitaine;  
Encore je diray une chose certaine,  
Un apprentif de luth ne peut faire un fredon,  
Il n'y a cuisinier qui n'ait esté lardon;  
Sans avoir esté clerc l'on ne peut estre prestre,  
Il faut estre apprentif avant qu'on soit bon maistre.  
Non point que je le sois, ny le seray jamais,  
A mes vers se coignoist, car ils sont mal rimez;  
Et je crain qu'on dira que je ne suis pas sage  
De vous avoir offert un si mal fait ouvrage;  
Mais Licurgus, le roy des Lacédémoniens,  
A escrit que les dieux, leur offrant petits biens,  
Estoyent aussi contens que d'une chose grande;  
Pourveu que de bon cœur on leur en fist offrande;  
Et Caton qui estoit d'un si grand esperit  
Me fait ressouvenir d'un mot qu'il a escrit  
Qui dit : *Ne dubites parva impendere*  
*Cum res tibi magnas vis tu demandare...*  
« N'ayes honte, dit-il, petit présent donner,  
Combien qu'un grand présent tu veilles demander ».  
Voilà que c'est, Monsieur, d'avoir leu quelq'histoire.  
De lire n'est pas tout, car il faut la mémoire.  
Ce brave Caton-là et Lycurgus aussi  
M'ont tous deux incité à vous offrir ceci.

S'ils m'ont mal conseillé à eux vous en faut prendre,  
 Car jamais autrement n'eusse osé entreprendre  
 De le vous dédier, pour ce que c'est un rien,  
 Priant le Tout-Puissant de vous donner tout bien.

Je suis Auger Gaillard, autheur de cet ouvrage,  
 Lequel j'ay fait icy pour mander en tous lieux.  
 Il est fait en françois et en mon sot langage,  
 Pour faire gazouiller les jeunes et les vieux.  
 Je l'ay fait un peu mal, le pouvant faire mieux,  
 A celle fin qu'on die : « Ah! c'est Auger Gaillard. »  
 Si je l'eusse mieux fait, quelques sots envieus  
 Eussent peut-estre dit : « Cecy a fait Ronsard. »




### AUGIÉ ALS EMBEGIOUSES.




TANTOS gens legiran en Franso  
 Moun libre per s'en péys trufa,  
 Que n'es en touto lour pouyssanso  
 Un coumo aquest' ne poude fa.





## SONNET.

*L'auteur démontre icy qu'il faict plus ses  
rimes par nécessité que pour estre veu.*



Pour me glorifier je n'ay point faict ce livre,  
Ny pour penser aussi mon nom éterniser.  
Je l'ay faict seulement pour voir et adviser  
Si l'estat de rimeur me donneroit à vivre.

J'ay un autre mestier, lequel je voudrois suivre,  
Qu'est l'estat de rodier qu'il ne faut mespriser;  
Mais il me cousteroit de faire autoriser,  
Et tout le bien que j'ay ne vaut pas une livre.

J'ay garnie boutique à mon pays deux fois,  
Que tousjours m'ont pillé mes outils et mon bois :  
Et me voyant pillé, il faut que je vous die ;


Que me suis mis à lire et à rimer aussi ;  
Mais pour autre raison je n'ai point fait cecy,  
Sinon tant seulement que pour gagner ma vie.





## PROLOGUO D'AUGIÉ

## A MOUSSUR DE SERÉ




MOUSSUR, ieü vous éy demounstrat en rimo la rasou per que vous éy dediat lou libre, et aros ieü vous voli demounstra en proso, s'el vous play, per que l'intituli *Lou Banquet*. La rasou es per so que vous me menéretz en un banquet qu'el éro lou pus bél et milhou aprestat que n'agio vist en ma vido. Mas el me soube qu'en nous retournan, dous o tres vous diserou que las viandos d'aquel banquet érou mal préstos et mal apareilhados; et vous, encaros que saüguéssetz lou countrari, lour disérets que lous satges homes nou y van pas pourta lours cors per lous rampli coumo quelque bayssélo, sounque per intensiou d'y passa lou tens; et quant ieü entendéry vostre dire me penséry que ieü éro vostre drech cousinié, et me souy azardat de vous prepara aqeste *Banquet* per accoumply vostres desirs. Vous troubarets que aysso n'es pas banquet de gens gouludos, ny may d'aquels banquets que fasiou lou tens passat lous Egypsiens, qu'érou tristes; car lour coustumo éro que quant touts éroun en taïlo, péys un lour mounstrabo uno nouthomio sequo del cors d'un home mort, et lour disio: « Soubenguo vous qu'en breü de tens toutis vendretz aytal! »

Cértos, Moussur, vela de paüres banquets : car en loc de lous fa resjouy, ana lour parla de la mort per lour fa perdre lou goust, aquo d'aqui es a fa à quelques hostes queouldriou que l'on nou mangés gayre et que l'on lous pagués fort pla. Mas on va en un banquet per s'y resjouy, coumo vous diats an aquels que ieü velguo dire. Qu'el nou sio bou de nous soubeni de la mort? Nou. Mas el y a tens en tens. Aqueste banquet n'es poun d'aquels tristes, car el es quasi tout de passo-tens, coumo ieü cresi que vous lou vouléztz, et noun pas per rempli lou ventre. Lous que van als banquets per gourmandiso sou de sots; car las viandos nou se debou prene sinou coumo las medecinos, que on las pren tan soulamen per nous guari, et l'on nou deürio prene lou repays sounque per escanti la fam. Nous vesén souben que lou trop mangia et lou trop beüre, en loc de nous guari et de nous alounga la vido, es caüso de la mort de forse gens : car de là s'ammassou las malaütios dedins lou cors, per estre trop ples, puléü que per estre trop bégis; et souben l'on es empachiat à fa n'o sourti et d'o fa digieri, may que noun pas à n'o recruba; et cal ana courre serqua lous medecis et poutiquaris que pourtou crestéris et antimoyno, coumo qui va cerqua un furet per tira lou counil d'uno croso, o coumo d'aütros coumparasous que ieü vous aleguario, mas que nou voli pas parla ta lourdomen; car ieü ne parli prou en d'autres locs, à moun grand regret, mas que lou lengatge seporto. Ieü vesi que lous

Egyptiens del tens passat fasiou fort pla, qu'els fendiou lous homes quant érou morts et enbalma-bou lou cors, et dedins la ribiéro gitabou touts lous budéls et ventralios, disen que tout aquo éro promomen lou vray infer de nostre cors, per so que l'on coumet bélcop de mal quant els soun remplits de tantos viandos. Mas lou vray moyen es de s'en garda tant que l'on pot, et per nou mettre foc sur foc, ni viando soubre viando, ni vi sur vi, el serio bou que tals gouluts enseguiguéssou lou tour que féc lou rey Philippus lou payre d'Alexander à sas gens : que qualqu'un lou coubidéc de soupa estan als cams, se penssan qu'el y vengués an paüquos de gens, et coumo lou viguéc veni an grand troupo, el fouréc fort troublat, vesen qu'el n'abio aprestado gayre de viando. Philippus, counoyssen qu'el éro troublat d'aquo, mandéc secrétomen joust mas à sas gens qu'els gardéssou plasso per la fougasso que l'on debio margia. Sas gens o cresen, en l'attendén esparniabou las viandos que lour fourou presentados, de sorto qu'elos suffiguérou largiomen à touto la troupo. Encaros que l'on jougués de tals tours an aquels que mangiou trop, on nou fario sounque lour pourfiéch. Mas à prepaüs que lous banquets noun soun pas apareilhats al grat de touts, ieü cresi be qu'aquest' nou fara pas de mens. Nou m'en douni pas gayre dels aütres, mas qu'el plasio à vous et à vostres amix. El es vertat que ieü vouldrio countenta tout lou mounde; mas qu'el es ta difcil de countenta lous

fantastix, coumo de fa un acoutromen à la luno que li vengués pla; car un cop elo es d'uno sorto et tantos d'uno autre; un cop elo es redoundo, tantos coumo miéch fourmatge, tantos coumo uno faütz. Aytal sou, so-disio Cleobulus, lous fols et lous fantastix; car elis an tantos embegio d'uno caüso et tantos d'uno aütro, qu'el es impoussible de metre fi à res que lour plasio, à caüso de leurs dibers desirs; talomen qu'un paüre pouëto es counstrent de fa coumo lous sansounayres : quant sounou debant la porto d'un catoulic, sounou de cansous; quant sounou debant la porto d'un de la religiou, sounou de salmes; et de la fayssou countentou tout lou mounde. Per aquo ieü éy mesos ayçi de bounos caüsos, amay de petitos fadesos per countenta touto sorto de gens.





## SALME I.

*Beatus vir qui non abiit.* (\*)




BEN-HUROUS es fort grandomen aquel  
 Qu'an lous mayssans n'es anat al coussel,  
 Et que n'amuzo al cami dels pequayres,  
 Ni nou se séy sur lou banc dels mouquayres;  
 Mas qu'en soun cor el a nostre Seignhōur  
 Et li soube d'y pensa néch et jour.

Un tal sera coum'un grand albre viou  
 Plantat al pé de qualque fort bel riou  
 Et que soun fruch el porto en sa culido,  
 Delqual sa ramo on nou vey pas blasido.  
 Un home tal hurous el sera fort  
 Et soun labour vendra tout à boun port.

Mas lous mayssans un tal grand bé n'aüran,  
 Car à la pailho elis ressemblaran,  
 Qu'es fort menudo et qu'el ven la neporto.  
 Els et lour fach vendran d'aquelo sorto.

(\*) Imité de la traduction française faite par Cl. Marot à la prière de Calvin, et publiée pour la première fois à Genève en 1543, et ensuite à Paris en 1552. « ... de dire que nous puissions avoir dévotion à prières sans y rien entendre, c'est une grande moquerie... Nous avons le commandement express du St-Esprit, que les oraisons se fassent en langue commune et congneue au peuple. Et dit l'apostre que le peuple ne peult respondre Amen, à la prière qui a esté faicte en langue estrange. » (J. Calvin.)

Al jutgiomen lous reprobats traydous  
 Nou seran pas mesclats demest lous bous.  
 Car lou boun Diou toutis lous bouns el vech  
 Et li soube de leur garda lou drech,  
 Et leur dara per tout-jour recoumpenso;  
 Mas el' n'aüra bouci de soubenense  
 Dels que nou van lou cami drech de Diou,  
 Els et leur fach vendran en perdissiou.




## A TOUTS MOUS AMIX.



Mous bous amix qu'éztz en aqeste rialme,  
 Se vous troubatz qu'aqeste poulit salme  
 Sio pla fiquat en lenguo d'Albiges,  
 Un aütre cop en d'aquest' sot lengatge,  
 Se Diou o vol, ne metréy dabantatge;  
 Mas pel presen ieü nou gaüsabo ges.





## A AUGIÉ GAILLARD.

*En lengatge d'Agen.*



El n'es premes à tous que per l'houro presento  
 On se posquo abeüra de l'ayguo del rouci.  
 El n'es à donat tous de prene lou souci  
 De pensa sur lou roc que Parnas on nomento.

De pode debisa lou pastou se contento  
 De sas caros amous que lou fan tout transi,  
 Et tout polidomen el canto per aci  
 A trabés de rastouils lou féc que lou turmento.

En ton Rabastines, Aügié, tu fas aytal  
 Quant tu nou prenes re sounque de ton cazal,  
 Talomen que las gens dedins lou céel te bouton.

Tu me dis es la fon on tu te bas plonga?  
 Tu me dis es lou péch on tu t'en bas songa?  
 Fasen emmerbilla tous aquels que t'escouton?

P. CHAMBON.





Si les opinions des vieux Pythagoriques  
 Avaient lieu entre nous avec leur changement,  
 Je dirois ton esprit retiré des antiques  
 Nous donnant quelque foy de leur remuement.

JUL. CÆS. DE VAURS.



AUGIER, ton Albigeoise lyre  
 Qui contente les plus sçavans,  
 Induira chacun à te lire,  
 Te sauvant de l'oubli des ans.

D. DE CAZENOVE.



A. GAILLARD AU SIEUR DE CHAMBON.

*En lengatge d'Agen.*



CHAMBON, se del Bartas vostre frayre d'escolo  
 El a fach retounti per sous escrits soun laüs,  
 Perque vostre cabal vous tenézt tant enclaüs  
 Que coumo sa Semano et sa Judith nou volo?

Vous abézt compaüzat un libre per Franceso,  
 Qu'es tout de sas amours un libre qu'es fort bél:  
 El merito d'ana voula jusquos al cél,  
 D'el catcha faséts tort à la térrò Ageneso (\*).

(\*) Ce livre est encore inédit. Le manuscrit a disparu depuis peu d'années de la Bibliothèque publique d'Agen.



## A AUGIÉ GAILLARD.



N'ÉRO pas gran peccat que tu hesses carretos,  
 Et que ta paüromen tu perdoussos toun tens  
 Per leycha ses renom toun loc de Rabastens,  
 Puch que tu saves ha de tant beros caüsetos?


Aügié, toun caramet, tous vers, tas cansounetos  
 Contentaran l'esprit de forso honestos gens,  
 Que te donaran loc entre lous mens sabens  
 Quant heyt brugita lein lou brut de lours troumpetos.

Dap touts tous herromens tu nou t'aürés bastit  
 Nat laüs de toun tribal que n'agousse perit;  
 Lou tens dam-bét medich consumis touto caüso.

Mas tout versets plan heitz viüran tout à jamés,  
 Encon que nou sion pas estats vitz des prumés,  
 Et te daran un nom que n'aüra fin ni paüso.

G. FALACHON.





## SOUNET D'AUGIÉ

*Que n'a pas voulgut requatta dous sounetz que  
li vouliou da quelques layrous.*




IEU n'ey jamay voulgut que cap de persounatge  
M'agio dat de butins per moun libre farci:  
Un souldat serio sot de carga soun rouci  
Del pilhatge d'aütru, quant el a prou bagatge.

Ieü éy per fa aquest' libre, amay de l'abantatge  
Res de picouregat nou voli dins ayci;  
Et péys, ieü n'éy que fa d'estre vantat bouci.  
Un méstre es prou vantat quant el fa bél oubratge.

Aquels me vouliou da dous sounets fort poulits;  
Mas qu'elis de Rounsard lous abiou reculits.  
Ieü lour éy dits, Messus, nou siats poun ta vantayres,

De vous ieü lous pendrio, s'érou de vostre cru,  
Mas nou lous voli ges per so qu'els sou d'aütru:  
Jamay ieü nou seréy d'aquelis requatayres.






## RESPONCE D'AUGER


*A un rimeur qui luy envoie une rime à la maison de Monseigneur de Panat, comme l'on vouloit souper.*



RIMEUR, qui m'envoyez ceste rime si tard,  
 Vous en voulez je croy au pauvre Auger Gaillard;  
 Car l'on voit maintenant qu'il est temps de souper,  
 Mais vous, fin cauteleux, afin de m'attraper,  
 Avez mal espié le temps pour vous répondre.  
 Venez icy demain : car je vous veux confondre :  
 Car j'entends quelque peu de la poésie l'art;  
 Mais rimer ne sçaurois pensant en autre part.  
 Comme je suis en table, il vous faut estimer  
 Que j'ay le cœur au plat et ne sçaurois rimer.  
 Laissez-moi donc souper avec mes bons amis,  
 Et vous aurez demain ce que vous ay promis.  
 Mais vostre intention est, je pense, peut-estre  
 Que souperons tous deux ensemble après le maistre.  
 Je répons quant à moy qu'il n'y a homme au monde  
 Qui se fasche si fort d'estre en table seconde.  
 Quand l'on me fait souper à la seconde table,  
 D'un asne il me souvient qu'est au coing d'une estable,  
 Qui mange les reliefs qui tombent sous la cresche  
 Des autres grand'chevaux; mais faut cacher la mesche,  
 Car quelqu'un diroit puis que personnes honnestes  
 Accomparer je veux à de méchantes bestes :  
 Mais vous en estes cause, ou vostre messenger,  
 Me voulant faire escrire alors qu'il faut manger.



## SOUNET A LAS GENS GALANTOS.



MESSUS, ieü souy marrit que las gens fantastiquos  
 Me troublou de rima, beléü b'abéts saügut ?  
 Mas ieü n'entendi pas d'abe moun tens perdut ;  
 Car las rimos que faü nou soun pas heretiquos.


Ieü aymi may rima que fa de prounestiquos,  
 Et dels satges ieü souy cent cox milhou vengut.  
 Nou ses caüso, Messus, car Diou a defendut  
 De fayre d'almanachz (\*) et d'ezuros publicuos.

Ieü laissi lour ezuro et lour prounestiqua.  
 De tal troumpur mestié nou me voli fica ;  
 Touts lous que fan aquo mal de pipos lous vire ;

Car lour prounestiqua et l'ezuro qu'els fan,  
 Se fa per fa mouri las paüros gens de fam,  
 Et ieü n'éy fach aysso sinoun que per fa rire.

(\*) Les almanachs contenaient alors des pronostics basés sur la fausse science de l'astrologie judiciaire que Catherine de Médicis avait remis en grand honneur. « Mais Henri III défendit en 1579 à tout faiseur d'almanachs d'avoir la témérité de faire des prédictions sur les affaires civiles ou de l'état, ou des particuliers, soit en termes exprès, ou en termes couverts. » (Encyclop. V<sup>o</sup> Almanach.)





A TRES HAUT ,

*Tres chrestien, tres illustre, tres puissant, tres magnanime et tres vertueux Prince et Monarque*

HENRY DE VALOIS ,

par la grâce de Dieu , Roy de France et de Polongne ,

AUGER GAILLARD ,

*Son tres humble subject et tres fidelle serviteur,  
petit apprentif du mestier de poësie en langue  
Rabastinoise, désire salut, prospérité et santé.*



NOBLE Rey de la Gaülo et de Franso l'hounour ,  
Que d'aquel tant bél lys vous éts la vrayo flour ,  
Qu'éts nascut et sourtit d'un tal noble lignatge !  
Coumo de l'albre bou el sort lou bou frutatge ,  
Aytal vous descendéts de l'illustre Clovis ,  
De Pepin, Charlemanio et del rey sant Louis ,  
De Philip de Valois , de Charles-Quint lou satge ,  
De Louis debounayre, aütre gran persounatge ,  
De Frances vostre bél, qu'aymabo grandomen  
Las lettros et vertut et gens d'entendomen.  
Et vous soul vous passats de tous aquels la glorio.  
Vous pregan humblomen mettre en vostro memorio

Un rimayre noubél, noumat Aügié Gailliard,  
Del loc de Rabastens, et roudié de soun art.  
Sounque de paüc en ça que qualque canailhasso  
Me panéroun à mi la mio paüro pigasso,  
Amay me derraübérou aytal mous ferramens,  
An la mayssanto guerro, et touts mous estrumens.  
Vesen qu'on m'a dostats touts mous moyens de viüre,  
Ieü me souy azardat, moun Rey, de vous escriüre :  
Mas be me costo prou per un coumensamen,  
Jamay nou me troubéri en un tal pensamen;  
Car ieü me souy troubat en cinq cens escalados  
En rancountros, assaüts, cubért de pistolados,  
Amay me souy troubat assigiat fort souben,  
Que n'abian sounque d'aygo et qualque paüc de bren ;  
Mas ieü en tals affas abio may de couratge  
Milo cox que n'éy pas fasen aquest' oubratge.  
Jamay peur de tan prép nou me sasiguéc mi,  
Qu'un cop me souy pensat demoura à miéch cami :  
Coum'un Icarus féc quant tal qu'uno passero  
Voulguéc passa la mar an sas alos de cero;  
Et quant vouléc trop naüt, lou soulel li foundéc  
Las alos qu'el abio, péys dins la mar toumbéc.  
Que me fa soubeni d'uno outro grand' fadeso  
Qu'un fort sot Italien abio aytal entrepreso  
( De fadeso jamay degus nou ne guaris );  
Dos alos se féc fa de telo dins Paris,  
Et péyssos el mounctéc dessus la tour de Nelo,  
Disen qu'el vulario coumo uno tourtourelo,  
Que cinq cent milo gens o may féc amounta,  
Quand passa la ribiéyro el s'anabo vanta,

Et prengué la voulado an sas alos de telo  
 Et toumbéc coumo un porc prép de la tour de Nelo;  
 Que se penséc trinqua, so m'a-l-on dich, lou col.  
 Per aquo dounc éy paür que ieü souy un grand fol  
 D'abe entreprez d'escrüire à un tal persounatge;  
 Mas, Siro, que diriats que me douno couratge  
 Et m'a fach azarda de vous fa aquest' escrich ?  
 Per so que cinq cens milo homes de be m'an dich  
 Que vous éts tout-jour ple de bountat et clamensò,  
 Et qu'éts accoustumat de douna à touts aüdiensò ;  
 Tant al paüre qu'al riche, et al paüre pages  
 Coumo à un grand seighour o à qualque bourges :  
 Amay à l'inoucen coumo à l'home de sensio.  
 Qu'es la caüso per que ieü ey preso lissensio  
 D'escrüire tout ayso à vostro Magestat,  
 Ses qu'en aquel qu'éy dich me sio bouci arrestat.  
 Et péys dedins Plutarquo éy troubat, en dous verses,  
 Que d'uno paüro fenno un Xercés, rey des Perses,  
 De boun cor un presen d'elo lou prengué el,  
 En tout que nou li déc que d'ayguo amb'un boutel.  
 Que per aquo moun sot entendomen agachio  
 Qu'encaros que ma rimo elo sio fort mal fachio,  
 Vous nous restarets pas la prene en bouno part,  
 Ta pla que se venio de Péyres de Rounsard.  
 Vous nou creyriats jamay beléü en cap de sorto  
 La bouno voulountat que tout lou moun vous porto;  
 Per so qu'an entendut qu'abéts bouno intenciou  
 De garda vostre edit de pacificaciou (\*);

(\*) « La volonté de Sa Majesté est en tout disposée à l'entretienement de son

Et lour abéts mandat per touto asseguanso  
 Moussur de Matignoun un Mareschial de Franso (\*),  
 Et moussur de Beliébro(\*\*) abéts mandat amb'el  
 Louqual es conseilhé en vostre gran coussel,  
 Amay surintenden de l'argen de finanso.  
 Que touts dous s'y sou fayts de touto lour pouyssanso  
 Per aqeste païs mettre en executiou  
 De fa garda l'édit de pacificaciou ;  
 Car tout lou moun s'aten an aqesto veguado  
 Que la noubélo pax sera milhou farguado  
 Que noun pas cap de pax de las des autres cox ;  
 Talomen que degia l'an remeso en touts lox  
 En despiéch dels boulurs et lous de lour semblanso  
 Que nou fan que troubla vostre rialme de Franso.  
 Que malhur sio dessus lous que volou fa mal  
 Quant nou van guerregia pel rey de Portugal !  
 O countro l'Espaniol, per tal d'empli lour bourso  
 D'aquels doubles ducats que fan en Saragourso,  
 Et de rialles et rials et doubles pistoulets :  
 Et s'elis sou montats de mayssans argoulets

édit (celui de Fleix, du 26 novembre 1580), selon les témoignages qu'elle en rend, ayant tout fraîchement dépesché M. le mareschal de Matignon et le sieur de Bellièvre de sa part vers le roy de Navarre, pour pourveoir à toutes choses qui restent à effectuer de sondit édit et remédier aux contraventions ». — Instruction de M. le prince de Condé à ceux du Languedoc, du mois d'octobre 1581. (Hist. gen. de Lang., t. V. pr. p. 272.)

(\*) Jacques Goyon de Matignon maitint les protestants calmes en accueillant leurs plaintes et leur rendant une exacte justice. Il fut élevé en 1579 à la dignité de maréchal. C'était, dit Brantome, le capitaine le mieux né et acquis à la patience que j'aie jamais vu et tres habile. (Voy. Biogr. Univ.)

(\*\*) Pomponne de Bellièvre était destiné aux négociations difficiles. (Ibid.)

Aqui se mountariou de béls roucis d'Espanio,  
 Amay fariou la guérro en uno rasso estranio,  
 Et noun pas fa la guérro ayci à lour païs,  
 Ni voula lous merchans, coumo fan, sus camis.  
 Et se delant ieü dic els n'an poun de malecio,  
 Que s'en anou assigia sant Jacques de Galecio (\*);  
 Que jamay n'es estat pilhat des Huguenäüs,  
 Et que nous layssou viüre ayci tous en repaüs.  
 Là s'en deürion ana s'els abiou lou cor noble,  
 Noun pas de turmenta, coumo fan, vostre poble.  
 Que foussoun lounc-tens a tous lous voulurs penduts,  
 Que may de trento frans per tal d'els éy perduts!  
 Et sabéts-bous per que, noble Rey de la Franso?  
 Ieü n'abio que cent franx en touto ma pouyssanso,  
 Qu'à fa emprima moun libre anéri lous fiqua,  
 Pensan que libromen on pouguéz traffiqua:  
 Mas aquelis voulurs et mayssans layrounasses  
 Soun caüso que lous éy encaros sus mous brasses.  
 Car elis sus camis demoroun embousquats,  
 Per pilha lous que van en fiéros et merquats.  
 Que de la crento d'els nou lous gaüzi ana vendre.  
 S'els me preniou so qu'éy me farion tout despendre.  
 O me farion mouri quant parli d'els aytal!  
 Mas forse m'es, car els m'an mes à l'espital.  
 Purmiéyromen un cop la malhurouso rasso  
 D'aquels mayssans layrous, m'an preso la pigasso

(\*) Texte des RECOUMANDATIOUS AL REY.- Dans le Banquet, A. Gaillard  
 jugea prudent de substituer le pays de Madère à St.-Jacques de Galice, et  
 pour obtenir la rime, il écrivit colère au lieu de malice.

Et tant de ferramens qu'abio per travailha  
Qu'en lous troubles segouns lous m'anérou pilha.  
Et ieu vesen aquo m'éro mez à escriüre,  
Per so qu'el me cal fa qualquo caüso per viüre.  
Encaros lous mayssans, coumo dessus éy dich,  
Me gardou d'ana vendre à mi so qu'éy esrich.  
Que fousoun touts à mort coundannats per sentensio,  
Et ieü fous coundannat à lour fa la potensio!  
Car per tal d'els ieü souy rouynat de tout coustat.  
Mas ieü me fisi tant que vostro Magestat  
Me recoumpensara de la perdo qu'éy fachio :  
Car moun entendomen consideren agachio  
La liberalitat del paüre sant Marti,  
Que soun propre mantél pel miéch anéc parti  
Per vesti un paüre nut qu'éro per la carriéyro.  
Et quant ieü me souy vist en ta grando paüriéyro,  
L'almoyno éy demandado à vostro Magestat  
Quant éts pas liberal cent cox qu'el n'es estat.  
De la vous demanda ieü n'éy pas de vergoungio,  
Vesen que ieü nou dic ayei cap de messoungio.  
Vous éts pus libéral milo cox que nou dic.  
Et quant éy entendut que vous éts fort amic  
Dels rimayres noubels que sou necessitouses,  
Ieü n'éy agut de fa d'éstre d'aquels hountouses.  
Coumbe que ieü nou sio, en rimo, fort saben;  
Mas Platon dis qu'on pért de presens fort souben  
A caüso que l'on a tropo de vergoungiasso,  
Amay l'on pért souben forse de bélo casso,  
A faüto de cassa et de la persegui.  
Et per aquo, moun Rey, per nou vous fa languï,

N'éy pas vougudo perdre uno almoyno ta grando,  
 A faüto de perségre et de boun fa demando :  
 Coumo se presentéc per mi bélo oucasiöü  
 Quant vostre coumessari (\*) el éro ayci l'estioü.  
 Et se vous m'ajudats ieü quitaréy las rodos  
 Per fa coumo Rounsard epigramos et odos.  
 Ieü nou souy pas tan sot de vous voule troumpa.  
 De vostre argen vouldrio forse libres croumpa ,  
 Car ieu éy grand desir de persegui las lettros.  
 O Rey suffrirets vous que ieü fasquo carretos ?  
 N'aürets pas vous pietat del paüre Aügié Gaillard,  
 Que de vostres mouyens me fasquats quelque part ?  
 Cap de libre ieü n'éy sounque lous que m'alébi :  
 Et péyssos es grand jour lou mati quand me lébi.  
 Noun pas que per pigreso estaque dins lou léch ;  
 Mas que nou podi ges studia pla la néch,  
 A faüto que n'éy pas per croumpa de candélos.  
 Lou pouëto Baldarra dis de sentensios bélos,  
 El dis que lou que n'a carreto ni carriol  
 Nou pot pas carreta bounomen quand se vol.  
 Et ieü nou podi pas legi ni may escriüre  
 Quand de libres ieü n'éy, ni de mouyens per viüre.  
 Mas que, s'el vous plasio, me pouriats secouri.  
 Helas ! plasio-vous dounc de fiqua un Henry  
 Al founs de moun sounet, de bélo lettro grando,  
 Coumo vous sabéts fa als que vous fan demando.  
 Vous pregan humblomen atambe d'aütro part  
 De coumanda à Baïf (\*\*), Desportos et Rounsard

(\*) M. des Vallées. — (\*\*) Jean Antoine de Baïf « personnage des plus


Et Amadis Gemi (\*), vostres quatre rimayres,  
 Qu'encaros be que ieü lous agio apelats layres,  
 Nou m'agiou à querella, ni perturba bouci  
 De so que justomen ieü vous demandi ayci.  
 O be se trop à cor o prenou toutis quatre  
 Vengoun à Rabastens, s'els me volou coumbattre!  
 S'elis sou tant hardis, o ben à Montalba.  
 Nou seran pas ta fats de me beni trouba;  
 Car elis sabou be qu'en mas judicatueros  
 Ieü lous counfoundrio touts per bélos escritueros.  
 Toutis counoyssou be que ieü souy escoulié,  
 Amay trop boun masti, estan sur moun palié.  
 Coumbe que ieü amb'els aürio partidos fortos;  
 Mas ieü non cresi pas que Rounsard ni Desportos  
 Me voulguessou fa mal, ni fa mi degun tort;  
 Vesen qu'els éy fiquats an Petrarquo d'acort.  
 De so qu'elis panérou à Petrarquo sous vérses,  
 Petrarquo lous aurio fach tounba touts ebérses.  
 Mas elis podou be toutis prega per mi.  
 Quant à Moussur Baïf et Amadis Gemi  
 En loc de me fa mal, ieü nou podi pas creyre  
 Qu'elis n'agiou desir grandomen de me veyre,

doctes et des premiers compagnons de Ronsard » (Cl. Binet, *Vie de Ronsard*) né en 1532, publia ses œuvres en 1572 et 1573, et mourut en 1592.


(\*) Voici le jugement de Du Verdier (Biblioth. Française) sur ce célèbre poète du XVI<sup>e</sup> siècle, aussi peu connu que le précédent. « Amadis Jamin secrétaire de la chambre du Roy, l'un des bons poètes François de nostre aage, a si bien ensuivi le style de Ronsard en la pluspart de ses poésies, qu'on jureroit presque Ronsard en estre l'auteur, et a mis en lumière ses œuvres... l'an 1577 » il mourut en 1585.

Car ieü abio be gaüch, al tens qu'éri fustié,  
 Quant ieü poudio vese qualqu'un de moun mestié,  
 Car amb'elis tout-jour aprenio quelque caüso.  
 Aytal es, noble Rey, d'un home que coumpaüso.  
 Encaros que Baïf et Amadis Gemi  
 Siou pus sabens en rimo un petit may que mi,  
 Si lour aguéro ieü leurs obros courregidos,  
 Toutis aüriou badat quant las aüriou legidos.  
 Coumbe que so qu'an fach es pla coulent et dous;  
 Mas que tout-jour quatre éls y vesou may que dous.  
 Apélles éro be fort saben en pinturo,  
 Qu'el fouréc be repres d'uno paüro creuro.  
 Un pé de blat tout drech el féc an soun pinsél,  
 Et péys abio pertrach sur l'espice un aüsél.  
 Qué tout lou moun vantabo uno talo pinturo;  
 Mas un paüre pages, qu'éro là d'abenturo,  
 Diséc: « A quel espice que regardats, Messus,  
 « El se deürio plega quant l'aüsél es dessus. »  
 Talomen que péys tout diseroun à vouts naïto  
 Qu'el pages s'éro mez d'uno fort grando faüto.  
 Péys qu'Appélles fouréc reprez per un pages,  
 Coumbe que de l'estat de pintre n'éro ges,  
 A pus forto rasou ieü que souy de l'uffici  
 Debi vese lour faüto amay lour layrouneci.  
 S'el n'éro, mas que ieü de vous souy soustengut,  
 Touts quatre me batriou quant ieü souy ta lengut.  
 Mas mous amix ieü prégui, humblomen de lour dire  
 Que so que disî d'els, ieü o disî per rire.  
 Ieü nou souy pas ta fol, ni foro de rasou,  
 De voule fayre d'els à mi coumparasou,

Et lou mal que lour voli à mi puléü me vengo.  
 En pregan Diou del cél que de mi vous soubengo,  
 Amay lou vaü prega de boun cor que, cad'ans  
 Li plasio de vous da un bél parel d'efans,  
 Daquio que vous n'agiats, noble Rey, unis trento,  
 Et que debant leurs éls agiou de Diou la crento.



## SOUNET AL REY.





DEDINS aquest' sounet, noble Rey de la Franso,  
 Se recoumando à vous lou paüre Aügié Gaillard;  
 Vous pregan humblomen de prene en bouno part,  
 Quant de ma paüretat vous faü la demoustranso.

Ieü fario be beléü de rimos d'impourtanso,  
 Se de vostres diniés me fasiats quelque part;  
 Mas ieü nou podi pas farga re de bragart,  
 Se vostro Magestat quelque paüc nou m'abanso.

Ieü souy, coumo vous dic, roudié de moun estat;  
 Mas ieü me recoumandi à vostro Magestat;  
 Se n'éri poun roudié fario quicon de bél.

O noble Rey sourtit d'uno tant noblo rasso,  
 Suffriretz-vous que ieü reprenge la pigasso?  
 N'aürets pas vous pietat d'aquest' pouëto noubél?





A M<sup>GR</sup>. LOU DUC DE JOUYOUSO,  
PAIR DE FRANÇO.

*Per lou prega d'espliqua la rimo al Rey.*




IEU vous voudrio prega de boun cor, Mounseignour,  
( Mas que nou vous fatchies ) de me fa tant d'hounour  
De prene en vostros mas la lettro qu'abézt visto ,  
Que la tramefi al Rey , que n'es pas bouci tristo ;  
Mas qu'es en moun lengatge ; et ieü nou sabi ges  
Se lou boun Rey enten la lenguo d'Albiges.  
Dounc, moun noble Seignhour, el cal que ieü vous digo  
Qu'es la caüso per que ieü vous douni fatigo :  
Des Valeos, louqual es coumessari siou  
Per amassa l'argen de la counfirmaciou ,  
M'a dich qu'en tout lou moun n'a cap de persounatge  
Que ta pla coumo vous entendo moun lengatge :  
Per aquo de ginouls ieü vous vouldrio prega  
De me fa tant d'hounour de vous voule emplega  
D'interpreta ma rimo al nostre Rey de Franso ;  
Car l'on dis qu'el vous porto uno grando amistanso.  
Per aquo ieü vous mandi aysso, coumo vous dic ,  
Quant ieü éy entendut qu'el Rey es vostre amic ;  
Amay disou qu'aymats grandomen un rimayre.  
Ieü éy be quicon may , mas que moun emprimayre  
Demando cent escuts per o fayre emprima :

Per aquo, Mounseighour, me souy mes à rima,  
 Amay fachio emprima aquest' obro noubélo  
 Per fa mettre la ma del Rey à l'escarcélo.  
 Mas se nou m'adjudas, nou faü que perdre tens,  
 Per so qu'el n'enten pas lous mouts de Rabastens.  
 Se nou lous me vol da, pregats lou qu'els me préste,  
 Car so qu'éy coumpäusat el es asséz hounéste.  
 Per n'éstre trop fachious, ieü vaü fa la fi dounc,  
 Car ieü serio marrit de vous éstre trop lounc.  
 Mas ieü regreti fort quant per tropo paüriéyro  
 Ieü resti de fiqua mas obros en lumiéyro.  
 Péys que vous éts del Rey douncquos ta favourit,  
 D'aquelo malaütio vous m'aürets léü guarit;  
 Et ieü vaü prega Diou, monseighour de Jouyouso,  
 Qu'el li plasio vous da loungo vido et hurouso.

*Vostre humble serbidou,*


AUGIÉ GAILLARD.





### A MOUSSUR DE SERÉ

*De so qu'el menéc AUGIÉ à Rioux, à las nossos de  
moussur de Castel-naü d'Estrechios-founs (\*).*



DEL be que m'abéts fach, vous, moussur de Seré,  
Se ieü podi jamay, vous recoumpensaré.  
Vous éts caüso que ieü éy fach un noble viatge  
Que m'a valgut vint frans amay de l'abantatge :  
Noun pas que siam estats al païs de Piemoun,  
Ni may en Jericoq, ni may al cap del moun,  
Ni de lant sou lous gors, al païs de Candio,  
Ni may dedins Caléz, qu'es dins la Picardio,  
Ni en Jerusalem, de lant sou lous Jusious,  
Senoun qu'en Languedoc, à la villo de Rioux.  
Que lou seignhour de Rioux sa filho maridabo  
Amb'un aütre seignhour que l'on lou me noumabo  
Moussur de Castel-naü, del loc d'Estrechios-founs,  
Que soun be val bél-cop en rendos et en founs.  
Mas quant voulduéc ana cerqua soun amourouso,  
El s'en venguéc passa puléü dedins Toulouso

(\*) Jean de Vabres, baron de Castelnau de Stretfonds, dans le diocèse de Toulouse, et des états de Languedoc, vivait encore en 1604. Le seigneur de Rieux dont il est ici question doit être Jacques de la Jugie, baron de Rieux dans le Minervais, seigneur des montagnes d'Alzonne fils de François Ier de la Jugie, comte de Rieux, baron des états et chevalier de l'ordre du roi, et frère de François II de la Jugie, comte de Rieux et gouverneur de Narbonne.

Per amassa las gens qu'el abio coubidats ;  
Que tous érets bragarts, amay fort pla mountats ;  
Lous us érets mountats de béls roucis d'Españio,  
Et lous aütres abiou de courciés d'Alamanio.  
Ieü vous viguéri tous dins vostro basso-court,  
Que de toutis aquels ieü éro lou pus lour.  
Mountat ieü éro be sus uno bélo faquo  
Qu'éro de vostro méro, amay que n'es pas flaquo ;  
Car elo marchiéc tant coumo cap de rouci :  
En tout que jamay ieü nou la batio bouci,  
Car ni cap d'esperou ni gaülo nou pourtabo,  
Et ses batre, la paüro, elo tout-jour troutabo.  
D'éstre sus talo béstio ieü éro fort hurous,  
Vesen qu'elo fasio ta pla ses esperous.  
Et ieü dic grand mercez à vostro noblo méro,  
Car s'elo nou fourés, fort mal mountat ieü éro.  
Vous me vouliats mounta sus un fort boun rouci  
Qu'apelats Favourit, que n'a cap de boun si ;  
El reguinno et mourdis quant el es à l'estable,  
Amay quant es als cans, que semblo lou gran diable.  
Et me vouliats mounta sus aquel rouci fol  
Que m'aguéro rounsat incoutinen pel sol.  
Mas vostro méro qu'es grandomen pietadouzo,  
Quant elo me viguéc prene la trinque fouzo,  
Me féc presta sa foquo, et la remerci fort ;  
Car s'agués pres lou fol beléü ieü serio mort.  
Mas parlen de las gens, layssen esta las béstios ;  
Bélomen érets tous de persounos hounéstios.  
Ieü mettrio be lou noun dels qu'éy pouscut vese,  
Mas pot éstre que tous n'y prendriou pas plase,

Et ieü nou vouldrio pas facha cap de creuro ;  
Lou nounbre soulamen mettréy en escrituro.  
Lous qu'abio coubidats moussur de Castel-naü  
Ieü lous countéri tous, qu'érets pla vint et naü ;  
An lou nobi s'enten, et ieü fasio lous trento :  
Que de cent Espaniols n'aürían pas agut crento.  
De me mettré del renc nou souy pas deshountat ;  
Car s'aguésses fugit ieü éro pla mountat.  
Mas nou troubéren res, et, ses fa de restanquo,  
Noun anéren dourmi toutis à Villo-franquo,  
Et péyssos lendouma tous à Castelnäü-Darry  
Noun anéren dinna en un lougis, al barry.  
Ieü taysi so que féc un moussur de Ricart :  
Quant aguéren passat un petit Mounqiscart,  
El troubéc un pages que fasio de palhado,  
Et li dounéc d'argen que li déc l'agulhado :  
Mas péyssos el fasio lous roucis enratgia,  
Tan fort el se plasio de voule fadegia.  
Péys anéren dourmi à la villo d'Aüzouno  
Qu'es de moussur de Rious uno plasso fort bouno.  
Lendouma de mati noun anéren à Rious,  
Et nous troubéren là may de morts que de vious.  
S'enten lebraüts, perlix, capous et béstios grossos  
Qu'elis abiou aücits per tal de fa las nossos.  
Jamay n'éy visto en loc tanto de venasou  
Coumo viguéri morto en aquelo maysou,  
Part la pesquo de mar per mangia lou dibendres,  
Per tal de countenta lous grans amay lous mendres ;  
Et péys lou vi muscat qu'éro piquant et dous,  
Que jamay n'éy begut de vi tan sabourous.


La bountat del vi cla , degus nou pourio creyre ,  
Que de la gran bountat saütabo dins lou veyre ;  
Et dels que nou bebiou nou n'y abio pas un soul .  
Laquays , palifriniés ne bebiou lour sadoul .  
Et quant éro lou tens las taülos pla cubértos  
De touto confituro et de toutos dessértos ;  
Péys quant érou sadouls redressaboun un bal ,  
Per tal que lou mangia nou lour fés pas de mal .  
Aqui counoyscio ieü qu'abiats legit Homéro  
Que dis qu'aprép qu'on a fachio fort bouno chéro ,  
El cal dansa , o be dire quelque cansou .  
Mas qu'el en boum frances dis d'aquesto fayssou :  
*« Je dis que le chanter et dancier délectable  
» Il est proprement deu à la fin de la table . »*  
Et là dansabets tous , quant érets pla pensats ,  
Daquiò que lous vioulouns vous abiou alassats ;  
Mas els nou sabiou pas lous bralles de Cassandro ,  
Coumo fa Matheli , qu'es uno fino mandro .  
Ieü cresi que sap may de bralles de soun art  
Que de vérses en rimo Aügié ni may Rounsard .  
De bralles el a fayts tout soul de may de sortos  
Que n'a pas de sounetz méstre Philip Desportos .  
Me coustés-el à mi détz escuts del soulel ,  
Que saguési jouga ta pla coumo fa el !  
Péys que n'anéc à Rious souna bralles ni dansos ,  
Ieü vouldrio be fort qu'el fous à las amenansos ;  
Car beléü m'aprendrio quelque paüc de lima ,  
Et ieü l'aprendrio el un petit de rima .  
Car ieü nou sabi res sounque la roumanisquo ;  
Mas dels vioulouns de Rious el cal que ieü sourtisquo .

Els sounabou fort pla voltos et bralles gays,  
 Que lous dansabets tous à la fi del repays.  
 Et péys quant de dansa vous érets toutis lasses,  
 Boun anabets vese jouga dels coutelasses,  
 Que dins la basso-court y abio d'hommes armats;  
 Et de so qu'els fasiou érou fort estimats.  
 En counbaten ronpiou purmiéyromen las piquos  
 Que n'abiou res al miéch, sinoun que dos barriquos,  
 Et péys aprép aquo tirabou de fuzados  
 Que menabou de bruch may que d'arquebouzados.  
 Cado jour à la baguo els anabou jouga,  
 Per tal qu'elis vouliou tout lou tens emplegua.  
 Si voli ieü ayçi vanta moussur de Géstos  
 Qu'el me féc presenta debant de gens hounéstos.  
 El me menéc debant moussur de Sant-Saüvur,  
 Que despéyssos ieü éy agut un fort boun hur,  
 Et li diséc : « Moussur, ayçi abéts un rimayre  
 Qu'un libre vous vol da qu'el a fach, n'a pas gayre. »  
 Quant ieü lou li baylabo ieü éro fort hountous;  
 Mas quant el l'aguéc pres me féc da huéch testous.  
 Ieü diséri tout bas péys à moussur de Géstos :  
 « Encaros ieü éy may de rimos toutes préstos. »  
 El diséc : « A moussur de Riou las cal douna;  
 Siéc-me incountinen, ieü t'y voli mena. »  
 Et lou troubéc debas qu'éro prép de la porto,  
 Et li diséc : « Moussur, Aügié Gaillard vous porto  
 Un libre qu'el a fach en lenguo d'Albiges,  
 Qu'el vous voulio douna, mas nou gaüzabo ges. »  
 « Et be, respoundéc-el, sa rimo n'éy pus visto;  
 Mas el l'ennemerso mal, ieü souy paüre legisto. »

Soun frayre, moussel Conte, éro tout al prép d'el,  
Et li diséc : « Dats-li qualque escut del soulel. »  
Moussur de Rious diséc : « Et nou vol aütro caüzo?  
Cértos el n'aüra dous per que ta pla coumpaüzo. »  
Et quant prenian coungiét, dous escuts me dounéc.  
Moussur de Géstos ieü ay mi quant m'y menéc.  
Moussur de Géstos es uno noblo persouno;  
Car atambe quant nous fourén à Carcassouno,  
Per un libre que ieü li déri tout soulet,  
El me déc un escut amay un pistoulet.  
Un escut doun lou nobi el m'en déc à Vasiégio  
Countats se tout n'es may de vint livros et miégio.  
Vint frans doutze soüs y a, se vous pla regardats,  
An lous quatre testous que lou nobi m'a dats.  
Vous m'abéts be dat may que cap d'aquelo troupo  
Qu'un gipou m'abéts dat et une bélo joupo,  
Que quant éro tout noü debio vale bél-cop.  
Ha! qu'el drap éro bou! mas que l'an pourtat trop,  
Et lou houn drap n'es pas coumo vi de Chalosso  
Qu'al may el es pourtat, al may el a de forso.  
Amay tambe lou vi que sourtis de Gailhac.  
Mas un accoutromen, en pourtan, se fa flac.  
O que Platon dis pla quant dis que qui séy sequo,  
Amay dis atambe que qui va tout-jour lequo.  
Se ieü al fougayrou me fous tout-jour jagut  
Aquo qu'éy gasaniat ieü n'aürio pas agut.  
Se n'éri pas anat jamay fa talo curso,  
Ieü n'aürio pas l'argen qu'éy aros en ma bourso.  
Plangio pla quant n'abio un aütre libre gras,  
Per tal de lou douna à moussur de Gargas;

Car ieü lou trobi fort hounéste persounatge ,  
Amay m'aürio dounat l'escut o dabantatge.  
Mas ieü lou prégui fort m'escusa , se li play ,  
Car ieü nou n'abio pus ; mas qu'en voli fa may ,  
Que seran touts pus béls, se la mort nou m'empachio ;  
Et lin dounaréy dous per la faüto qu'éy fachio.  
Mas s'ieü nou n'abio pus , el n'éro pas moun tort.  
Que sera fi , Moussur , ieü vous remérsi fort  
Quant m'abéts fach gania vint frans et la despenso ,  
Amay quant vous m'abéts fiquat en counoyssenso ,  
An aquel maridatge , an forse noblo gen ,  
Que prési may aquo que noun pás tout l'argen.  
Et ieü vaü prega Dioü per l'espous et l'espouso ,  
Que li plasio lour da lounguo vido et hurouso ,  
Amay forse d'efans ; car ieü me souy dat trach  
Que lou viatge ses els nou se fouro pas fach.  
Que per aquo d'aqui lou dever me coumando  
De prega Dioü per els d'uno afectioü fort grando.





## A MOUNSEIGNHOUR DE MONTALBA (\*),

*De so que un noumat Conte penséc fa nega AUGIÉ  
dins Tarn, venen de Piquocos à Mounbetou.*



DARRIÉYROMEN, moussur de Montalba,  
 Coumo sabéts vous anéri trouba  
 A Piquocos, an moussur de Panat.  
 Mas en tournan fouri fort estounat,  
 Et me penséc lou Conte fa nega,  
 En noun venen, quant passaben lou ga.  
 Car aquel fat que cado jòur s'embriayguo  
 Me féc toumba fort paüromen dins l'ayguo.  
 Que détz ans a fouréz-el escanat!  
 Car, se nou fous mounseinghour de Panat,  
 L'on poudio fa de mi et moun rouci  
 Un epitafo aytal coumo es ayçi :  
 « Ayçi es Aügié dins aquesto ayguo fresquo,  
 Et lou rouci qu'el paüre abio lougat.  
 A Piquocos abio dinnat des pesquo,  
 Despéys ayçi dedins Tarn s'es negat.

(\*) Jacques Desprez, abbé de Loedieu, fils d'Antoine, maréchal de France, et frère de Melchior, seigneur de Montpezat et de Piquecos. Il occupa le siège épiscopal de Montauban de 1556 à 1589 et résida habituellement au château de Piquecos, ne pouvant habiter le chef-lieu de son évêché, à cause des Calvinistes.

Lou paüre Aügié n'éro pas embriaygat ;  
 Mas si éro be lo sio mayssanto guidó ,  
 Lou Conte sot, que fous el esfegat ,  
 Car soun rouci tirabo per la brido. »

Vous nou creyriats tant fort ieü me fachabo  
 Quant ieü vesio que l'ayguo m'enmenabo ;  
 Mas que moussur de Panat el venguéc  
 Tout drech à mi, et péys el me diguéc ;  
 « Ha, paüre Aügié, pren-te à la mio margo. »  
 So que ieü féri, à caüso qu'éro largo ,  
 Et me tiréc tout bélomen à bort.  
 Mas ieü despéys éy dich qu'el abio tort  
 D'ana passa dedins uno ribiéyro,  
 Quant el ni ieü nou sabian la dressiéyro ;  
 Et péys el sap, o ieü souy ta truffat ,  
 Que Caton dis que l'home es un gran fat  
 D'ana sur Tarn, en pax ni may en guérro,  
 Ni sur la mar, s'el pot ana pel terro.  
 Soun dire el es, qu'el val may alounga  
 Qu'ana se mettre en dangié de nega.  
 So qu'es vertat : mas que jamay pus ieü  
 N'entendi pas de passa un tal rieu  
 Ni sus rouci, ni may dessus cap d'éguo ;  
 Voli puléü alounga d'uno léguo.  
 So que dins Tarn me rendéc estounat ,  
 Per so quant ieü de peys abio dinnat :  
 Ha ! disio-ieü , s'els peysse sou abertits  
 Qu'à Piquocos lours frayres siou murtrits ,  
 Te mangiaran, nou podou fa de mens.  
 Vela, Moussur, un de mous pensamens.

L'aütre fouréc quant nou fouri ta satge  
Coumo Julius Cesar, gran persounatge.  
L'on trobo qu'el se plasio de legi :  
Sous ennemix lou férrou un jour fugi ;  
Mas en fugen un ayguo qu'el passabo  
Dedins sa ma un libret el pourtabo  
Qu'el abio fach despéys lou seou joune atge ;  
Mas ieü, Moussur, nou fouri pas ta satge ,  
Car moun libret en la pochio pourtabo ,  
Que cértos del boussi nou me brembabo.  
D'aütros crabos abio ieü à garda ,  
Et plangio may quant nou sabio nada.  
Aquo d'aqui éro ma pus grand peno.  
Péys abio peur qu'un dalfi o valeno  
Me troubessou , o be qualque coulac ,  
Per me loutgia dedins lour estoumac :  
Aquo d'aqui me fasio pensamen.  
Et péys quant ieü n'abio fach testamen ,  
D'aquo tanbe ieü me fachabo fort.  
Mas Diou voulguéc que sourtiguéri à bort  
En despitan lou que me féc toumba.  
Que sera fi, Moussur de Montalba ,  
En pregan Diou del céel qu'el vous mantengo ,  
Et que la mort aquel Conte lou prengo.





## AUTRO LETTRO

A MOUNSEIGNHOUR DE MONTALBA ,

*Coumo moussur lou Visconte de Panat diséc à AUGIÉ  
que l'anés veyre à soun païs.*



ENCAROS may, Moussur, vous poudéts creyre  
Que vostre bout lou seignhour de Panat,  
A Piquocos quant aguéren dinnat,  
El me diséc que ieü l'anéssi veyre

A soun païs, que farian bouno chéro  
A Requista, Saügano et Coupjac.  
Quant fouri là, fouréc à Seberac;  
Mas sa mouilhé viguéri amay sa méro ,

Que caduno richomen me tratabo.  
Aquo d'aqui n'es pas encantamen !  
Elos à mi fasiou un tratamen  
Milhou cent cox que ioü nou meritabo.

Mas n'es pas tout de mangia , ni de beüre.  
Aquel païs nou me play pas bouci;  
Pus bél esta fa milo cox ayci :  
Jamay à là ieü n'y saürio pas vieüre.

Aquel païs es tout quasi mountanios;  
Ieü y vieürio tout-jour en gran tourmen.

A là s'y fa fort petit de fourmen,  
Et vous n'y abézt que poumos et castanios.

Quant fouri là, troubéri uno pageso  
Que coupabo d'hérbo per un rouci.

Ieü li disio : « Es aysso lou Quarci

« Delant nous sén, o la térrò Albigeso? » —

« L'abesquat es (diséc-elo) de Vabre. » —

« Et digatz-me (so li diséri-ieü),

» De que ayci lou paüre mounde vieü ?

» Aquest' païs ieü lou trobi fort magre. » —

Elo diséc : « La pus part vieü de rabos

» Quéchios al foc, amay de canpayrols

» Et de fruchio coumo lous esquirols.

» Ayci n'a poun ni blats, pezes, ni fabos. »

Aüsen aquo desérti en moun couratge.

Helas! fous ieü al païs de Quarci!

Ount es Moussur que m'a menat ayci,

An aqueste mayssant païs salbatge?

Lou mal païs per camina la posto,

De blats et vis tout aquo n'es rascat;

S'on me dabo tout aquel abescat,

Aymario may uno perroquio vostro.

Sabéts que là forso de salbasinos,

Coumo soun lous, raynarts et esquirols,

Forso lebraüts, singlats et cabirols,

D'aquo y a may que d'aüquos ni galinós.

Cértos, Moussur, tout lou païs de Rouérgue  
 El nou val pas la plasso del Loc-Dieü;  
 Aquo d'aquí counoyssi fort pla ieü,  
 Coumbe que ieü nou souy pas fort boun clérgeue.


Moussur, el cal à la fi que destaque  
 Moun sac un paüc : mas be me fachio fort  
 Que quant el sio quelque vicari mort,  
 El nou cal pas que la perroquio vaque.

Se la me dats, tant que ieü péys la tengo  
 Ieü pregaréy péyssos lou Diou del cél  
 Qu'agiats tout-jour d'escuts un plen tounél,  
 Et que jamay degun mal nou vous vengo.

Moussur, aquels quatrains éy fayts à Mounbetou;  
 Et dedins un libret que l'apélou Catou  
 Éy troubat, en ligen, en un certen passatge,  
 Que beléü m'abertis que ieü nou souy pas satge  
 De vous demanda res, car lou maübés garsou  
 El dis en soun lati en d'aquesto fayssou :  
 « *Noli petere quod possit jure negari.* »  
 « Nou demandés, dis-el, la plasso d'un vicari,  
 Car qui plasso demando, et l'on lin fa rafus,  
 Lou que l'a demandado el es péys fort camus. »  
 Mas l'on m'a dich que ieü nou perdrio pas ma peno  
 De la vous demanda; car l'on sap vostro veno,  
 Que jamay home res nou vous a demandat  
 Que tout incoutinen vous n'ayats coumandat  
 Que, ses pus alounga, on li fés sa despachio.  
 Per aquo, Mounseignhour, aquesto rimo éy fachio


Quant ieü éy entendut qu'éts tan fort liberal ;  
Vous pregan houblomen n'o prene pas per mal ,  
Quant me souy azardat de vous fa aquesto rimo  
Per demanda perroquio à fi de la desimo ;  
Car, ses vostre nebout lou seignhour de Panat ,  
Ieü nou vous aürio pas jamay impourtunat.  
Qu'el me diséc que vous me dariats qualquo caüso  
Per so que vous aymats un home que coumpaüso.  
Ieü nou faü pas ta pla coumo fasio Marot ;  
Mas entre ieü et lou capitani Berot  
Vous aniren vese, s'el vous play, uno fésto,  
Per tal de vous prega d'apouchia ma requésto,  
Et péys en moun lengatge, o beléü en frances,  
Vous faréy uno rimo an cent milo merces.





## D'UN

*Que se fachiabo quant AUGIÉ escrivio en rimo.*



N'es pas el sot aquel que tan s'esprimo  
De me fachia quant éy esrich en rimo ?  
Et lou maübés n'es grandomen jalous :

El dis que ieü n'entendi pas las letros,  
Que valdrio may que ieü fés de carretos;  
El mostro be qu'el es un caütelous.

— Byon viguéc un jour dedins Megaro  
Un embegious que fasio malo caro.  
« Ha! diséc-el, quicon a 'quel perdut,

Car ieü vesi qu'el fa triste visatge ?  
Vengut li es en el qualque doumatge  
O qualque be en un aütre es vengut? »  
Car el disio que tous lous embegieuses  
Quant un fa pla elis ne sou jalouses,  
Talomen qu'els ne pardou lou dourmi.

Ayral fa be lou que ieü ayçi disi.  
El mourira de gran dolio, ieü cresi,  
Tant es jalous à l'encontro de mi.

Encaros s'el qualche boun home el éro,  
 Ieü m'en ririo quant lou vesi en couléro ;  
 Mas sabi pla qu'es pus mayssant que cap.

Forso m'an dich qu'el es un ipoucrito :  
 Que per aquo la rimo n'éy escrito  
 Touto per el , del gran mal qu'el me sap.

— Un Diogenes, lou qu'éro ta parlayre,  
 Passéc un jour debant l'houstal d'un layre ;  
 Et l'on disio qu'el éro fort mayssant.

Sur soun pourtal el abio mes un rolle ;  
 Et Diogenes qu'éro qualche boun drolle  
 Lou legiguéc, so m'an dich, en passant,  
 Et troubéc el en un certen passatge :


« Ayci dedins n'intro cap de mal satge,  
 Ni may degus d'aquels que vibou mal. »

Diogenes péys per tout el regardabo,  
 Et lou paüret à cadun demandabo :  
 « Per ount intro lou méstre de l'houstal ? » —  
 Ieü pourio pla dire d'aquelo sorto  
 S'el que ieü dic metio dessus sa porto :  
 « Ayci n'intro degus que fasquo tort. »

Ieü dirio péys : « Per ount intro lou méstre ? »  
 Per so quel es mayssan, so qu'el pot éstre,  
 Et meouldrio ses caüso vese mort.  
 Las ! per que sou countro Aügié tan dibésses,  
 Car el n'a pas per l'ezuro proucésses,  
 Et proubara, per d'homes un milhié,

Que cap de croux lou paüret el nou ganio  
 De sà de là per fa qualque barganio,  
 Et jamay n'a murtrido sa moulié.  
 Mas nou cal ges que persouno se founde  
 Qu'on sio jamay aymat de tout lou mounde,  
 Encaros be qu'on visquo coumo cal.

Ieü nou dic pas que sio ses cap de vissi;  
 Mas que d'un cas ieü be me rejouissi  
 Que cap d'home de be nou me vol mal.





## AUGIÉ

*Demounstro ayci à sous amix coussi l'on pot  
tira proufiéch dels enemix embegiouses (\*).*



IEU vous vouldrio prega de boun cor, mous amix,  
De nou vous fachia pas quant abéts d'enemix;  
Car ieü ayci probi en forso de passatges  
Qu'els enemix souben nous fan debeni satges.  
Ieü besi be, Messus, qu'él nous es enegious  
D'endura qualque tort d'un mayssant embegious;  
Mas de trouba païs ses de gens embegiousos,  
Puléü s'en troubario ses béstios verenousos;  
Car l'on dis qu'en Candio on nou n'y trobo cap.  
Mas cértos de païs persouno nou ne sap,  
Que tout home de be qu'els afayres magnegio  
N'y trobe d'enemix que li portoun embegio;  
Mas Xenophon disio que, s'on es pacific,  
L'on pot tira proufiéch fort gran d'un enemie.  
Lous anciens abiou paur de recebre doumatge  
De tout aquel bestial que disén qu'es salbatge;  
Mas lous que soun despéys aprép els arribats,  
En loc de lous crenta, lous an renduts pribats,

(\*) Inité de Plutarque. Oeuvres morales, t. 1, traité XIX. Voy.  
traduct. d'Amiot.

Tan s'en fal de crenta d'en recebre doumatge ;  
Forso tiroun proufiéch de prou bestial salbatge,  
Car els mangiou lour carn, s'habiliou de lour pél,  
Amay se medecinou encaros de lour fé! :  
Talomen qu'on se cren que s'el bestial salbatge  
Venio tout à fali, nous serio gran doumatge.  
Aytal cal cerqua l'art et sensio per sabe  
Coussi dels enemix pouyrian tira lou be ;  
Et principalomen serio fort necessari  
A l'home qu'el nou pot viüre ses abersari.  
Coumbe que soun fort clars lous qu'enemix n'an ges,  
Mas qu'el es impoussible à quelque boun pages  
De rendre bouns fruchés tous lous albres salbatges,  
Ni jamay atanpäüc lous nobles persounatges  
Nou fario veni boun un embegious troumpur.  
Nous vesén atambe que jamay un venur  
Nou pot apribasa touto sorto de béstios ;  
Ni, coumo ieü vous dic, las persounos hounéstios  
Un embegious nou pot amb' el apribasa.  
Mas el nou lous cal pas per aquo mespresa ;  
Car nous vesén souben forso fennos puniaygos  
Que la mitat del tens estan toutos embriaygos,  
Et counoyssén que sou de fennos ses rasou ;  
Mas un home ses fenno el fa päüro maysou.  
Nous vesén que lou foc qu'es fort caüt et tarrible  
El ard et counsumis tout aquo qu'es poussible ;  
Mas nous vesén coussi la néch nous esclarsis,  
Et ses el nou poudén mangia de bouns boucis :  
Ses el on nou pot fa gayre be cap d'uffici ;  
S'on lou pren coumo cal el nous fa gran serbici,

Et nous fa veni dous so que trouban amar.  
Nous vesén atambe que l'ayguo de la mar  
Es grandomen salado et maübésó per beüre;  
Mas à quant de fayssous de peys elo fa vieüre!  
Coubme que sio tarriblo elo fort nous servis,  
Car amb' elo pertout l'on porto blatz et vis;  
Per elo nous abén de touto merchandiso.  
Que per aquo moun sot entendomen aviso  
Que se nostre enemic es un sot mal disen  
Et de mal gouberna, cal que nous abisen  
De nous aprouchia d'el per ne tira serbici;  
Car se nous abén mal o qualche mayssan vici,  
Nous aütres lou sabén, se cal, per l'enemic,  
Puléü cent milo cox que per un bouñ amic;  
Car jamay un amic reprene nou nous gaüzo.  
Mas lou qu'es embegious jamay el nou repaüzo,  
Qu'el nou velie tout-jour à fi d'éstre tout prést  
Per vese se fasén res que sio deshounést.  
L'on vech coumunomen que lous que nous aïssou  
Els sou lous que puléü nostre mal describissou.  
Countro lous enemix nou nous fachen doune pus.  
Lou payre d'Alexandro, apelat Philippus,  
Disio qu'éro bél-cop tengut als embegiouses,  
Per so qu'en li disan talis moutz aütragioues,  
El regardabo péys de vioure coumo cal,  
Per tal de fa menti lous que d'el disiou mal;  
Et disio qu'el aymabo aquels que lou blaymabou,  
Quant els lou repreniou, coumo lous que l'aymabou.  
L'enemic embegious lous gors ressemblo fort  
Que sentissou puléü qualche viél roussi mort

Que nou faran lous sans ni lous que soun en vido.  
 Aytal es l'embegious; el a puléü sentido  
 Del mal qu'es dedins nous et del mal que fasén,  
 Que del be qu'abén fach, ni del be que disén.  
 Massouben lour embegio et lour grand' mayssantiso  
 Nous guaris de prou mal et de nostro soutiso;  
 Car se nous vibén mal, péys vibén justomen.  
 Qu'on vegio Mathely souna soun esturmen,  
 Que quant el fa dansa tout soul qualque persouno,  
 El nou s'esprimo pas de fa pla so qu'el souno,  
 Ni de tene mesuro el boussi nou s'en chaüt.  
 Mas quant Pounsset o vech, que counoys lou defaüt,  
 Et que Mathely sap qu'el li porto d'embegio,  
 Alaros péys aprép el boussi nou fadegio;  
 Mas qu'el incoutinen tout so qu'el sap fa fort,  
 Et tachio de fiqua soun esturmen d'acort;  
 El acoutro fort pla sas cordos et cabilios  
 Que péyssos de souna el fa de merebilios;  
 Et se soun embegious Pounsset n'y fous anat,  
 Nou se serio pas mes quel agués mal sounat.  
 Se nostre enemic doune que l'embegio nous porto,  
 El me semblo que nous debén fa de la sorto  
 Que nous aütres bengan en qualque enmendomen,  
 Coumo fa Mathely sounan soun esturmen.  
 So que ieü ayçi dic n'es pas boussi mensoungio;  
 Vous sabéts que l'on a bél-cop may de vergoungio  
 Quant venén à fali, de nostres enemix,  
 May cinq cens milo cox que noun pas dels amix:  
 Mas que, coumo vous dic, degus nou s'enbaïsqu;  
 Touts aüren d'enemix tant que lou mounde visquo.

Et per nous pla vengia d'un mayssant enemie,  
Cal fa coumo diséc Diogenes lou Cynic.  
Un jour un li diséc: « Ensenio me la sorto  
De me poude vengia d'un qu'embegio me porto? »  
Diogenés li diséc: « Nou li digos poun mal;  
Mas regardo tout-jour de vioure coumo cal. »  
Se l'hort d'un qu'on haïs on lou vech qu'el verdegio  
Per éstre pla menat, on y porto d'embegio.  
Se lou nostre enemie a qualque bél chival,  
Quant l'on l'aüsis vanta el nous sap un gran mal;  
A pus forto rasou la persouno embegiouso  
S'elo nous vech mena qualquo vido hurouso,  
Et qu'un enmendomen en nous pesquo vese,  
Ieü vous layssi pensa se li faren plase.  
Demostenes disio: « Se desplase vos fayre  
A un touu enemie, nou l'apéles trufayre,  
Ni may abaricious, ni rouffia, ni paliard,  
Ni bornie, ni boussut, ni gourman, ni babard;  
Mas mostro-te, dis-el, hounéste persounatge,  
Et que nou fasquos tort à degus, ni doumatge. »  
Tout aquo nous cal fa, noun pas lous aütratgia,  
Et d'aquelo fayssou lous faren enratgia.  
Et se tu, so dis-el, injurios tu li dises,  
El te cal regarda que péys aprép abises  
De n'aprouchia del mal que li reprouchiaras,  
Per tal que péys aprép, quant tu lou fachiaras,  
El nou te pesque dire en reprenen ta fäüto:  
« Nous vesén qu'uno pésto elo vol gueri l'aütro »  
Se n'agachian aqui nous faran un gran tort;  
Car degus nou se pot garda de rire fort

Quant l'on vech un boussut, o bornie miserable,  
 Que se va péys trufa de qualche soun semblable.  
 Un Leon Byzantin, un boussut grandomen  
 Lou jazéc, per so quant n'y vesio primomen.  
 « Et tu, diséc Leon, que portos sur l'esquino,  
 Despéyssos qu'es nascut, la vengianso divino,  
 Me reprochios à mi quant ieü éy mal als éls,  
 Qu'el n'a gayre be res que lous abio fort béls? »  
 Per aquo lou paliard fario grando soutiso  
 Quant el reprouchiario à un sa paliardiso,  
 Coumo un Alchimeon que reprouchiéc un jour  
 A Sadrastus, pensan de li fa deshounour,  
 Et li diséc : « Tu es fil d'uno malhurouso  
 Qu'a murtrit soun marit de sa ma sanguinouso. » —  
 « Et tu, so diséc-el, me debes be blayma,  
 Que la tio proprio mayre as aücido an ta ma. »  
 Vela Alchimeon qu'en parlan s'empachiabo,  
 Coumo Domitius quant un cop reprouchiabo  
 A Crassus, per so qu'el éro soun enemic.  
 Lou mayssant li diséc debant touts, en public,  
 Qu'abio plourado fort la mort d'uno lampreso  
 Quant dins soun vivié per mangia l'abio meso.  
 Mas Crassus per aquo boussi nou se fachéc,  
 Et tout incoutinen sul loc li reprouchéc :  
 « Et tu, so diséc-el, qu'as tres mouliés agudos  
 Que de fort gens de be toutos érou vengudos;  
 Mas toutós tres las as pourtados al toumbél  
 Ses te sourti jamay lagremo de toun él. »  
 Per aquo cal tachia, debant blayma persouno,  
 Qu'on nou sio pas cargat del blayme qu'on li douno;

Car on li dounario de talos oucasious  
 Qu'el pouyrio dire péys; « Gueris-te, tu metious. »  
 Diogenes a layssat escrich en un passatge  
 Que per fa l'home bou, o per fa lou fol satge,  
 Purmiéyromen un cop li cal de bouns amix  
 Per fa lou veni bou, o d'apres enemix;  
 Car beléü crentara dels enemix l'enjuro,  
 O be de sous amix crentara la censuro;  
 Et d'aquelo fayssou, coumo Diogenes dis,  
 L'amic et l'enemic à l'homo fort serbis.  
 Souben un enemix per sa maliboulenso  
 Pot nous guari de mals qu'on a que l'on n'y penso,  
 Et direts qu'es vertat, s'escoutats so que dic:  
 Hieron aguéc debat amb'un soun enemix;  
 Mas en se courroussan, presens de may de trento,  
 L'enemic li diséc: « As l'aleno pudento. »  
 Que péyssos, quant Hieron fouréc à sa maysou,  
 Diséc à sa moulihié: « Las, per quino rasou  
 Nou m'o disiat qu'abio ieü l'aleno pudento? »  
 Mas sa paüro moulihié qu'éro fort inoucento,  
 Li diséc: « Moun marit, n'o prengats pas per mal,  
 Ieü pensabo que touts sentiguéssets aytal. »  
 Per aquo ieü vous dic que lous que nous haïssou  
 Elis sou lous purmiés que nostre mal sentissou.


.....  
 Ieü éy be d'enemix quelque miégio douxeno;  
 Mas ieü nou vouldrio pas vese-ne cap en peno,  
 Ni may nou vouldrio pas que cap ne fourés mort,  
 Encaros be que touts m'agiou blaymat à tort.

Coumbe que fachario m'agion dado fort grando,  
 El lous me cal ayma péysque Diou o coumando.  
 Et se nou vouléts creyre, espiats pla coumo ieü,  
 Que Jesus-Christ nous dis, al cinq de S. Mathieü,  
 Que nostres enemix nous cal ayma, se dis,  
 Se nous voulén intra un jour en paradis.  
 Et persos, touts lous jours li disén que nous doune  
 Nostre pa quotidien, amay que nous perdoune  
 Toutis nostre pequats qu'abén fayts et fasén,  
 Coumo nous perdounan als enemix qu'abén.  
 Ieü be quiti lous meüs de touto ma pouyssanso,  
 Car el nous cal à Diou layssa li la vengianso.  
 Se nou lous perdounan, coumo nous prégo Diou,  
 En pregan demandan nostro coundannassiou.  
 Quiten dounquos iou mal que nous an fach lous aütres,  
 Se nous voulén que Diou nous perdoune nous aütres<sup>(\*)</sup>.  
 Qualque sot me dira: « Ieü oouldrio be fort;  
 Mas ieü nou podi pas quant m'an blaymat à tort. »  
 Et nou pourian pas nous, coumo Socrates dire,  
 Qu'el respoundéc un cop à un, qu'el n'y a per rire,  
 Un jour un li diséc: « Socrates là n'y a dous  
 Que debant forse gens parlou fort mal de vous. »  
 El diséc: « Tan m'en chaüt de las gens outragiousos,  
 Tout un, ni pus nimens que de mousquos fachiousos. »  
 De touts mous enemix ieü be vous dic aytal,  
 Encaros be qu'à tort elis me velgou mal;

(\*) Le très-docte Rabelais, dans son épître à J. Bouchet, qui lui mérita  
 d'être mis au nombre des premiers poètes de son temps, emploie deux fois  
 de suite le mot rivage pour rime.


Car elis fan aquo ses rasou ni ses caüzo,  
Per so que soun fachiats quant un roudié coumpaüzo;  
Amay sap un gran mal à d'aütres fantastix  
Quant souni del viouloune aco de mous amix.  
Et cap de touts n'an pas l'esperit ni cerbélo  
Per souna ni per fa cap de rimo noubélo,  
Ni la sensio per fa de rodos coumo ieü;  
Et per embegio m'an pensat mangia tout vieü.  
Mas ieü m'en douni tan de lours folos paraülos,  
Coumo ieü faü d'aüsi caqueta las agräulos.  
A tant m'en douni ieü del mal qu'an dich de mi,  
Coumo s'el me calio dins un boun léch dourmi.  
Tout lou mal que me volou à tant me pot el nose,  
Coumo la carn al loup quant la mangio ses cose.  
Tout lou mal qu'els an dich countro mi, per despiéçh,  
En loc de me fa mal el a fach moun proufiéçh.  
Els disiou qu'en sounan nou tenio pas mesuro,  
Ni may en coumpäsan, me pensan dire enjuro;  
Et ioü éy counouscut qu'on vertat me disio;  
Qu'aros ieü faü milhou cent cox que nou fasio.  
Las rimos que ieü faü despéyssos sou bragardos,  
Que tout lou mounde dis que sou rimos Rounsardos,  
Et souni del viouloune aros ses y fali,  
Que despéyssos cinq cens m'an pres per Matheli.  
Et per aquo lous qu'an enemix embegiouses  
Ieü be diréy tout-jour qu'elis sou fort hurouses:  
Els sou de magisters que nou nous costou res.  
Diou lous garde de mal quant elis m'an repres!





## COUMPARASOU DE L'EMBEGIO

*A uno cabalio, et d'un gous que nou la voulio pas  
layssa mangia.*



UN sot embegious  
Ressemblo lou gous  
Qu'éro sus un fays  
De fort bouno palio;  
Mas uno cabalio  
Voulio soun repays.

Et lou mayssan gous  
Qu'éro fatigous,  
Palio n'éro sio;  
Mas el se fachiabo  
S'elo ne mangiabo  
Et la mourdissio.

La cabalio dis :


« Las, un me mourdis!  
Qu'el es un gran sot;  
Car de ma despenso  
El me fa defenso,  
Et mangia noun pot. »

L'embegious es tal  
Qu'el li sap grand mal  
Quant un fa proufiéch,  
Et, s'el pot, empachio  
La caüso pla fachio;  
Tant el n'a despiéch.

Qui me vol blayma  
Quant sabi rima,  
El es un gran fol;  
Car la mebo rimo  
Es coumo uno limo  
Countro lou fér mol.

L'on deürio densa  
Debant coumensa  
A degus debat;  
Car qui me cridabo,  
S'el nou me troubabo,  
Aros m'a troubat.





## D'UNO MÉLISO

*Que AÜGIÉ panéc al Percurayre de Salbaniac.*



AQUESTO rimo noubélo  
 Féc Aügié d'un boun gabach  
 Que méstre Pierres s'apélo.  
 Un boun tour li fouréc fach,  
 D'uno mélso qu'el croumpéc;  
 Mas Aügié pla lou troumpéc :  
 De lant el l'abio fiquado  
 Léü la lin aguéc lequado.

Ieü vous diréy coussi anabo :  
 Dins l'armari la metéc,  
 Mas coumo se permenabo  
 Aügié be la lin pourtéc.

Péys quant s'en voulguéc ana  
 L'armari el anéc claba ;  
 Mas deban que fous clabado  
 La mélso éro faraniado.


Lou paüre sot es soumari,  
 Dins la couzino s'en ba  
 Et s'en va durbi l'armari,  
 Pensan la mélso trouba ;

Mas quant el nou l'a troubéc  
Disio roumpréy lou ribéc  
Anaquel Aügié rimayre;  
Tout-jour es estat un layre.

Ieü nou l'abio pas croumpado  
Per aquel Aügié Gaillard;  
Car ieü l'abio restanquado  
Per nostre courpoual Liard,  
Amay per méstre Vidal;  
Ieü la voulio farsi d'al :  
Mas aros on la m'a preso  
De lant ieü l'abio pla meso.


Lou mestié de percurayre  
Voli quita s'abén pats.  
Degus nou me cranio gayre,  
Ni souldats, ni may regats,  
Ni ma moulihié atanpaüc.  
A Diou siats, dema m'en vaüc.  
Ayci degus nou me crento :  
Tout lou mounde me turmento.





### A MOUSSUR DE REINIÉZ.

*L'aüthur demoustro ayci coussi el fouréc repres del purmié libre qu'el féc emprima, et alleguo ayci que de pus sabens qu'el soun estats reprezes.*




Lou meü libre purmié qu'abéts vist emprimat,  
 Ieü lou féri emprima per de touts éstre aymat :  
 Per so quant ieü éy vist en forso de passatges  
 Que l'on se deü fa ayma de toutis persounatges;  
 Mas tan s'en fal, Moussur, d'abe aquerit amix,  
 Que per tal de moun libre ieü éy forso enemix.  
 Per tal, so disoun-els, quant fouri ta mal satge  
 D'abe fach emprima un ta mayssant oubratge;  
 Mas ieü éro un gran sot de me voule vanta  
 Que ieü toutos la gens voulguéssi countenta.  
 De lous countenta touts éro caüso impoussiblo;  
 Car moun libre aürio fach may que noun pas la biblo.  
 Ieü n'éy vistos brulla per de sots en moun tens:  
 Elo dounquos lous fats nou rendio pas countens.  
 Per aquo n'agiats pair que jamay pus me fonde  
 De m'empachia que ieü countente tout lou mounde.


Ieü meritaro pla d'éstre mes dins un pouts.  
L'on sap qu'uno couyrasso elo n'armo pas tous;  
Et ieü de moun libret, que n'y a re que vailho,  
Pensabo countenta lous bouns et la canailho.  
Per so que m'an repres n'éy pas perdut dourmi;  
Represes soun estats de pus sabens que mi.  
Nou fouréc be repres de Platon un Socrates,  
Et Platon d'Aristoto, et Galien d'Hypocrates?  
Lælius per Varron de quelque mayssan vici,  
Dabentays Silius per un noumat Supplici?  
Estrabon reprenguéc atambe d'uno péquo  
Un Erastotenés, Aule-Gelle un Senéquo;  
Et Ruffin d'uno faüto el fouréc coundannat  
D'un vérs qu'el abio fach atambe d'un Daunat.  
Or dounc, per qu'en aquels tan doctos creaturos  
Se troubéc à redire, et en lours escrituros,  
Quaut ieü souy de leur renc, el nou me sap pas mal.  
Per coumpaüsa coum' els n'éy pas tant de cabal;  
Car ieü sembli un rial court que n'a bouci de letros.  
Atanpaüc ieü nou n'éy, moun art es fa carretos;  
Mas si ieü me fisabo an d'aquel art tout soul,  
Ieü nou mangiaro pas gayre be moun sadoul.  
Moun proufiéch ieü éy fach d'uno historio fort bélo  
D'un Antonius Verus, payre de Marc-Aurélo,  
Qu'à soun filh el dounéc de méstres cinq ou siéz,  
Per tal qu'el aprenguez de forso de mestiéz:  
Car el disio qu'un home el n'éro gayre satge  
Que nou mangio jamay sounque d'un coumpanatge  
(So disio-el), se l'home el pért lou goust d'aquel,  
Se pot éstre qu'el layssso aquo qu'es bou per el.

Per aquo ieü, Moussur, vesen aquel passatge,  
 Éy apres fa del fat amay de fa del satge.  
 Part las rodos apres éy un paüe del vioulounc,  
 Et de rima un bouci : lou mal tens es fort lounc.  
 Mas ieü nou souni pas dansos ni saütarélos,  
 Sounque salmes amay cansous spirituélos;  
 Car aquels bralles fols me pouyriou fa fali,  
 Coumo per l'aütre libre escribi à Matheli (\*).  
 En toutis mous mestiéz trasi prou mal à vioure,  
 Per so quant ay mi trop las letros et l'escrioure,  
 So me disiou qualq'us, que me fan enregia,  
 Qu'en mas rimos jamay nou faü que fadegia.  
 Mas de lour dire à mi me cal prene passensio;  
 Se sabou may que mi, vendou-me de lour sensio,  
 O que me layssou fa del fat à moun despens,  
 Mas que n'escribo mal countro las bounos gens.  
 De se fachia ambe las fennos et las filhos  
 De caüsoç a dedins que nou sou pas gentilhos,  
 Aquelis vilens mouts aprenguéri al païs :  
 L'on dis qu'el soulel ard la carn de sous vesis,  
 Et als que sou fort lén nou lour fa pas doumatge.  
 Encaros éy troubat aysso dins un passatge :  
 « Las vespos, so dis Plino, amay lous foussalous  
 Que mangiou d'un serpen, dis que leurs eguilhous  
 Se rendou péys aprép bél-cop pus verenouses,  
 Et de lour fisaduro els sou may dangiarouses. »

(\*) C'est-à-dire *LAS ORROS*, de 1579, où se trouve la première édition du dialogue d'Auger Gaillard avec Mathelin, sur l'abus qui se commet à la danse


Soun dire es qu'en las gens on apren de parla,  
An lous cats on apren, so dis, de begoula.  
Estan à moun païs, ieü fouri ta mal satge  
Qu'aprenguéri coumo els aquel ladre lengatge.  
Et faréy fi d'ayso, mounseignhour de Reiniéz,  
Aüguéssets vous d'escuts tres o quatre paniéz,  
Et ieü milo ducats per croumpa uno pigasso,  
Per que sap mal als fats quant ma ploumo rimasso.





## AUGIER

*A tous ceux qui se faschent de quelques mots de  
son premier livre.*



A vous qui avez fait aux libraires défense  
De ne vendre en public mon premier livre en France,  
J'en ay fait icy un, il n'y a pas long-temps,  
Pource que je voudrois vous rendre tous contens.  
Je ne suis point marry qu'on me veuille reprendre ;  
Mais puisqu'il estoit fait le deviez laisser vendre.  
Tort feroit-on à moi comme le temps passé ?  
Vous verrez icy bas ce que j'ai ramassé.

J'ai treuvé, en lisant d'histoires fort notables  
Dans un petit livret, pour moy tres profitables,  
Que du chasteau Saint Ange un Pape un jour sortoit,  
De cardinaux, prélats accompagné il estoit,  
Et comme tous marchaient par la ville de Rome,  
Un vieillard estrangier, peut-estre meschant homme,  
S'en rit si hautement en les voyant ainsi,  
Que tous l'ouïrent rire, avec le Pape aussi.

De quoi esmerveillez, au vieillard firent dire  
Pourquoi si hautement il s'estoit mis à rire.  
Le vieillard dit alors : « La cause de mon ris  
Est, dit-il, que saint Pierre, estant en ce pays,  
Il n'avoit pas le liard pour faire bonne chère,  
Et vous, ses successeurs, estes remplis de gloire. »  
Mais nuls ne se faschoient de ce qu'ils entendirent,  
Tant s'en faut; car le Pape et cardinaux s'en rirent.  
Les huguenots blasmer ne veux ny catholicques;  
Car j'ai veu tout ce cy aux livres italicques.  
— Pape Sixte quatriesme, estant religieux  
De l'ordre Saint-François, quand il fut homme vieux  
Il fut érigé Pape en grand' magnificence;  
Un moyne le vint voir, ayant sa cognoissance;  
Le Pape le receut bien fort humainement,  
Et pour le favoriser, le mena promptement  
Dedans son cabinet avec grandes caresses,  
Et quand il feut dedans, luy monstra ses richesses,  
Disant : « Dire ne puis, beau père, maintenant  
Ce que saint Pierre dict, je n'ay or ny argent. » —  
« Père saint, dit le moyne, ah! je vous le confesse,  
Aussi ne pouvez dire, avec vostre richesse,  
Ce que disoit saint Pierre aux impotens couchez :  
Sus levez-vous de là maintenant, et marchez! »  
Auquel secrettement il donnoit à entendre  
Qu'un riche saintement son bien ne peut despendre;  
Et de son dire au Pape il ne sceut aucun mal;  
Mais ce discours après fit à un cardinal.  
— Un autre cardinal, dans la ville de Rome,  
Invita Raphaël, un peintre, excellent homme,


Et luy fit apporter un tableau qu'il avoit,  
Pour le montrer au Pape et prélats qu'il menoit;  
Et puis le cardinal donna signe à un prestre  
D'apporter le tableau et d'appeler le maistre.  
Le pourtraict de saint Pierre estoit dans ce tableau,  
Et de saint Paul aussi, lequel estoit fort beau.  
Puis le cardinal dit à ceux de l'assistance :  
« Je dis que ce tableau est faict par excellence. »  
Ceux qui estoient présents aussi-tost respondirent  
Que jamais par avant un tel tableau ne virent.  
Hormis deux cardinaux qui dirent, d'une audace,  
Que ces apostres-là avoient trop rouge face.  
Quand Raphaël les vit condamner son labeur,  
Dit : « Ne vous estonnez s'ils sont hauts en couleur :  
Je m'esbahis de vous qui condamnez mon œuvre,  
Car je voy bien qu'elle est indigne de senseure.  
Leur face tout exprès j'ay coulourée ainsi,  
Pource qu'au ciel ils sont rouges comme ceux-cy,  
De la honte qu'ils ont quand les chefs de l'église  
Au lieu de bien régir ne font que bragardise. »  
De laquelle response il ne fascha nul d'eux,  
Comme font contre moy quelques faux envieus.  
— Je vous ay proposé tant d'exemples notables  
Pour adoucir le cœur à ces gens indomptables;  
Encor en mettrois cent, faits par de bons autheurs,  
Si n'estoit que je crain d'ennuyer les lecteurs.  
Or donc excusez-moi si, en ma première œuvre,  
A quelque mot mal dit, veu que c'est chose seure  
Qu'un poëte aprantif ne peut faire autrement,  
Ny artizan qui soit à son commencement.

Regardez un pintier quand il faict sa vaysselle,  
Soit une pinte, ou plat, ou bien quelque escuelle,  
S'il ne luy faut refondre à luy tout ce qu'il faict  
Tousjours deux ou trois fois avant qu'il soit parfait?  
Aussi mon premier livre en brief je veux refaire  
Et ne lairay dedans aucune chose amère :  
Mais depuis qu'il est faict, vendre plus-tost je veux  
Tout ce que j'ay de reste, et puis je feray mieux.





## LOU TESTAMEN D'UN PORC (\*).



Un mazelié troubéc soulet  
 Un porc qu'el prenguéc pel coulet,  
 Et li diséc : « Ha! pouysounié!  
 Ieü te preni per prisounié.  
 Tu m'as mangiats lous caüls de l'hort;  
 Mas ieü te coundanni à la mort. »

(\*) Cette facétie est d'origine romaine. Elle a été imitée du Testament de M. GRUNNIUS COROCOTTA PORCELLUS, composé vers l'an 350 de J.-C. et publié, pour la première fois, d'après un manuscrit existant à Mayence, par un docteur allemand, Alex. Brassicanus, mort en 1539. Auger Gaillard s'appropriä ce sujet qui jouissait alors d'une certaine vogue en France et en Allemagne, et pour lui donner une forme nouvelle, il fit tester son Porc dans le Château de Montbeton et en faveur de ses habitants. L'original latin n'est pas de meilleur goût que l'imitation languedocienne; ce qui ne les empêcha pas d'avoir l'un et l'autre un très-grand succès à douze siècles d'intervalle. Nous sommes placés trop en dehors des circonstances qui les ont vu naître pour les juger d'une manière aussi favorable. -- St-Jérôme cite le Testament de Grunnius Porcellus (appelé COROCOTTA, du nom d'un célèbre voleur qui exerçait son industrie en Espagne, sous le règne d'Auguste) comme une composition très-comique. TESTAMENTUM GRUNNII COROCOTTE PORCELLI DECANTANT IN SCHOLIS PUERORUM AGMINA CACHINANTUM (proœmium sur Isäie). Les dispositions testamentaires de Grunnius Porcellus sont plus nombreuses et plus laconiques que celles du Porc; ainsi il donne à chacun ce qui peut lui être utile ou agréable, sans commentaire... « Verbohis linguam; pueris vesicam, puellis caudam... » (Voy. G. Peignot, Choix de Testaments anciens et modernes, t. II, p. 247.

*Lou Porc.*

« Ha! mazelié, mayssan traydou,  
 Nou vous demandi qu'un soul dou,  
 Layssats-me fa doune testamen!  
 Tramettez qualqu'un prestomen  
 Al vilatge de Sant-Naüffari  
 Per cerqua qualche boun noutari. »

*Lou mazelié y tramettéc un gougiat et li diséc :*

« Gougiat, te daréy miéch testou,  
 Vay cerqua méstre Jan Boutou,  
 Que venguo prene l'estrumen  
 D'un porc que vol fa testamen. »

*Lou noutari arribat, el dis al Porc :*

« Moussur, ayci souy per sabe  
 A qui dounats-vous vostre be. »

*Lou Porc.*


« Un cambagiou douni, Boutou,  
 A mounseignhour de Mounbetou;  
 Péys à sa moulihé douni l'aütre,  
 Mas que Moussur el nou s'en chaüte.  
 Ieü douni al méstre d'houstal  
 Lou cap per metre sul pourtal;  
 Que lou mentur el dira pla  
 A touts qu'es lou cap d'un singla.  
 Al falcounié douni lous éls,  
 Per tal que s'el pért lous aüzéls  
 Lous troubara, s'el es hurous;  
 Car may vesou quatre éls que dous.

Al page voli da la lenguo,  
Per tal que quand soun méstre venguo  
Parla d'ambel, per lou counfoundre,  
En dos languos pouyra respoundre.  
Et péyssos al paüre Limpol  
Ieü li voli douna lou col,  
Per so quant el es d'Alamano  
Et quant sa lenguo souben banio;  
Que cértos el beü may que cinq  
En soun lengatge de lans-trinq.  
Péys al couzinié, per sa part,  
Ieü li voli douna lou lart;  
Car lou roustit serio trop dous  
S'el n'y metio forse lardous;  
Amay li voli da las léüs  
Que traite pla tous mous bourréüs.  
Ieü douni péyssos uno cambo  
Al paüre Jan vaylet de crambo;  
Et l'aütro cambo pels talhurs,  
Per so qu'elis sou de troumpurs:  
S'ieü la lour dabo toutes dos  
Cadun derraübario un os,  
Coumo derraübou lous velous  
Quant elis fan lous capayrous.  
Al pourtié voli da lou cor,  
Per tal que n'agio poun de por,  
Se degus vol intra per forse;  
Coumbe qu'el nou sio qu'uno rosso,  
S'el a dous cors fara trambla  
Touts lous que lou voudran troubla.

Al palfrinié et al laquay  
Ieü voli douna, se lour play,  
Lou fetge amay lous dous rounious,  
Per so que sou bous coumpanious.  
Al carretié douni lou grays,  
Afi qu'engrayscale souben l'ays;  
Car ses grays l'ays de sa carreto  
Rougino may qu'uno troumpeto.  
Al canatié douni lous osses  
Qu'els bayle als cas petits et grosses,  
Per so que nou fan que japa  
Quant n'an poun d'osses o de pa.  
Al boulangié douni la pé  
Per ne fa doubla soun mantél,  
Car lou boun home fort souben  
M'a fach mangia de fort boun bren.  
A madoumayséllou lou Py  
Douni, quant nou pot escupi,  
La mélsou que tant que sio vibo  
Li fara beni la salibo.  
A las aütros dos doumayséllous  
Douni la couo et las cerbéllous,  
Per so qu'elos n'an gran besoun,  
De couo ni cerbéllous n'an poun;  
Et per lour piél acoumouda  
Las costos ieü lour voli da,  
Per so que ieü éy entendut  
Que l'aran lour es defendut.  
Item, voli que la nouyrisso  
Agiou per sa part la salsisso,


Per tal que s'el lach li taris  
 Ne doune péys al que nouyris.  
 Et péyssos à la bressayrolo  
 Ieü li voli da la boutiolo;  
 Ieü la li douni tout esprés  
 Per fa musa l'efan del brés;  
 Car, coumo se voudra ploura,  
 La bressayrolo li dira:  
 Té, té, petit, té, la boutiolo!  
 Car aquelo nouyrisso folo  
 Fa del fat an lou couzinié  
 Amay an lou palafrinié;  
 Et lou paüre petit garsou  
 Se calara de la fayssou.  
 Péyssos à las aütros sirbentos  
 Douni per las randre plasentos,  
 A toutes uno bélo treno  
 Del loc pus fort de ma coudeno.  
 Item, à Aügié voli da  
 Tres budéls per tal d'acourda  
 Soun viouloun, et quant ieü mourisquo  
 Qu'el me soune la roumanisquo,  
 Et mouriréy jouyousomen  
 Mas qu'el soune soun esturmen. »





## LOU PLACART

*Que AUGIÉ bailhée à moussur DES VALÉES, cou-  
messari deputat per lou Rey per demanda d'argen  
à tous lous que tenou perbaletges et ufficis de Sa  
Magestat, estan loutgiat al lougis de Sant-Jaques,  
à Montalba.*



IEÜ prégui Diou del cél, Moussur lou Coumessari;  
Que vous donne tal be que vous es necessari.  
Quant et quant on m'a dich qu'érets dins Montalba  
Ieü n'éy voulgut fali de vous veni trouba.  
Se nou sabéts qual souy, ieü vous o voli dire:  
Ieü souy Aügié Gaillard, lou que lous fats fa rire,  
Per so que qualque paüc me mayli de rima.  
Et quant éy entendut qu'abéts fayts emprima  
De placarts, per lous mettre als cantous de la plasso  
D'aqueste Montalba, oun lou mounde s'amasso  
Per lous veni legi quasi de toutos parts,  
Per entendre et sabe que disou tals placarts;  
Coumbe què pels cantous férets fa fa la crido  
De part lou Rey, mas touts nou l'abiou pas aüsido.  
Lous que nou sabiou res, o vesen als piliés,  
Se pensabou que ieü o quelques escouliés  
L'aguéssen mez aqui, cresen que fous en rimo;  
Mas péys toutis an dich qu'es caüso legitimo

So qu'abéts fiquat là ; car vous benéts leba  
L'argen degut al Rey per lous de Montalba ,  
Et prencipalomen lous que sous drets jouïssou ;  
Mas en loc de ploura toutis se resjouïssou :  
Els aymou may paga cent cox counfirmaciou  
Que noun pas un soulet à la countribuciou.  
Toutis lous qu'an jouit del noble Rey officis ,  
Perbaletges, estats, o d'aütres beneficis ,  
Elis volou paga, cadun de soun coustat ,  
Tout aquo qu'es degut à la Sio Magestat ;  
Coumo vous lour mounstrats per rolles et per lettros,  
Que per touts lous cantous sounérou las troumpettos,  
Qu'on agués à pourta en vostros mas l'argen ,  
Coumo dins lous placarts an troubat, en legen.  
Touts lous Cossouls un cop, an gran manifissenso,  
S'y férou touts purmiés an grando diligenso.  
Lou jutge et loctenens et touts lous qu'an estat  
Del Rey, oubei volou à la Sio Magestat.  
Touts lous qu'an vist aquo als piliés de la fusto  
Disiou que demandats uno caüso fort justo  
Et que lour desir es recounoyse tout-jour  
L'aütoritat del Rey coumo lour boun seïghour,  
En li vouden paga tout-jour tribut et tailho  
Et sas hounours et drets jusquos à uno mailho.  
Et ieü Aügié Gaillard, humble serbidou siou,  
Li porti lou meü drech de ma counfirmaciou;  
Noun pas d'or ni d'argen, que nou n'éy pas gran soumo;  
Mas quel beni paga de so qu'a fach ma ploumo,  
Qu'es mou libre noubél an lou viél ajustat ;  
En pregan humblomen à la Sio Magestat

De creyre, se li play, que despéys ma nayssenso  
Éy agut gran desir d'abe sa counoyssenso;  
Per tal de lou prega humblomen d'abe esgard  
A la necessitat del païre Aügié Gaillard  
Qu'es un pouëto noubel, qu'a fort desir d'escrïüre;  
Mas lou païre n'a pas degun mouyen per viüre;  
Que s'el Rey o sabio, beléü el fario tant  
Coumo lou tens passat Alexandro lou grant,  
Que, quant el éro viü, forso d'argen el dabo  
A tout home qu'en rimo alaros s'adounabo.  
So qu'a fach nostre Rey à tan pla coumo el:  
Car Desportos n'agut milo escuts del soulel;  
Amay darriéyromen encaros li dounabo  
L'abesquat de Sanlis, que fort el estimabo;  
Mas qu'al cap de tres jours arribéc un courüü  
Que poutéc un paquet que l'abesque éro viü;  
Que forso gens m'an dich que lou païre Desportos  
Cambiéc péys de coulours de may de quatre sortos,  
Et despéys cado jour lou 'païre cor-falis,  
Quant n'a pouscut abe l'abesquat de Sanlis.  
Hélas! Plutarquo dis que loungo cordo tiro  
Tout home que la mort de qualqu'un may desiro  
Per aquo là demoro à la cour embousquat  
Per afi d'atrapa quelque boun abesquat.  
Lou Rey als pouëtos douno aquo qu'on li demando.  
Nou lous deürio pas da uno caüso trop grando:  
El vey aros que fa un Péyre de Rounsard,  
Qu'el nou coumpaüso pus aros qu'el a sa part.  
Desportos fara aytal: nou dara pus serbici  
Al noble Rey, s'el a quelque boun benefici;

Car s'el li fa douna l'abesquat de Sanlis,  
 Desportos fara péys coumo fan lous moulis,  
 Que quant an tropo d'aygo elo péys lous doumino,  
 Et nou podou pas ges fa de bélo farino,  
 Ni may nou podou pas molre cap de bouci.

Quand Desportos veyra que l'éy fiquat ayçi,  
 Beléü se fachiara per so qu'el trop s'estimo,  
 Et li saüra gran mal quant l'éy mes en ma rimo:  
 Car forse gens m'an dich qu'es un paüc fantastic;  
 Mas nou deürio pas fa, car ieü souy soun amic,  
 Amay ieü aberti lou voli d'uno caüso.  
 Darriéyromen Petrarquo uno fort loungo paüso  
 El debiséc ammi, amay el me disio  
 Que Desportos en el un gran tort li fasio;  
 Disio qu'el li panéc cent vérs o dabantatge,  
 Que lous a touts de renc fiquats en soun oubratge.  
 Que Petrarquo d'aquo se fachio grandomen,  
 Quant Desportos n'agut un paüc d'entendomen  
 De lous escampilha per tout lou seü oubratge;  
 Car el n'a fach re pus que cambia lou lengatge:  
 Que per aquo Petrarquo amb'el aüra desbat  
 S'el lou trobo, so dis, tout soulet à l'embat.  
 Per aquo, se vous play, vous prégui de li dire  
 Que s'el trobo Petrarquo en loc, que las se vire!  
 Car Desportos a tort, Moussur, quant tout es dich  
 D'abe li deraübat aytal de soun escrich.  
 Ieü éy peur qu'es vertat so que disiou lous satges  
 Qu'enlas granportossoun lous grans vens et aüratges.  
 Desportos es gran pouëto, amay aquel Rounsard;  
 Mas elis an panat touts dous en qualque part,


Et fan entendre al Rey de Franso et de Poulounio  
Qu'els an fachio tous dous touto aquelo besounio.  
Se leur mounstrats aysso vous lous farets rougi.  
Que sera fi, Moussur, ieü souy las de legi  
Tout l'abus qu'els an fach al noble Rey de Franso.  
Debant qu'el sio lounc-tens, ieü éy talo esperanso  
De fa quicon de bél, s'un cop souy afustat,  
A la louangio tout de la Sio Magestat :  
Et péys lou pregaréy, se ieü faü bél eubratge,  
De me da cent escuts, per me douna couratge.





## AU ROY.

*Du tort que firent certains gentils-hommes à un chat.*



Tres illustre nostre bon Sire,  
 Moy, vostre serf, vous veulx escrire,  
 Combien que sois ignorant poëte,  
 Du tort qu'on fist à une beste.  
 De cecy ne suis point menteur :  
 Monsieur de Montbarthié (\*) est l'auteur,  
 Car ils étoient dans sa maison  
 Ceux qui firent la sédition.  
 Ils s'en allèrent à la chasse,  
 Et prindrent force populace ;  
 Mais, s'il vous plaist, nostre bon Sire,  
 Le nom de tous je vous veulx dire.  
 Comme j'ai dict, de Montbarthier  
 Marchoit entr'eux tout le premier ;  
 Parce qu'il est de belle taille  
 Il conduisoit ceste bataille ;

(\*) Bernard d'Astorg ou d'Astorc, baron de Montbartier au diocèse de Montauban, capitaine de cent hommes d'armes, gouverneur de Mas-Garnier et chevalier des ordres du roi. Il se fit élire gouverneur de Montauban au commencement de la seconde guerre de religion (1567), malgré l'opposition des consuls catholiques ; mais on ne tarda pas à le destituer pour mettre à sa place Philibert de Rapin. En 1593 il vendit les droits seigneuriaux qu'il percevait dans la ville et juridiction de Rabastens, en paréage avec le roi.

Et puis monsieur de Beauregart,  
 Gentil-homme de bonne part;  
 Et puis après un fort beau fils  
 Qu'estoit aux nopces de Paris,  
 C'est le visconte de Moncla,  
 Vous cognoissez bien cestuy-là;  
 En outre, il y avait aussi  
 Un quidam qui se nomme ainsi,  
 Le capitaine Bigourdan  
 Qui me ressemble Bajordan  
 De ses jambes et de la teste,  
 Mais il n'avait qu'une fenestre,  
 Bajordan les a toutes deux (\*);  
 Mais Bigourdan le malheureux  
 En perdit une sur la mer  
 Où il estoit en grand danger.  
 Toutesfois il fut des rusez,  
 Craignant de faire quelque excez,  
 Et s'en retourna au quartier  
 De mondit sieur de Montbarthier.  
 Mais les autres par trop vollages  
 Ne furent pas du tout si sages;  
 Car ils ont faite une autre chose  
 De laquelle parler je n'ose.  
 L'on me pourroit dire, pourquoy?  
 C'est pource, Sire, que je croy

(\*) Le Capitaine Bajordan ou Bazordan assiégea Montauban avec Terride, et fut tué sur la brèche de cette ville, le 24 octobre 1562. Cette pièce de vers, antérieure à cette époque, doit être une des premières d'A. Gaillard.

Qu'on me tiendra pour indiscret  
Quand je ne tiens cecy secret.  
Vous sçavez donc que ces seigneurs,  
Après avoir chassé ailleurs,  
S'en retournoyent la chasse faite ;  
Mais rencontrèrent une beste  
Que les François disent un chat,  
Lequel fit acte de soldat :  
Car quand on luy bailla la charge  
Il bondit un fossé bien large,  
Et grimpa dessus un grand chesne  
Où sa mort fust bien-tost prochaine ;  
Car aussi-tost de grand' vitesse  
Fut assiégé par la noblesse,  
Et commencent à le sommer  
Tous ceux qu'avez ouy nommer.  
Monsieur de Beauregart luy crie :  
« Ren toy, te sauveray la vie. »  
Et le Visconte de Moncla  
Aussi de sa part l'appela,  
En luy disant, « Rend toy, pendard ;  
C'est toy qui as mangé le lard.  
Rend toy bien-tost, tu as gran tort ;  
Las! tu vois bien que tu es mort  
Si vistement tu ne te rens ;  
Car nous sommes beaucoup de gens.  
Quand tu tiendrois dix mille jours  
Tu n'aurois jamais nul secours ! » —  
« Ha! fit le chat, il est bien force,  
Car je n'ay plus aucune amorce.


Et leur dit lors : « Gens de noblesse,  
Pour m'asseurer de la promesse,  
Il me faut un rat pour ostage  
Ou autrement serois mal sage  
De me fier en la parolle  
De vous qui portez tous pistolle :  
D'autres y ont esté trompez,  
En temps de guerre et temps de paix. »  
Les assiégeans luy dirent lors :  
« Plus-tost soldats fussions-nous morts,  
Devant que nous eussions pensé  
Qu'en rien tu fusses offensé. »  
Sire, voilà mon chat rendu,  
Qui pourtant ne fut point pendu ;  
Mais quand il eut quitté son fort  
Ces gens lui firent un grand tort,  
Car ils le mirent en chemise,  
Après luy avoir la foy promise,  
Et mirent tous les chiens après :  
Alors mon chat fit son décès.  
Mais quant à moy ne puis penser  
Si Montbarthier faut excuser ;  
Car il estoit sur un mulet  
Bien loin, le pauvre, tout seulet,  
Et ne sçay s'il estoit consent  
Au désastre de l'innocent ;  
Toutesfoys je croy bien que non,  
Car il est trop bon compagnon.  
Mais les autres ont eu grand tort  
D'avoir mis traitement à mort

Ce pauvre chat, sans nuls amis,  
 Qui ne mangeoit que des souris :  
 Voylà pourquoy tant je regrette  
 Le grand malheur de ceste beste.  
 — Sire, je m'en vay faire fin ;  
 Je voudrois bien faire un butin  
 De quelque croix d'or ou calice (\*),  
 Et vous voudrois faire service.  
 — Sire, je suis Auger Gaillard,  
 Petit apprentif de Ronsard ;  
 Il dit qu'il est de Vendaumoïis,  
 Et je suis natif d'Albigeois.  
 A dire vray je suis Auger  
 Qui n'ay pas beaucoup à manger ;  
 Je ne possède aucune terre ;  
 J'ayme la paix, je hay la guerre :  
 En temps de paix je suis charron,  
 En temps de guerre suis larron ;  
 Autrement je ne sçauois vivre,  
 Je n'ay pas de bien une livre.

(\*) Texte de 1579. En 1583, il se garda bien de faire réimprimer ce vers par trop hérétique, et il lui substitua le suivant :


« De quelque bragarde nourrice. »





## LOU COUSSEL

*Que donéc AUGIÉ à un homme viél qu'el abio  
pres la moulié joube.*



## SOUNET.


L'HOMME qu'es oubligat à paga quelque rento,  
S'el nou pot acaba de paga soun seignhour,  
El tachio de cerqua per vioure an soun amour  
Qualque poulit presen, et péys lou li presento,

Et li dis : « O, Moussur, nou me dounets turmento ;  
Car ieü vous pagaréy fort pla de jour en jour ;  
Prenéts aquel presen, faséts me tant d'hounour ; »  
Et d'aquelo fayssou per un tens lou countento.

Vous que debéts de résto à la moulié hél-cop ;  
Se per se fa paga elo vous fachio trop,  
El cal que li dounets qualquo caüso d'hounésto,

Et li dire : « M'amour, vous abéts counouscut  
Que ieü vous éy bailhat tout aquo qu'éy pouscut,  
Et cal que m'atendats un petit de la résto. »






AUTRO LETTRO

## A MOUSSUR DÈS VALÉES,

*De so qu'el séc brulla quelques mayssans libres  
diffamatoris.*



MOUSSUR lou Coumessari, à vous me recoumandi  
Et vous prégui de creyre aquo que ieü vous mandì:  
Despéyssos qu'éts partit ayci de Montalba  
Néch et jour ieü n'éy fach despéys sounque reba,  
Et ieü me souy pensat de vegados dous milo,  
A so que férets vous dedins aquesto vilo.  
Quant aguéren dinnat, per tal de nou languì,  
Tout aquest' Montalba vous anérets segui,  
Et vous viguéri intra dins aquo dels librayres,  
Amay dins lous houstals de tous lous reliayres,  
Que fasiats del marchian, pensan de lous troumpa,  
Lour disen que vouliats forso libres croumpa.  
Mas, so m'an-elis dich, de re nou lous troumpérets  
Per tal, so disoun-els, que vous nou lour croumpérets  
Cap de libre que fous en grec ni en lati,  
Sounque tous lous qu'an noum : *Lou Rebelio-Mati*,  
Et d'aütres libres fols, que l'aütur lous nomino  
*Lunetos de Cristal fachios de Roquo fino*;  
Et tant d'aütres mayssans qu'en saüguérets trouba,  
Que jamay coumpäusats nou sou dins Montalba;

Mas que qualque mayssan lous a pourtats d'Espanio,  
O beléü soun venguts del pays d'Alamano,  
O ieü nou sabi d'oun; mas d'oun que siou venguts,  
Si ne croumpérets vous per may de vint escuts,  
Et al vostre loutgis lous metérets en cendres.  
D'aquo me soube pla, qu'éro un jour de dibendres,  
Qu'en tout vostre dinna n'abiats bouci de carn,  
Sounque de peys de mar et de peyssou de Tarn;  
Amay abian tambe qualque dous plats de géyssos.  
Et lou dinna finit, el me soube que péyssos  
A vostro crambo un foc fort gran férets basti,  
Que ieü pensabo pla que voulguéssets rousti  
Qualque quartié de bioü, tan gran lou foc el éro;  
Mas ieü viguéri péys que vous, d'uno couléro  
Metérets dins lou foc tous aquels libres fols,  
Et lous férets brulla coumo de parpailhois.  
Et péyssos me disiats que talos escrituros  
N'érou que toutes vere et grandos impousturos,  
Plenos de falsetats, et que talis traydous  
Que lous an coumpaüsats sou de perturbadous  
De l'estat et repaüs del public de la Franso,  
Et que voulou tachia de touto lour pouyssanso  
Per vese se pouyrian fiqua la dissensiou  
Entre lou Rey amay lous de la religiou,  
Et jamay nou penséc en uno talo caüso  
D'aquolos que l'aütur al noble Rey impaüso.  
Esgalomen el aymo huguenaüs, catoulis.  
Sabéts quals cresi-ieü qu'el ten per enemix?  
Toutis aquelis qu'an aquesio pax roumpudo,  
Amay toutis aquels qu'an fachio courregudo,

Que voulion atrapa sas vilos et castéls,  
 Et sas plassos et forts, doumaynes et jouyéls,  
 Sas tailhos et tributs o l'argen de finanso.  
 D'aquo se fachio be nostre boun Rey de Franso?  
 So que, quand tout es dich, s'on y voit agachia,  
 D'aquo lou noble Rey a loc de se fachia.  
 Ieü disi la vertat, nou souy bouci falsari;  
 Car ieü preni lou cas, Moussur lou Coumessari,  
 Que ieü fouréz seignhour d'aqueste Montalba  
 Delant darriéyromen nous venguérets trouba,  
 O be de Rabastens, ou d'un aütre vilatge,  
 Et que de mous soujéts me féssou tal aütratge.  
 Ieü vous layssi pensa se péys serian amix,  
 Foussoun-els huguenaüs, o foussoun catoulix?  
 Jamay perdou n'aüriou de mi de talo ouffenso,  
 Coumbe que d'el à mi a qualquo differenso.  
 El troubario puléü cent milo homes armats  
 Que nou fario pas ieü un couple de regats.  
 Tout lou moun sap fort pla qu'el a grando pouyssanso,  
 Mas que lou noble Rey n'a que fa de vengianso,  
 Et qu'el es lou pus dous que jamay sio nascut;  
 Nou que ieü l'agio vist, ni ta paüe counescut,  
 Mas touts lous que l'an vist m'an dich qu'es veritable  
 Que jamay on n'a vist un Rey tant caritable;  
 Et tant d'aütros vertuts que reluisoun en el,  
 Que cap d'home de be que sio joust lou soulel.  
 Nou vouldrio abe pensat, en la mendre paraülo,  
 Que tals menturs impaüsou al boun Rey de la Gaülo.  
 Mas péys, coumo sabéts, ieü tournéri trouba  
 Lous librayres que sou dins aquest' Montalba,

Lour disen, que pus els de talo marchiandiso  
Nou se carguèssou pas, pleno de mayssantiso;  
So que touts d'un acort me proumeteroun els,  
Amay érou marrits d'abe croumpats aquels :  
Et per vous soun estats guaris de grand fatiguo  
Quand lour abéts tirats aquels de la boutiguo;  
Car els crentabou fort de jamay nou trouba  
L'argen que lour coustéc : car lous de Montalba  
N'abiou bouci que fa d'uno talo besounio,  
Quand disio mal del Rey de Franso et de Poulounio;  
Car el n'es cap de jour que nou prégoü per el,  
Qu'el Diou del paradis li doune boun coussel.  
Toutis sabén fort pla que lou boun Diou coumando  
Qu'el Rey nous cal ayma d'uno affectiou fort grando,  
Et li paga soun drech l'hibérn amay l'estiou,  
En cent pars es aquo, amay en sant Mathiou.  
Be sou mayssans aquels, o be ples d'inoussenso.  
Catou nou n'abio pas de Diou la counouysenso,  
Et se l'on lou legis, dedins on troubara  
En un endrech, qu'el dis : « *Principem honora.* »  
Be cal dire que sou de mayssantos creturos  
Lous que fargados an aquelos escrituros.  
Mas résto que despéys nou s'en pot trouba cap;  
Et ieü cresi, Moussur, que sel boun Rey o sap  
Que nous agian d'aquo fachio pérdre la rasso,  
En cadun nous dara quelque badio o plasso.  
Coumbe que tals escrits nou podou pas blassa  
Lous que sou gens de be, ni may lous ouffensa :  
Mas nous de lous brulla lour abén fach serbici  
Qu'en cadun nous deüriou da quelque benefici,

O ben à vous tout soul, s'érou vostres amix,  
 Per so que ieü éy trach moun froc à las hourtix  
 El a degia vint ans, amay de l'abantatge.  
 Mas que nostre boun Rey ieü estimi tant satge,  
 Qu'encaros be que ieü agio gitat moun froc  
 Nou me layssara pas per aquo tant al croc  
 Qu'el nou me fasquo da qualque petito caüso,  
 Car el aymo, so disou, un home que coumpaüso,  
 Et péys sap que degus nou pot fa re de bél  
 Quant paüretat l'estren an soun mayssan courdél  
 Atambe souy segur que lou boun Rey de Franso  
 Als rimayres paürets porto grando amistanso,  
 Et qu'on n'a vist jamay cap de tan liberal:  
 Encaros à de sots, coumo sabéts, sap mal!  
 Nou vous soube pas el, Moussur lou Coumessari,  
 Qu'en vostre loutgis un fouréc ta temerari  
 D'ana tacsà lous Reys de proudigalitat  
 Per so qu'els usou trop de liberalitat?  
 Mas per bounos rasous li barrérets la bouquo,  
 Que péys el demouréc ta mut coumo uno souquo,  
 Li disen qué lou Rey Artaxerces disio  
 Qu'un boun Prince o boun Rey cent cox milhou fasio  
 De douna de presens que noun pas de ne prene.  
 Mas ieü nou trobi cap d'home de be qu'el rene,  
 Sounque quelques fadas que n'aüsi cado cop,  
 Que disou que lous Reys als us els dounou trop;  
 Mas aquels sou de sots; car lou nostre Rey doüno  
 Als que l'an pla serbit d'uno affecciou fort bouno.  
 A mi me fan breмба, lous que caquetou tant,  
 Dels fats que reprenguérrou Alexandro lou grant,

Quant dounéc cent talens à Phocion fils d'Athénos,  
 Que péys li fouréc dich per de gens trop aüténos,  
 Coussi el à Phocion dabo tant de mouyéns,  
 Vesen que dins la vilo abio tant d'Athéniéns?  
 Alexandro diséc : « A el tal dou uffrici,  
 Per so que may que touts el m'a fach de serbici. »  
 Aytal fa nostre Rey. El fa de grandis dous  
 A touts lous que li sou fort louyals serbidous.  
 Et vous l'abéts serbit déx ans o dabantatge,  
 Et nou vous a pas dat, so diséts, cap de gatge.  
 Mas, Moussur, vous metéüs d'aquo vous acusats,  
 Car demanda li res jamay vous nou gaüsats.  
 Hélas! pensariats-vous qu'el dounéz uno caüso  
 A ün que demanda jamay nou la li gaüso?  
 Et nou sabéts pas vous que lous aüturs latis  
 Els disou : « *Petite et post invenietis.* »  
 Sæ nous voulén trouba quelque bouno aventuro  
 El nous cal fort cerqua, so nous dis l'escrituro.  
 Et péys lou boun Rey a tant de demandadous  
 Que nou li soube pas de touts sous serbidous.  
 L'on vech qu'un canatié qu'a dous o tres cens gousses,  
 Dogues, lebriés, turquets, aütres cas blans ou rousses,  
 Tantis n'oublidario de lour douna de pa;  
 Mas que quant an talen, touts li venou japa.  
 De li bremba de touts n'es pas en sa pouyssanso.  
 Et per aquo, Moussur, al boun Rey de la Franso  
 De touts sous serbidous nou li pot pas bremba;  
 Mas que se me creséts, vous aniretz trouba  
 Aquel nostre boun Rey de Franso et de Poulounio;  
 Et nou vous atendats al dich d'aquel ybrounio

Que disio que lous reys, mounarquos, potentats  
 Nou deüriou pas usa de proudigalitats ;  
 Car jamay estimats nou seriou pas mal satges  
 Quant dariou tout lour be à talis persounatges,  
 Que counoyssou lour éstre, envers lour magestat,  
 Bous serbidous louyals, coumo vous éts estat.  
 Et lour dounan presens, estat o benefici,  
 Els oubligou lours cors à lour fayre serbici.  
 So qu'es fort pratiquat aros an d'aquest' tens,  
 Car on ne troubara cent milo de countens.  
 Éts trop hurous, Moussur, d'abe tant noble méstre !  
 Et ieü Aügié Gaillard souy, amay voli éstre  
 Fort houmble serbidou de la Sio Magestat,  
 Et desiri soun be et sa prousperitat,  
 Coumo de mi meteüs, amay de l'abantatge,  
 Et me souy azardat de fayre aquest' oubratge  
 En ma lenguo albigeso, et lou vostre placart  
 Lant al fous parli d'el, vous pegan de ma part  
 Que lou fasquats legi debant sa noblo fasio  
 Et de lou prega fort houmblomen que li plasio  
 L'accourda et sinna. Et s'el fa aquo d'aqui  
 Sera caüso que ieü nou seréy pus couqui.  
 Et s'el me fa da res, Moussur, en moun absenso,  
 O pouyrets retira an touto diligenso,  
 Et lou placart qu'éy fach de la counfirmaciou  
 Vous serbira tout-jour d'uno percuraciou :  
 Et péyssos, d'aütro part, uno bélo quittanso  
 Qu'éy fachio al tesaürié del noble Rey de Franso,  
 Sinnado de ma ma, que vous mandi atambe ;  
 Vous pegan, d'aütro part, de me fa tant de be

D'ana dire à Rounsard et al païre Desportos  
 Que lour faréy serbici en may de milo sortos;  
 Que se fachio lour éy qualque caüso al rebés,  
 Nou me regardou pas per aquo de trabés.  
 De so quant ieü éy dich qu'an uzat de pilhatge  
 Nou me regardou pas per aquo an mal visatge:  
 Per so qu'un aprentis el vech puléü un rat  
 Dins l'él de soun doctour, que dins lou seü un cat.  
 Noun que ieü velgo dire aycis en moun oubratge  
 Que ieü agio re prez à cap de persounatge;  
 Sounque al tens de la guérro un calici (\*) poulit;  
 Mas aquo per la pax es estat aboulit.


Et se ieü nou faü poun rimos de tant de sortos  
 Coumo Péyre Rounsard et Philipppo Desportos,  
 Aquo d'aqui n'es pas à faüto de cabal,  
 Car ieü n'éy lou plen cap: aqui n'es pas lou mal!  
 Mas sabéts vous per que leurs rimos sou pus bélos?  
 Princes ieü n'hanti pas, damos ni doumaysélos,  
 Coumo fan elis dous touts lous jours à la court;  
 Que per aquo d'aqui moun oubratge es ta lourt.  
 Las rimos que ieü faü seriou pla coumpassados  
 Quant ieü frequentario fennos ta pla caüssados;  
 Mas ieü à Rabastens et d'aütres paüres lox  
 Nou frequenti que gens fort paüres an d'esclox.  
 Et péys ieü vous diréy caüsos pus legitimos,  
 Qu'es la caüso per que fan milhou que mi rimos:

(\*) Il ne fit pas réimprimer dans le BANQUET ce mot fâcheux hasardé dans les RECOMMANDATIÖUS AL REY, et il employa cette variante: « Un aze fort poulit ».


Elis dous an Baïf et Amadis Gemi  
 Que lour dis la litsou(\*), et nou fan pas à mi.  
 Mas se nostre boun Rey de Franso et de Poulounio  
 Me voulio secouri, ieü faréy de besounio,  
 Noun pas coumo fan els, mas be m'aprouchiario;  
 Ni may Petrarquo poun nou me reprouchiario  
 Que ieü agués panat cap de vérs de sas obros;  
 Car ieü n'éy prou per mi, amay viando de sobros.  
 A prepaüs de pana, entre qu'el me soube,  
 Ieü vous prégui, Moussur, de me fa tant de be  
 D'ana dire à Rounsard et al païre Desportos  
 Que las querélos qu'an an Petrarquo sou mortos;  
 Car ieü éy fach l'acort dilus per toutis tres.  
 Petrarquo m'a jurat que so qu'els li an pres  
 El per l'amour de mi de boun cor lour o douno.  
 Et moussur del Bartas qu'es hounésto persouno,  
 S'y es fort emplegat à lous metre d'acort,  
 Et li a demounstrat que nous nous farian tort  
 De nous voule murtri, estan touts d'un uffici:  
 Mas que nous deürian fa l'un à l'aütre serbici,  
 Et que nous serian fats d'abe bruch entre nous,  
 Que deürian fa puléü coumo lous fraymenous,  
 Que quant l'un a quistat, tant n'agio lou noubici  
 Coumo lou qu'a quistat o lous que fan l'uffici.  
 Aytal deürian nous fa, parti tout per migié  
 So qu'abén amassat, per tal del païre Aügié.

(\*) Baïf... à toutes heures, lui desnouoit les plus fascheux commencements  
 de la langue grecque, comme Ronsard, en contre-eschange, luy apprenoit  
 les moyens qu'il sçavoit pour l'acheminer à la poésie françoise (Cl. Binet,  
 Vie de Ronsard.)

Del Bartas li feséc aquelo demounstranso.  
 Ieü me sinnario pla en tan bélo ordounanso  
 Et inviolablomen la voudrio péys garda,  
 Se Desportos, Rounsard s'y vouliou acourda.  
 Helas! pregats-lous doune que tout aquo se fasso,  
 Et tout so qu'éy gagnat an la mebo pigasso,  
 Ieü figuaréy al blot, coumo la rasou vol,  
 Et se ieü m'en dedic, qu'on me coupe lou col.  
 Mas nou voudran pas fa quant souy lour abersari.  
 Et faréy fi d'ayso, Moussur lou Coumessari,  
 Pregan Diou que d'escuts vous doune de miliéz  
 Per vous tene caüssat d'escarpins et souliéz :  
 Amay lou pregaréy que forso be vous vengo,  
 Mas que digats al Rey que de mi li soubengo.  
 Et ieü al tesäurié de soun estalbiomen  
 Vaü manda qu'el fara fort miserablomen  
 S'el nou me bailho prést, coumo lou Rey li mando,  
 La soumo qu'el dira, sio petito ou sio grando;  
 Car quant nou me dario qu'un caüssat d'estoupas  
 Tout-jour me dara may que nou meriti pas.



## L'ACQUIT.




IEU souy Aügié Gaillard, del loc de Rabastens,  
 Que couféssi abe prez, despéys petit de tens,  
 De nostre noble Rey de Franso et de Poulounio  
 Cent escuts del soulel, per fa d'aütro besounio :

Preses pel tesaürié de soun estalbiomen,  
 Méstre sur la gran mar, amay semblablomen  
 De ribiéyros et laes pourtans vaysséls et barquos,  
 Dels quals es inpoussible à reys, princes, mounarquos  
 De lous poude tari quant s'en vouldriou mayla;  
 Mas dels dits cent escuts qu'el Rey me fa bayla  
 Quiti soun tesaürié de l'argen de finanso,  
 Et disi gran mercez à moun boun Rey de Franso,  
 En me recoumandan à sa grand Magestat,  
 Amay al tesaürié : mas que de soun coustat  
 Nou me fasquo languï de me fa ma despachio;  
 Et ieü li mandaréy la quitanso qu'éy fachio.  
 Et s'uno touto soulo à el nou li suffis  
 Lin mandaréy un cent, car tesaüriés sou fis;  
 Et coumo se vouldra y mettréy talo soumo,  
 Mas que l'argen ieü vegio al béc de la mio ploumo (\*).

(\*) Dans les RECOUMANDATIOUS AL REY, suivent 22 vers supprimés dans le BANQUET. Le charron de Rabastens s'inquiète de nouveau de la difficulté qu'éprouvera le Roi à comprendre sa langue, et il ajoute :

« Mounseignhour de Jouyouso es be d'aquest' país,  
 Que la parlo milhou que cap dedins Paris;  
 Mas ieü me crenti fort que seréy trop mal satge  
 D'ana impourtuna un ta gran persounatge.  
 Un pouëto coumo mi, que n'es pas franciman,  
 Nou se merito pas d'abe tal trachioman. »





## REMOUNSTRANSO

*An aquels qu'an maynatge, coussi lous cal nouyri  
per lous fa gens de be (\*).*



A vous toutis aquels qu'abéts qualque maynatge,  
Qu'en loc de lour fa be vous faséts lour doumatge;  
Qu'en loc de lous castia quant nou fan coumo cal,  
Vous aütres bou'n riséts quant elis parlou mal.  
Ho, païs d'Albiges! ho, païs de Rouergasses!  
Que suffréts els efans de dire tals mouts grasses,  
Amay en la puspart del païs de Querci,  
Noun pas à Montalba; car ieü vous dic ayçi  
Que de moun purmié libre elis me reprenguérrou  
Quant de mouts ta ganguiés dedins elis viguérrou.  
En tout be que per mal nou lous y metio gez  
Sounque per atesta que ieü souy d'Albiges;  
Car quant on nou sap poun d'ount es un persounatge,  
L'on o counoyscera s'el parlo soun lengatge;  
Et péys ieü o fasio per un fort boun abis,  
Afi qu'els magistrats que sou de tal païs  
Tenguéssoun un coussel per castia tous aquelis,  
Per tal que jamay pus nou me truféssi d'elis;

(1) Voy. Plutarque. Traduct. d'Amyot. OÉuvres morales, premier traité.  
— Comment il faut nourrir les enfants.

Mas els n'an pas castiats ni lous grans ni petits :  
Tan valdrio be que ieü nou'ls agués abertits !  
Mas pesqu'en talis mouts, messus de la justessio  
N'an poun voutgut fiqua reglomen ni poulessio,  
Ieü vous voli moustra, debant de nou mourï,  
A vous qu'abéts efans coussi lous cal nouyri,  
Et se nou me creséts, cent cox en vostro vido  
Vous direts qu'es vertat so que dis Euripido.  
El dis que quant fort mal-pensant el es estat  
Lou purmié foundamen de la natifibat,  
El es forso que lous que de tals parens sortou  
D'aütru pequat un jour la penitensio portou :  
Voulen dire que cal vioure fort sobromen,  
Quant el es la questiou de fa l'engendromen ;  
Car à l'engendromen s'el payré es un ybrounio  
Impoussible es en el de fa bouno besounio.  
Qu'el sio vertat ; un jour Diogenes rencountréc  
Un fort mayssan garsou ; mas coussi l'acoutréc,  
Et li diséc : « Moun fil, toun vici me temounio  
Qu'à toun engendromen toun payre éro un ybrounio. »  
Per aquo lous efans et filhos del païs  
Parlou tan grassomen, car el y a de bous vis.  
Se satge cal esta lou tens qu'on lous coumenso,  
Nou cal pas éstre doune pires à lour nayssenso ;  
Car Lycurgus, lou rey des Lacedemoniens,  
El lour moustréc un jour de fort grandis moyens  
Per nouyri lous efans debant qu'agiou de l'atge,  
Que nous deürïo serbi als qu'abén de maynatge.  
El vous prenguéc un jour dous cadéls fort petits  
Que d'un payre et de mayre érou touts dous sourtis,

Et lous feséc nouyri cadun dibersomen.  
 Ieü cresi que fasio tout bél espressomen.  
 El rendéc l'un gourman, l'aütre bou per la cassò,  
 Et péys lous féc pourta al mitan de leur plasso.  
 Amb'uno lébre vivo et de soupos un plat,  
 Là ouñ bél-cop de mounde éro tout assemblat.  
 Péys o féc tout paüsa debant aquelo troupo;  
 Mas lou gous mal apres s'arrestéc sur la soupo,  
 Et l'aütre quant et quant la lébre seguiguéc.  
 Péyssos aprép à touts Lycurgus leur diguéc:  
 « Lou gous que veséts lo gourman que nou val gayre  
 El et l'aütre sou fils d'un payre et d'uno mayre;  
 Mas que lou gourman ses nouyrit gourmandomen,  
 Et lou que siéc la lébre es nouyrit sobromen. »  
 Pésque lous cas se fan seloun la nouyrituro,  
 L'on deürio pla nouyri uno paüro creturo;  
 Mas de mayres on vech que quant l'efan au fach,  
 En loc de lou nouyri leur denégou lou lach;  
 Et quant et quant que l'an tirat de leur matrisso  
 Lou fan péyssos pourta en uno aütro nouyrisso.  
 Noun pas que ieü me velguo ayçi boussi fachia  
 Countro aquelos que n'an de lach per alachia:  
 Aquelos que noun an elos soun escusablos;  
 Mas toutes las qu'an lach ieü trobi miserablos  
 Quant nou ne dounoun poun al maynatge qu'an fach,  
 Per so qu'elos tourna voloun empli la mach.

Péys, quant sabou parla, acoustuma lous cal  
 A parla seloun Diou, noun pas à parla mal:

Per so que nous sabén que lou tendre maynatge  
 Apren tout so qu'on dis en soun purmié lengatge.  
 Moustrats-lour dounc, aprép qu'agiou quitat lou lach,  
 Aqueste bél quatrén que de Pibrac a fach :  
*Dieu tout premier, puis père et mère honore ;*  
*Sois juste et droit, et en toute saison*  
*De l'innocent prens en main la raison ;*  
*Car Dieu te doit là haut juger encore.*  
 Coumo la cero molo elo pren tous sagéls,  
 Aytal tout so qu'on dis prenou lous joubenséls.  
 Las nouyrissos Platon grandomen amounésto  
 De nou leur dire pas paraülo deshounésto,  
 Afi que leur esprit nou se courroumpo pas ;  
 El nous dis atambe un aütre fort gran cas :  
 El dis que quant l'efan de gazoulia coumenso,  
 Qu'on li deü demoustra del be la counoyssenso.  
 Que disén-nous, Messus, d'aquel boun Platon-là ?  
 Coussi nous rougissén quant l'ausissén parla ?  
 Un payén à nous touts amay à la noublesso  
 El cal que nous aprenquo à nouyri la jouynesso ;  
 Amay dis atambe que quand siou grandeletz,  
 Que, se nous vouten pas qu'elis anou souletz,  
 S'on leur agio d'efans per leur fayre serbici,  
 Qu'on regarde pla qu'els n'agiou pas mayssan vici,  
 Afi qu'elis n'aprenquo à fa lou mal qu'els fan ;  
 Car lou proubérbi viél nous dis que s'un efan  
 Frequanto de segui quelque persouno torto  
 El apendrio pla léü d'ana d'aquelo sorto.  
 Que l'on leur age dounc, tan que seran petits,  
 D'aütres efans que siou en vertuts ben estruits,

Et péys quant siou vengutz en lour atge per éstre  
Meses en magisters o sus un aütre méstre,  
Aqui lour payre et mayre elis cal qu'agiou l'él,  
Et se soun orphelins lour titour o leur bél.  
Alaros es lou cop d'abe leur de bous méstres  
Que menou santo vido et que siou fort hounéstes ;  
Coumo bous jardiniéz qu'als albres joubenséls  
Per lous fa creysse dretz leur baylou bous paysséls.  
Et ieü nou vesi pas qu'aquelis qu'an maynatge  
Se penou grandomen d'abe leur méstre satge ;  
Mas la pus-part lous metou an de mayssanto gen,  
Per afi d'estalbia quelque petit d'argen ;  
Que cado cop me pren coumo qualqu'embegiasso  
De m'en ana crida al mitan de leur plasso :  
« O sots, que vous penats per lous bes amassa,  
Ses fa conte d'aquels que leur debéts layssa ! »  
Quant parli dels efans, be parli de las fillos ;  
Car ieü ne sabi forso, en may de quatre villos,  
Qu'aüran agut mestiéz l'estiou amay l'ibérn,  
Tan pla coumo d'efans de quelque boun goubérn,  
Que, se l'on l'as agués petitos pla nouyridos,  
N'aürion pas vendemiat aytal debant las cridos :  
Et dels paüres efans quantis ne sou perits  
Per so que méstres bous nou'ls abiou pas nouyrits ?  
Mas à la fi qu'en be à leur payre à leur mayre  
Quant lous an mal nouyrits, sounque lou fa mal trayre ;  
Car quant sou grans nou volou aüsi boussi parla  
De vioure santomen, sinoun que de bala,  
O metre leur argen en jocs et paliardisos,  
Et lous aütres lous metou en toutos gourmandisos.

Lous uns touto la néch ban battre lou pabat  
 Per deraüba quicon o per cerqua debat,  
 Et lour payre et lour mayre alaro se turmentou  
 De lous abe nouyrits quant vesou que nou'ls crentou;  
 Mas el n'es pus lou tens d'abe tal pensomen,  
 Aquo lour calio fa à lour coumensomen :  
 Coumensomen et miéch et fi d'uno persouno,  
 Tout aquo d'aqui jay en nouyrituro bouno;  
 Car qual es lou que pot dire qu'el es hurous  
 Per tan riche que sio, s'el n'es poun verturous?  
 Cértos, toutis lous bes que sou d'aqueste mounde  
 On nou sap trouba cap que la vertut segounde.  
 La noublesso es fort bélo et un mout fort hounést;  
 Mas s'en mandi cerqua on me dis : « *Ubi est?* »  
 La richesso es fort bouno et ieü nou n'éy deguno,  
 Per so qu'elo demoro an madamo Fourtuno;  
 Et la dousto souben al que la jouïssio  
 Per la metre en las mas d'un que n'éro pas sio.  
 La richesso es un blanc que touts layrou y tirou,  
 Et touts calouniatours et mayssans la desirou.  
 Souben lous pus mayssans de bouno houro o tart,  
 S'el cal, elis aüran en elo bouno part.  
 La beütat es en nous grandomen desirado;  
 Mas toutis besén qu'es de petito durado.  
 La sanetat del cors es be fort à laüsa;  
 Mas fort petit an nous li play de repaüsa;  
 Car tout incountinen que lou mal nous arrapo,  
 La paüro sanetat quant et quant nous escapo.  
 Nous vouldrian atambe éstre pouyssans et forts;  
 Mas que nous cal à nous per nous fa beni torts?

Encaros be que nous agian las cambos grossos  
Un petit trounc al pé nous fara pourta crossos.  
De maniéyro que s'un se vol glourifiqua  
De la forso qu'el a, ieü li voli fiqua  
D'aütros béstios debant, per lou mens unos quatre,  
Que d'aquelos la mendro on nou pourio coumbatre.  
Car un cop un moussur el me menéc cassa,  
Et toutis sous sugiétz qu'el pousquéc amassa,  
Que traguéren un porc singla dedins un ordi;  
Et un qu'éro dan nous, mountat coumo un sant Jordi,  
Jamay el nou gaüséc aprouchia se bouci,  
Qu'abio peur qu'el singla li gastés lou rouci,  
Et beléü abio peur que li gastés la boto.  
Que per aquo ieü dic que la persouno es soto  
De se glourifiqua de la forso qu'el a,  
Péys que fort pla mountat oun a peur d'un singla.  
Ta tart coumbatrian doune un lyon an l'espazo,  
O un gros eleffan en la campanio razo.  
Soumo tout qu'el nou y a ni forso, ni santat,  
Ni richesso que sio, ni glorio, ni beütat,  
Ni noublesso, coumbe qu'on dis que ses ourduro  
Es la soulo vertut que tout-jour en nous duro.  
Lou titre de vertut cal be dire qu'es bél,  
Car Pyrrhus el pourtabo esrich en soun anél.  
L'home maübés qu'el n'a la bouno ley seguido  
N'es pas prou castigat de li dousta la vido;  
Mas l'home verturous prou pagat el n'es poun  
Encaros qu'on lou fés seignour de tout lou moun.  
La fourtuno nou pot al sen s'egaliza,  
Per so qu'elo tout-jour on pot devariza


An aquelis que l'an, et nou fan pas la sensio,  
 Encaros qu'els voulurs n'aguéssoun touts lissensio.  
 Touts lous mals qu'en sougétz ni may lou sarranpiou  
 Nou la saüriou dousta tant que l'home sio viou.  
 Degun mal nou la pôt courroumpre, ni viélhesso,  
 Ni la guérro atanpaüc, si fa be la noublesso.  
 Nous sabén que la guérro elo disssipo tout;  
 Mas Estilpon diséc un jour un fort grand mout  
 A un Demetrius, del noun me breombo encaro,  
 Que per guérro prenguéc la villo de Megaro;  
 Que quant fouréc dedins, el et touto sa gen,  
 Els deraübérou tout daquio l'aur et l'argen.  
 Péys troubéc Estilpon al cap d'uno gran paüso,  
 Et li diséc : « As-tu perdudo quelque caüso ? » —  
 « Nani, so diséc-el, ieü n'éy poun re perdut;  
 Car la guérro nou pot deraüba la vertu. »  
 Per aquo vous, Messus, qu'abézt quelque maynatge,  
 Ieü dic que lou metats an quelque méstre satge;  
 Et coumbe que lour méstre el sio bél-cop sabén,  
 Nou vous cal pas resta d'ana vese souben  
 S'elis fan lour proufiéch de lant lous abézt meses;  
 Car ieü éy pla troubat, n'a pas passat dous meses,  
 Qu'un cop un escudié fort bou, del tens passat,  
 Disputabo d'amb'un d'un rouci pla pensat;  
 Mas l'escudié disio qu'un rouci sot o déstre  
 Res nou l'engrayssso tan coumo l'él de soun méstre.  
 Mas ieü vaü fa la fi de tout aysso, Messus,  
 Vous pregan humblomen lour tene l'él dessus;  
 Car l'home qu'a d'efans, s'el es satge, el abizo  
 Que may toquo la pél que noun pas la camizo.

Vous lour moustrarets doune à lour coumensomen  
 De nou parla pas pus aytal tan grassomen :  
 Et péys quant seran grans, mas qu'elis me coubidou,  
 Lour moustraréy coussi caldra que se maridou;  
 Qu'auréy legit Drusac, que nous apren coussi  
 Nous cal prene moulihé que n'agio maubés si.




## AUGIÉ

*Mandéc uno justo à moussur CONSTANS (\*), lou  
 qu'es soun amic.*




Justo, vay-t-en dire à moussur Constans  
 Quel païre Aügié l'aymara tant que visquo,  
 De milhou cor que cap dels habitans;  
 Mas que del vi qu'el beü el t'en emplisquo.  
 Cado cop ieü souni la roumanisquo,  
 Per tal que ieü me vouldrio rejoui;  
 Mas nou y a sou que tant me rejouisquo,  
 So li digos, coumo fa lou seü vi.

(\*) Étienne Constans, avocat en la cour du sénéchal de Montauban, et H. Bonnencontre furent députés par les calvinistes de cette ville auprès du roi Charles ix, en 1563. Deux ans plus tard, ils occupaient les premières charges consulaires; enfin, nous lisons dans une lettre inédite de Henri de Navarre, gouverneur et lieutenant général pour le roi Henri III en Guyenne, datée de Montauban 1577, que les sieurs de Constans et de Bonnencontre faisaient partie de son conseil. Le roi de Navarre confia à l'ami d'A. Gaillard des missions importantes en 1580 et en 1586. (V. D. Vaissette, t. v, V° Constant.) Ses descendants continuèrent à tenir un haut rang parmi les calvinistes montalbanais.




## A MOUN GRANT' AMIC ISAAC DOULIVO.




TANTOS, Isaac, uno soto badino  
 Tenio pels péz uno bélo cardino  
 Qu'éro beléü la que vous escapéc,  
 Ni pus ni mens abio rouge lou béc:  
 Mal-hur dessus vostro mayssanto gabio,  
 Jamay pèr vous elo nou fouréc sabio.

Se me cresétz al foc l'aniertz metre;  
 Aütromen ieü be vous podi proumetre  
 Que tant d'aüzéls que vous dedins metretz,  
 Incountinen que péys lous layssaretz,  
 S'en sourtiran coumo féc la cardino,  
 Sounque siou grans coumo qualque galino.


Se vous troubats moussur vostre bél frayre,  
 Vous li direts qu'un Aügié, lou trufayre,  
 Se recoumando, amay à vostro sor.  
 Amay à vous, cértos de fort boun cor,  
 Péys à Mario et al petit que poupo:  
 Que Diou del cél benisquo talo troupo.





## LETTRO

*Qu'es de nouta à moussur de LA MER (\*), coumo l'oun  
n'es re presat à soun païs, à Castros.*



Moussur La Mer, vous sabéts ma coustumo,  
Ieü aymi trop la couzino quant fumo ;  
Encaros souy aycis à Moun-Betou  
Tout-jour Gaillard et frian coumo un catou.  
Ieü nou souy pas Diogenes lou Cyniquo  
Que se plasio de pourta la taliquo :  
Aymabo may loutgia dins un tounél  
Que nou fasio dins quelque bél castél.  
— Alexander l'anéc un jour vese  
An forso gens, li pensan fa plase,  
Et ly diséc : « S'abios de re besoun,  
D'aur ni d'argen, que nou l'esparniez poun. »  
Mas aquel sot se pulgabo al soulel,  
Et ly disio qu'éro pus riche qu'el.

(\*) Le capitaine La Mer, de Castres, député par les protestants à l'assemblée de Montauban de 1580, fut arrêté près de Lavaur et fait prisonnier par les catholiques. La lettre d'A. Gaillard, publiée en 1579, peut encore s'adresser à Jean de La Mer nommé par l'assemblée générale des églises réformées de la province et catholiques unies, tenue à Montagnac en 1577, pour être un des trois conseillers calvinistes de Guillaume de Montmorency sieur de Thoré, lieutenant en Languedoc du maréchal de Damville son frère, et qui fut dans la suite conseiller à la chambre mi-partie établie à Castres en 1595. Le capitaine et le conseiller sont-ils deux personnages distincts ?

— L'emperadou Craterus ly mandéc  
 Que lou vengués trouba, qu'el respoundéc  
 Qu'aymabo may sus el mangia d'ourtix  
 Qu'en la sio cour pastisses et perlix.  
 Ho, Diogenes, sot et pus sot que tu  
 Qui te vanto! mas aquo m'es tout u;  
 Car quant à mi, Moussur, coumo vous dic  
 N'éy poun que fa d'éstre ta fantastic.  
 Ieü me plasi de mangia de roustit  
 Et de loutgia en castél pla bastit;  
 Car ieü vesi que tropo paüretat  
 M'es en caüso quant nou souy maridat;  
 Et se nou fous ma trop grando paüriéyro,  
 L'on me voulio douna uno heritiéyro  
 Que per lou mens, so me fasiou entendre,  
 Abio cap d'ans trento sols à despendre;  
 Mas nou m'en chaüt que, per que tant n'éy fach,  
 N'éy pas coucho; car ieü nou souy que lach.  
 Ieü m'oubligui à pérdre un bél escut  
 S'el a granto ans passats que souy nascut.  
 Ho, maüdito fenno, soto, maübézo,  
 Que tropis d'ans et paüretat mesprézo!  
 Ha, Lycurgus, aros foussés-tu viou,  
 Mas que foussés de nostro religiou,  
 O be que lou nostre boun Rey de Franso  
 Féz coumo tu uno talo ourdounanso  
 Que touts lous bes, mobles, or et argen  
 Foussou partits à touts migiéyromen!  
 Helas, Moussur, s'el fasio aquo d'aqui,  
 Nou cresi pas que fous jamay couqui.

Ieü lou vouldrio prega, s'aquo éro aytal,  
Que me bailhés endacom un houstal  
Que fourés prép d'Orlians ou de Paris.  
Ieü vouldrio fort fugir de moun païs;  
Car Jésus-Christ nous a dit la vertat,  
Qu'à soun païs on n'es pas re presat;  
Et ieü éy peur qu'à vous bou'n prendra mal  
Se demourats loune-tens à vostre houstal.  
Nou parli pas coumo mal enfourmat,  
Ieü sabi be que fort éts estimat.  
Demostenes, Senequo, Aristoto  
Els an eschrich que la persouno es soto  
Que se fiso en un pople menut,  
Et vous sabéts so que n'es avengut  
A Socrates, philosopho fort satge :  
Per soun païs counsuméc soun bou'n atge,  
Et à la fi, ses deguno rasou,  
El fouréc tuat de sas gens per pouysou.  
Un Metellus home de grand' loquenso  
Fouréc banit, per touto recoumpenso,  
Aprép abe countro Ligurt victorio.  
Lous de Roumo per leur mayssanto glorio  
Lou casserou, lou paüre miserable,  
Coumo s'el fous estat quelque gran diable,  
Per so quant el nou voulguéc counsenti  
En uno ley qu'els vouliou establi.  
Et lous poultrouns d'Athenos, ce dis-l-on,  
Crevérou un él al bou'n home Solon;  
Lou trouvéron un jour per las carriéyros  
Et coumo un loup lou cassérou de péyros,

Et jamay el nou leur abio fach mal,  
 Sounque tout be. Mas parlen d'Annibal,  
 Un dels valens capitanis de guérro  
 Que fous estat sur la mar et sur térrro;  
 Ieü cresi pla que sio so que l'on dis,  
 Qu'el coumbatés per garda soun païs,  
 Et à la fi gens grandos et maynatge  
 Lou cassérou del païs de Carthage.  
 Themistocles et Cymon l'Athenien  
 Fourou banits tous, per aquel mouyen,  
 Aprép abe gagnado la bataillo  
 Countro Xerces et touto sa canaillo;  
 Et d'aütres grans que nou sou pas aycis  
 Que soun estats banits de leur païs,  
 Noun pas per mal, car els érou trop bous;  
 Et ieü éy peur qu'en prenguo aytal à vous.  
 Crezéts-me dounc, aquelo populasso  
 Vous bailharan un jour, n'éy peur, la casso.  
 Plutarquo dis que soun béstios cruélos  
 Et desirou tout-jour caüsos noubélos.  
 Per aquo dounc vous deüriats muda ayci  
 A Montalba, boun païs de Querci;  
 Car vous vezéts qu'el es en pus bél loc  
 Que vilatge de tout lou Lenguedoc,  
 Ni que Castros an soun Vilogoudou,  
 An leurs marchians de quérs et de roudou;  
 Car ieü sabi que tous sou gens rustiquos  
 Que nou fan pas gayre d'aütros trafiquos.  
 Et faréy fi, Moussur, d'aquest eserich.  
 Ieü vous préguéy que, s'es bouci mal dich,

Per mor de Diou, nou vous sapio pas mal ;  
 Car vous sabéts que ieü n'éy pas cabal  
 Per escrioure rimo de counsequenso,  
 Et counoysséts quasi touto ma sienso,  
 Que guayre be sabi legi ni escrioure :  
 Mas Diou m'a dat aütre mouyen de vioure,  
 Et souy hurous may que cap de ma rasso  
 Quant sabi un paüe jouga de la pigasso.



### AL REY DE NAVARRO,

*Quan féc soun intrado à Montalba (\*)*.



SIRO lou Rey, quan lous de Montalba  
 An entendut que debiats arriba,  
 Incountinen la pus part de las gens  
 Els soun estats grandomen diligens,  
 Que per vous els an fachio pervisiou  
 De blats et vis et forse moniciou  
 De sibado, et de fes et de pailho.  
 Lous pageses engrayssou la poulailho,

(\*) De 1579 à 1583. Cette entrée doit être celle qui, suivant Dom Vaissette (t. v, p. 643), eut lieu au commencement de janvier 1580. Le roi Henri de Navarre venait alors à Montauban pour y présider une assemblée de religionnaires qu'il fit résoudre à la reprise des armes.

Lous mazeliéz engrayssou lous moutous,  
 Lous sabatiéz fan botos, sabatous;  
 Lous argentiéz fan pervisiou de baguos,  
 Lous espaziéz d'espazos et de daguos,  
 Et lous barbiéz aguzou lous razous;  
 Lous pastissiéz fan forse pastissous,  
 Et menechals forse férs et clavéls;  
 Lous couteliéz forse de béls coutéls,  
 Et lous celiéz fan pervisiou de célos;  
 Lous candeliéz moneciou de candélos,  
 Et lous hostes fan fa de veyres grans,  
 Per tal qu'on dis que menats Alamans (\*).  
 Lou joe de palmo a lou palmié crescut,  
 Per tal de vous o per gagnia l'escut.  
 Lous armuriéz fan forse d'armaduros;  
 Pouticaris, cristéris et peluros;  
 Lous medecis estudiou en medecino;  
 Mas jamay ieü nou lour mostri l'aürino;  
 Car ieü sabi que forse cementéris  
 Soun tous boussuts, diou mercéz lous crestéris.  
 Moussur Dariat qu'es home de rasou  
 Féc recubri touto la sio maysou,  
 Per tal se plaü que nou vous bagnhiets gez  
 Quant siats dedins (\*\*): el es genti bourgez.

(\*) Auxiliaires des calvinistes de France que le prince de Condé avait introduits dans le royaume en 1576.

(\*\*) La maison Dariat, dite de la Trésorerie, située près de la porte du Griffoul, était la plus belle de Montauban, et partageait les honneurs des réceptions royales avec la maison d'Aliès, aujourd'hui de Scorbiac. On lit dans le récit de l'entrée de Charles IX à Montauban, par Hugues

Roudiéz, fustiéz, menusiéz, carpentiéz,  
 Sartres, merchans, et tous aütres mestiéz,  
 Et d'aütro part, vieilhesso amay jouynesso,  
 Et räübo lounes et touto la noublesso  
 N'an may de gaüch de vostre avenomen  
 Que se venio lou jour del jutjomen.  
 Ieü prégui Diou que lous tengats en pats,  
 Et vostros gens d'elis siou pla trattats.  
 Quant à de vous, nou vous y meti gez :  
 Credit abéz may que cap de bourgez.  
 Se vous vouléts pastisses o perlix,  
 Lous cousiniéz sou vostres grans amix.  
 S'elis éroun aytal amix de mi,  
 Ieü cap de ser nou m'anirio dourmi  
 Que nou fouréz sadoul de car roustido.  
 Ieü souy fort las de teni paüro vido;  
 Mas se Diou vol que jamay ieü sio rey,  
 Un paüc milhou éertos me trattarey;  
 Tant me plasi de beüre et de mangia.  
 Plagüéz à Diou voulguéssets assagia  
 An mi, moun Siro, ayci dins esta vilo,  
 So qu'el féc un tyran rey de Secilo.  
 Dionysius aquel rey s'apelabo  
 Et se metéc d'un flatur qu'el menabo,

Bonencontre, premier consul : « Ledit seigneur roy... fut conduit tout  
 » le long des grand's rues de ladite ville, passant au-devant du Château-  
 » Royal et temple Saint-Jacques, canton dit de la Faurie, jusques à  
 » la maison de Jean Tiejeys (sic) d'Ariat, bourgeois de ladite ville, qui  
 » lui avait esté préparée. » 20 mars 1565. (Biblioth. royale, mss. de  
 Doat. Tit. de l'hôtel de ville de Mont.)

Que li disio que pus hurous el éro  
Que cap de rey que fous dessus la térra.  
Per vous dire, Damocles s'apelabo  
Aquel flatur que lou tyran vantabo.  
Lou rey diséc : « Per que prenes plase  
A ma vido, Damocles, vos vese  
Ma fourtuno quin goust elo aüra? » —  
« Siro, diséc, tout so que vous playra. »  
Lou rey un liéch féc dressa d'aur massis  
Cubért d'un bél et fort riche tapis,  
Et féc para sous buffets richomen  
De vayssélo touto d'aur et d'argen,  
Et coumandéc encaros dabantatges  
A l'entour d'el forso de jouynes patges.  
Al-prép de lant Damocles s'assiétabo  
Per li bailha tout so qu'el demandabo.  
Dabantatge, y abio forso sentours,  
Forso perfums et de capéls de flours,  
Et péys la taülo éro de bounos viandos  
Pla cubérto, delicados et friandos.  
Moun Damocles alaros s'estimabo  
Lou pus hurous del moun, so li semblabo;  
Mas lou tyran el abio coumandat  
Qu'une espazo fous pengiado al plancat;  
Sul cap d'aquel l'espazo éro pendudo  
Et nou tenio que d'un piél touto nudo;  
Mas Damocles que s'estimavo hurous,  
Vesen aquo s'estiméc malhurous,  
Diou mérciez, que n'abio bouci de cor :  
Cicero dis quel tremblabo de peur,

Et qu'el capél de flours el li toumbéc  
De la frayour; et lou Rey el preguéc  
Que li plaguéz de lou tira d'aqui,  
Qu'aymabo may cent cox éstre couqui,  
Qu'el éro las de vese aquelos caüssos.  
Ieü metréy be qu'el cag... à las caüssos,  
Mas que l'aütur nou l'y a pas vougut metre,  
Saürrio be ieü; car el éro un belitre  
D'abandouna un tal siétge rouyal  
De crento que l'espazo li féz mal;  
Car d'éstre rey deü éstre un bél estat.  
Helas, moun Siro, y foussi ieü estat!  
(Mas que beléü nou serio pas ayci.)  
Be me pouyriats amb'un piél de rouci  
Pengia drech mi l'espazo de Rollan,  
Que d'éstre ray nou serio las d'un an.  
Car se drech mi l'espazo éro pengiado,  
Ieü cargario un casquo o salado,  
Et mangiaro, de la sorto, ses crento.  
Que sera fi, Siro, de la presento.  
Ieü prégui Diou del cél que vous mantenguo.  
Perdounats-me se ma mayssanto lenguo  
N'a pla dictat so qu'éy escrich ayci.  
Dins Montalba, boun país de Querci,  
Ieü éy fachio touto aquesto besougnio  
Per lou coussel d'un home de Gascougnio  
Qu'es gentilhome. Un moussur Del Bartas  
Venguéc à mi tout drech coumo un matras,  
Diséc : « Aügié, tu meritos de vioure;  
Se lou Rey ven, el li te cal escrioure

Qualque rimo facho de toun lengatge. »  
 Ieü li disio : « Ieü nou souy pas prou satge  
 Per escrioure de rimos à un rey. »  
 Mas Del Bartas me disio : « Aügié, crey;  
 Car ieü sabi que so qu'as coumpäusat  
 De forso gens es grandomen presat. »  
 S'el Rey me dis, « Qual es aquel rimayre ? »  
 L'y respoundréy : « Un Aügié, que sa mayre  
 Passéc lounc-tens an Péyre de Rounsard,  
 Et ieü cresi qu'Aügié sio soun bastard. »  
 Que m'en diséts, Siro, d'aquel Bartas ?  
 Se nou fourés, mas qu'es boun enfantas,  
 Nous aürian bruch, debant que fous dilus;  
 Car ieü sabi que, s'al mounde n'a plus,  
 La mio mayre fort fenno de be éro;  
 Mas que se ieü me fiquabo en couléro  
 Countro un bartas, beléü qualque rouméc  
 Me trincario las cordos del rebéc;  
 Per aquo ieü n'éy que fa de soun bruch :  
 Escusats-me, Siro, quant l'éy cresuch.





## A MOUSSUR DEL BARTAS,

*De so qu'el fouréc caüso que lou Rey de Navarro  
dounéc cent escuts à AUGIÉ.*




MOUN amic del Bartas, vous souy pla redevable,  
Car ses vostre coussel ieü serio miserable.  
El me soube que vous me disérets un jour,  
Que de fa rodos pus nou m'éro pas hounour ;  
Mas que deürio legi et fayre un paüc del satge,  
Amay fa qualque rimo an d'aqueste lengatge  
Per la tramettre al Rey de Navarro : car el  
Me fario péys douna qualque escut del soulel.  
Ieü vous éy cresegut de fayre aquelo rimo  
Et l'éy dounado al Rey ; mas el trop fort l'estimo ;  
Car quant l'aguéc legido à un qu'éro prép d'el,  
Diséc qu'el me bailhés cent escuts del soulel.  
Et ieü de cinq testous li fasio ma demando ;  
Ieü nou voulio pas d'el uno soumo ta grando.  
El me féc soubeni, quant el me dounéc tant,  
La liberalitat d'Alexander lou grant.  
Un noummat Perillus, que n'abio croux ni pilo,  
Ly demandéc d'argen per marida sa filho :  
Lou Rey trento talens ly dounéc en un cop.  
Perillus diséc : « Siro, an déx ieü n'aürio trop. » —

« An déx n'aürios be prou, diséc lou rey alaros,  
 Mas tal presen à mi el n'es pas prou encaros. »  
 Et lou Rey de Navarro aytal a counescut  
 Que ieü aürio be prou beléü an qualque escut,  
 O d'aquels cinq testous que ieü ly demandabo;  
 Mas ieü cresi fort pla que lou Rey regardabo  
 Que fous estat trop paüc de me douna à el;  
 Per aquo me féc da cent escuts del soulel.  
 Coumbe que so que déri el n'a deguno grassio,  
 Mas, se lous m'a donnats, que vouléz que ieü fassio?  
 D'els abe rafudats el se fouro fachiat,  
 Et péys de tant parla ieü me fouro empachiat,  
 Per so qu'à moun plasé ieü n'éy pas la mio lenguo.  
 Tant de plase me féc, Diou del cél lou mantengo!  
 Jamay pus en un cop n'aguéri cent escuts;  
 Mas be m'an prou coustat debant qu'els agio aguts.  
 Car d'aütres coumo mi demandabou l'almoyno,  
 Noun pas an lou rebéc, ni may an la sansoyno,  
 Mas aquelis quistans, moun amic del Bartas,  
 Pourtabou la pus-part belous et tafetas;  
 Et quant me vesiou mi mes en tal equipatge  
 Me fasiou demoura darrés an lou bagatge;  
 Que coumo ieü voullo me metre pel cami  
 Per parla dan lou Rey, se metiou debant mi;  
 Car d'aquelis quistans n'abio pas counoysenso.  
 Mas ieü prenguéri là tout moun mal en passienso,  
 Que per me mena al Rey ieü n'abio cap d'amic,  
 Et m'anéc soubeni d'aquel paraletic  
 Qu'éro en Jerusalem al-prép de la piscino,  
 Que béls trento-huéch ans el féc la paüro mino,


A faüto d'un amic per lou y debala :  
 Per aquo ta lounc-tens el demouréc à là,  
 Et tous lous pus bragars, quant el voulio descendre,  
 Ly passabou debant quant el éro lou mendre.  
 Aytal me calguéc mi demoura fort lounc-tens,  
 Daquio que tous aquels bragars fourou countens.  
 Mas nou perdéri res per ma loungo demoro,  
 Car quant aquels quistans fourou sourtis deforo,  
 Ieü presentéri al Rey quant et quant moun escrich,  
 Et me déc cent escuts, coumo dessus éy dich.  
 Lous augiols disiou pla, à prepaüs de descendre,  
 Que tout à poun ven pla quant l'on o pot atendre ;  
 Car à la fi counten fouri, coumo vous dic.  
 Amay péys atambe aquel paraletic,  
 Car Jesus-Christ passéc al-prép de la piscino,  
 Et l'aguéc léü guerit ses aütro medecino ;  
 Li diséc : « Lébo-te , pren toun liéch , et camino ! »  
 Et marchéc quant et quant an soun liéch sur l'esquino,  
 Et lous poultrous jousious crebabou de despiéch  
 Quant lou jour del sabbat el pourtabo soun liéch.  
 Et ieü de lant vous dic beléü serio encaro  
 Se nou fourés , Moussur , mas qu'el Rey de Navarro  
 Aguéc pietat de mi aytal coumo vous dic,  
 Coumo aguéc Jesus-Christ d'aquel paraletic.





## CANSOU

*D'un cousinié que l'apélou SANSOU, amoureux  
d'uno Jeanno.*



CAL vol aüsi la cansou  
Que féc Aügié de Sansou,  
Qu'es amoureux de la Jeanno,  
Et n'a gran fébre cartano.

La Jeanno nou lou vol ges  
Quan n'es gayre boun pages,  
Ni fort boun marchian de vilo :  
Qu'en fario la paüro filho ?

L'on dis be qu'es couzinié ;  
Mas qu'es sot coumo un panié :  
Aügié sap fa may de farsos  
Que nou fa pas el de salsos.

Sabéts que dis aquel fol,  
Que se la Jeanno nou'l vol,  
S'en va en qualque bousquatge  
Per se rendre home salbatge.

Et là, lou paüre Sansou,  
Se mettra joust un bouyssou,  
Coumo fa qualque moustelo,  
Là, mourira per tal d'elo.


Elo dis : « Be li valdra,  
Que jamay nou me prendra. »  
Et sabéztz per que lou laysso?  
Per so qu'a trop malo maysso.

Lou qu'a fachio la cansou  
Te vol dire la litsou  
De fa pastisses et tartos,  
Noun pas de jouga à las cartos.

An aquo tu sabes trop,  
Tu y jouguéros un cop  
Tous coutéls et lardadouyros,  
Dedins l'houstal de dios louyros.


Aros vouldrios fa l'amour  
A uno filho d'hounour;  
Et t'as jougats lous oustisses.  
De que farios lous-pastisses?





## LOUS TRES QUATRENS

*Que gasaniéc moussur DEL BARTAS à AUGIÉ.*



VELA vostres quatrens qu'éy fachs per vous paga,  
 Qu'à fa lous, dematis, souy estat diligen;  
 Se ieü sabio ta prést fa l'or. amay l'argen,  
 Pus souben que nou faü l'on me veyrio jouga.

S'aguéssets perdut coumo mi  
 Quant jougabén à la candélo,  
 M'aüriats pagat debant dourmi  
 D'uno rimo bél-cop pus bélo;

Car ieü souy un paüre aprentis,  
 Encaros nou souy bouci déstre.  
 Per descrousta qualque pastis,  
 Aqui me troubarets boun méstre.





## AUGIÉ

*Anéc trouba lou Rey de Navarro à Nérac, per ly  
 demanda cent escuts qu Sa Majestat  
 ly abio proumeses.*




Siro, nou sabéts pas perque ieü souy ayci :  
 El m'a calgut quitta lou païs de Querci,  
 Nou per abe panat à degus croux ni pilo,  
 Ni per abe vioulado atanpaüc cap de filho,  
 Ni per abe raübat cap d'aze ny rouci;  
 Mas s'el vous play, moun Rey, ieü vous diréy couci :  
 Vous sabéts que dous m'an vistos mas escrituros  
 Et m'an dich que dedins a de caüsos menturos.  
 Ieü me senten piquat, à toutis dous éy dich  
 Que cap de mout de fals ieü n'éy jamay escrich.  
 « Siats be, so m'a dich l'un, qu'es mutin et bigiarro,  
 Quant as mes là dedins que lou Rey de Navarro  
 Te dounéc cent escuts, so dises, del soulel ;  
 Et jamay nou t'en déc soulamen un parel,  
 Ny may beléü jamay, entre touto sa vido,  
 El nou te féc douna la valour d'uno ardido. »  
 Quant me dision aquo me fasion veni fol,  
 Et lour éy dich à touts qu'abiou mentit pel col ;

Aros sou courroussats d'aquelo dementido,  
 Et se ventou per tout qu'elis m'aüran la vido.  
 Mas ieü coumbatre lous nou gaüzi bounomen,  
 Per so que cal tout-jour coumbatre justomen,  
 Et Vostro Majestat nou prendrio pas passensio  
 Que ieü lous coumbatés encoutro ma counssensio.  
 Helas ! plasio vous dounc me metre en libertat,  
 Que ieü pesque coumbatre amb'els per la bertat.  
 Se ieü éy dich un mout que n'es pas veritable,  
 Sabio fort pla que vous éretz ta caritable  
 Que tout-jour me dariats lous escuts qu'abéts dich;  
 Que per aquo couchiats lous éy en moun escrich  
 Debant de lous tene, vous estimant tant satge  
 Que lous me dounarets amay de l'abantatge,  
 Per tal de fa menti aquelis dous o tres  
 Que disou que jamay nou m'abéts dounat res (\*).

(\*) Ainsi, le bon et généreux Henri de Navarre était parti de Montauban, sans avoir fait payer au poète-charron les cent écus qu'il lui avait promis. Cette épître dut rappeler à ce prince qu'il lui était arrivé une mésaventure semblable dans la même ville de Montauban, lorsqu'il y vint, en 1565, avec Charles IX et Catherine de Médicis. Les consuls lui firent présent, au moment de son départ, « d'un cheval (valant) jusques à 200 escus, lequel il accepta; mais ne luy feut lors baillé, n'ayant ladite ville commodité de le luy bailler pour ceste heure. » (Mss. de Doat.)





## AUGIÉ

A *Moussur lou visconte de Gourdou* (\*).



QUANT siats ayçi, mounseignhour de Gourdou,  
 El cal que ieü vous demande perdou,  
 Perso quant ieü, miserable d'Aügié,  
 Vous souy estat un paüc trop mensoungié.  
 Quant vous érets ayçis à Montalba  
 Proumetéri de vous ana trouba;  
 Mas tan s'en fal, encaros souy ayçi.  
 Helas, Moussur, se ieü abio un rouci  
 Vous anario trouba, se vous plasio.  
 Nou cregats pas que tenguo fantasio;  
 Car ieü, Moussur, nou souy pas espaniol,  
 Mas sabéts be que souy un paüc pé mol.  
 Se ieü y vaü ses abe de rouci,  
 Se souy malaüt, là n'a pas medici,

(\*) Louis Ricard, vicomte de Gourdon, seigneur de Genouillac et comte de Vaillac, assista à l'assemblée des religionnaires tenue à Millhaud, le premier décembre 1573, en qualité de général du Haut-Querci, Limousin, Périgord et Auvergne. Il forma avec les vicomtes de Bruniquel (du nom de Comminges), de Paulin (du nom de Rabastens) et de Montclar (d'une branche bâtarde de la maison de Toulouse) cette tétarchie qu'on appelait les quatre petits rois de Montauban. Louis de Gourdon fut, comme son père, chevalier de l'ordre du roi, un des cent gentilshommes de sa chambre, gouverneur de Bordeaux et du Château-Trompette, et de plus chevalier du St-Esprit, en 1611.

So me disou, ni cap de poutiquari :  
 Coussi faréy s'ieü éy qualque catarri,  
 O mal de rens, o be qualque frenési,  
 S'aquo me pren, o un mayssan plurési?  
 Là n'a degus que me sapio guari;  
 Mas, se Diou play, quant ieü deürio mouri,  
 Deban que sian foro d'aqueste mes  
 Vous attendréy so que vous éy proumes;  
 Car ieü vesi que ieü souy trop hurous  
 Que d'éstre aymat coumo ieü souy de vous.  
 Et m'abéts dich qu'à vostre Senebiéyros  
 El y a forse de bounos heritiéyros,  
 Que m'en farets douna beléü qualqu'uno :  
 Troubado n'éy jamay talo fourtuno.  
 Mas sabéts-vous so que me refredis ?  
 Ieü m'attendi à so qu'el mounde dis :  
 Forse m'an dich que nou m'es pas hounour  
 Me marida dins térrro de Seignour.  
 « Perque, dic-ieü, nou sou pas bounos gens ? »  
 — « Si sou, disou-els, mas al cap d'un gran tens,  
 Et que bint ans lour aüretz fach serbici.  
 La mage part els an tous un tal bici  
 Que s'on lour a qualque veyre romput  
 Lou serbici d'els bint ans es perdut. »  
 Aquo disou quelques fats innocens ;  
 Mas quant à mi ieü éy estat lounc-tens  
 En prou país qu'es en térrro de rey ;  
 Mas ieü vous dic que fat es lou que crey  
 Que sio milhou de fa qualque mestresso  
 En térrro sio qu'en térrro de noublesso :

Car ieü vous dic, Moussur, que quant à mi,  
Trobi per tout assés de mal cami.

Mas que diriats que me fa retarda

Que nou gaüsi, Moussur, me marida?

Perso que un jour m'an dich dous counseilhéz

Que tous aürem d'ayci à paüc tres mouliéz.

Darriéyromen, quant fasio tan de pléjo,

Un boun home gardabo uno tréjo;

Mas nou creyriats coussi se tourmentabo

Lou boun home que la tréjo gardabo;

Ieu li disio : « Et tu que sios ta déstre,

De la tréjo nou pos pas ésse méstre? » —

« Ha, disio-el, s'el n'y abio uno douxeno

De las garda n'aürio pas tant de peno :

Uno soulo es de pus mal garda. »

Per aquo dounc deban me marida

Ieu voudrio fort que aquel tens venguéz,

Per tal d'aquo ne pendrio unos tréz.

Vous me direts : « Fado coumparasou. »

Ho be, Moussur, lous medicis disou

Que quant un porc es fendut et partit

Semblo dedins l'home tout escupit.

S'el es aytal que l'home semblo un porc,

El me semblo que ieü n'éy pas de tort

Se la fenno coumparo à uno tréjo.

Aysso es prou dich, car ma plumo s'ennéjo.





## REQUÉSTO

*A moussur lou visconte de GOURDOU, per un talhur  
de vilatge que li abio pres un plat al castél, et  
las gens de Moussur l'abion mes en prisou.*



IEU vous voudrio prega fort humblomen, Moussur,  
De voule perdouna vostre païre talhur :  
Noun pas lou que sap fa raübos de doumayséllos,  
Sinoun que lou que fa las raübos et gounéllos  
Par las gougios que sou dins la vostro maysou.  
Tantos las vostros gens l'an mes en la prisou;  
Et lou maübés garsou fort pla l'o meritabo,  
Per so qu'un plat d'estan del castél nepourtabo,  
Que lou vostre pourtié lou li troubéc al se.  
Mas, Moussur, se vous play, vous aüretz del messe,  
Noun pas per l'amour d'el, car el a mayssan vici,  
Pésqu'el a boun mestié, d'usa de layrouneci;  
Mas per l'amour de my lou trayretz, se vous play,  
Et que se pus en faïto on lou trobo jamay,  
Aquel que vous playra dounara la sentencio :  
Qu'on fasso redressa per el uno poutencio,  
Et que là lou bourréü lou pengiara pel col.  
Mas, Moussur, jamay pus el nou sera ta fol  
De prene jamay plat coumo lou bou'n pourtabo.  
Mas que lou païre dis qu'el diables lou tentabo.


Sio dounc counsiderat, mounseignhour de Gourdou,  
Mas que loudit talhur vous demande perdou,  
Que lou layssets ama, s'el vous play, en sa bordo.  
Ieü vesi fort pla qu'el meritabo la cordo,  
Noun pas tant del pana, mas quant vous a troublat ;  
Car, quant on li troubéc dedins lou se lou plat,  
Poudio dire qu'anabo arriba l'ansalado,  
O qu'anabo croumpa dous ardots de caülado.  
Mas lou sartre mayssant nou saüguéc dire res,  
Que d'aquo me sap mal quant es ta mal apres ;  
Atambe éy esgard à sa grando soutiso,  
Et vous aürets esgard à sa grand' mayssantiso.  
Nou cal pas regarda à so qu'el nou val re :  
Agiats ne dounc pietat, Moussur, et farets be.





## A MADAMO DE GOURDOU (\*)

*Que voulio marida AUGIÉ à Senebiéyros, et quelques  
fats li dision qu'el païs n'éro pas bou, et AUGIÉ  
a vist lou countrari.*



## SOUNET.


MADAMO, jamay pus al dire de couquis  
Ieü nou me fisaréy, ni à gens mensoungiéyros.  
Qualques fats me dision qu'al vostre Senebiéyros  
Nou s'y fasio bouci de blats ny may de vis;

Mas elis an mentit : car de que lour servis  
De dire qu'ayci n'a que forse de falguiéyros,  
Et s'y fan forse blats, et vignios, et fabiéyros!  
Amay en crubisous quasi tout s'y crubis.

Aquest' païs el es de tout accoumoudat,  
Et ses aquels menturs m'y serio maridat,  
Quant m'y vouliats fa da uno filho poulido,

Heritiéyro s'enten, que vous remerci fort.  
De m'atendre à menturs ieü aguéri grand tort;  
Car ieü la plangeréy aros touto ma vido.

(\*) Anne de Montberon, fille de Louis, baron de Fontaines-Chalandrai, mariée en 1573 avec Louis Ricard, vicomte de Gourdon, seigneur de Genouillac et de Vaillac, mourut après avoir donné 23 enfants à son illustre époux. Ce dernier convola à de secondes et à de troisièmes noces pour accroître encore le nombre de ses rejetons; mais il n'en eut que 5 de sa seconde femme et 2 de la dernière, en tout 30.



## AUGIÉ

*Presento soun serbici à Madoumaysélo del PY (\*),  
del país de Massuguiéz (\*\*).*



HELAS! Madoumaysélo, el cal que ieü vous diguo  
Que vous poudéts tira del meü cap la fatiguo.  
Vous counoysséts fort pla que ieü m'en vaü mouri,  
Et de moun mayssan mal vous me poudéts guari.  
Vous sabéts que tout-jour ieü vous éy fort aymado,  
Et vous aymi tan fort coumo à l'acoustumado :  
Talomen que jamay nou n'ayméri tan cap,  
Sounque quelque petit, coumo lou mounde sap,  
La vostro cousino, madoumaysélo Jano;  
Mas aros ieü li dic sa grand fébre cartano,  
Car cértos ieü jamay nou l'ayméri tant fort,  
Coumo ieü faüc à vous, que souy degia miéch mort,  
Despéyssos que ieü éy dedins vous m'amour meso.  
Helas, donc, la mio mour, faséts me doune proumeso

(\*) Jeanne du Puy de Massuguiés, fille de Marc-Antoine, seigneur de la Pomarède, l'un des plus braves capitaines calvinistes de l'Albigeois, et de Suzanne de Caumont, sœur de François, baron de Montbeton, près Montauban. Elle se trouvait dans ce dernier château quand le Porc y testa, et en eut un legs [p. 74.]. Lou Roudié l'appelle quelquefois Lou PY. De même Marguerite de Valois, dans ses Mémoires, parlant de du Pin, secrétaire du roi Henri de Navarre son époux, dit : « Voir le Pin, parler au Pin, etc. »

(\*\*) Situé sur les limites des anciens diocèses d'Albi et de Castres et près de celui de Vabres, en Rouergue. Il a donné son nom à une commune de l'arrondissement de Castres.

Que seretz ma moulié et ieü vostre marit !  
 Alaros de moun mal ieü seréy léü guarit.  
 Et péys me trufaréy de la vostro cousino ;  
 Car per moun mal aüréy troubado medecino ;  
 Amay li mandaréy que lou py el val may  
 Que noun pas cap d'albret que sio nascut jamay.  
 Purmiéyromen del py ne sort la trementino ,  
 Que per guari d'un pic es uno medecino  
 La milhouro del moun que l'on sapio caüzi  
 En tout lou Gibaüda amay lou Lemouzi.  
 Quant els volou fa lum, d'un py vous fan d'estélos  
 Et s'en serbou ta pla coumo s'érou candélos.  
 Ses py l'on nou pot fa béls houstals ni castéls ;  
 Ses el on nou pot fa naviris ni vaysséls.  
 Ieü vous aymi lou Py, et me faséts embegio ;  
 Aymi tambe lou py quant tout l'an el verdegio.


Ieü vous presenti dounc, se vous play, moun serbici :  
 Nou me refudets pas ; car ieü n'éy cap de vici ,  
 Sounque ieü souy lou filh d'un paüre gentil-home ;  
 Mas aquo n'es pas res : car dins moun segoun tome  
 Troubarets, en legen, que ieü, Aügié Gaillard,  
 Souy de bouno estracsiou et de fort bouno part ,  
 Que moun payre menabo, amay touto sa rasso,  
 Lous lebriés à la glan et lous porcs à la casso.  
 Tant la poultrouno guérro elo nous a destruits,  
 Que so qu'abém aros nou val pas siéz ardots ;  
 Mas aürém prou de be, se n'abém guérro en Franso.  
 Nou vous embaisquats, vibéts en esperanso.  
 Se nous abén la pax, sabi mena lous dets.  
 Perso que souy paüret, vous nou me refudets.

Un catét vous val may, coumo mi, de noublesso,  
 Que noun pas qualqu'un aütre an touto sa richesso.  
 Per aquo doune, m'amour, ayso sio prou parlat;  
 Digats-me lou boun mout, et seréy aqualat.  
 Vous ne poudéts parla à vostres payre et mayre;  
 Mas mandats me lour dich, et nou tardats pas gayre.



## AUGIÉ

*Anéc trouba la susdito Doumaysélló à la mountagno,  
 et quant nou la troubéc, ly mandéc aquest' sounet.*




Nou couneysséts pas vous ayci, la mebo mour,  
 Que ieü vous aymi may que cap de persounatge?  
 Vous sabéts qu'on m'a dich cent cox et dabantage  
 Que ieü de veni ayci lour fés aquel hounour.

Ieü disio : « Là fa frech, jamay n'y fa calour,  
 Se jamay ieü y vaü qu'oun m'estime mal satge » ;  
 Mas vous m'abéts be fach muda d'aütre couratge.  
 Per vous ieü souy vengut an fort grando douleur.


L'Albigéz éy quitat amay tout lou Querci,  
 Per tal de vous, m'amour, vous pensan trouba ayci.  
 Et vous bou'n éts fugido aros en qualque bordo.

Ieü souy estat un sot de quita moun païs  
 Per vous veni trouba de lant n'a blats ni vis :  
 B'es vertatso qu'on dis : « May tiro amour que cordo ».



## RESPONSE D'AUGER

*A un sien amy qui luy mandoit qu'il se devoit marier.*



MON amy , je receus la vostre par hier ,  
 Par laquelle mandez qu'il me faut marier.  
 Vous dites puis après que je ne suis pas sage  
 D'attendre si long-temps d'entrer en mariage ;  
 Vous me mandez aussi que je trouverois mieux  
 Cinq cens mille fois plus que quand je seray vieux.  
 Helas ! mon bon amy , le tout je vous confesse ;  
 Mais je ne suis pas trop accablé de vieillesse :  
 Je n'ay que trente-cinq ou bien trente-six ans ,  
 Et puis l'on se marie afin d'avoir enfans ;  
 Je crains n'en avoir point, pource que j'ay mon père ;  
 Car je m'amuse aux dits de Pline , mon compère ,  
 Qui a escrit qu'un loup ne peut faire nul fruit ,  
 Quelque gaillard qu'il soit , tant que son père vit (\*).  
 C'est la cause et raison que je ne me marie ,  
 Craignant n'avoir enfans , voyant mon père en vie.  
 J'en aurais bien , peut-estre , encores qu'il fust vif ,  
 Si je n'estois songeart et si spéculatif ;

(\*) Celui qui prétend que , si un cheval marche sur la piste d'un loup , il aura soudain le pied engourdi , n'a-t-il pas pu dire cette autre absurdité que lui attribue Auger Gaillard , à tort ou à raison ?

Mais je regarde encore à choses plus notables ,  
Craignant bien grandement qu'elles soient véritables.  
Car Plutarque a escrit qu'amour s'engendre en ceux  
Qui, comme lui, sont tous fort mels et paresseux.  
« C'est un enfer, dit-il, c'est une violence  
Qui jamais ne finit, ains toujours recommence. »  
Et puis il me souvient du dire d'un vieillard,  
Lequel estoit chenu et n'estoit pas gaillard.  
Je lui di : « Mon amy, qu'est-ce de mariage ? »  
Mais le pauvre vieillard me dit, en tel langage :  
« Depuis, dit-il, que j'eu femme et enfans aussi,  
Jamais je n'eu depuis que travail et souci. » —  
Quelqu'un dit à Thalès, l'un des sages de Grèce,  
Qu'il se faut marier en la fleur de jeunesse.  
Thalès lui répondit : « Je n'ay pas assez d'ans. »  
Et quand il fust âgé, il dit n'estre plus tens.  
Marius, le romain, dit un jour à Metelle,  
Pourquoy faisoit refus de sa fille tant belle,  
Tant éloquente en dire, ornée de vertus.  
Metelle luy respond, d'un visage honteux :  
« Je voy fort bien, dit-il, qu'elle a fort belle face,  
Est bien faicte de corps, et si a bonne grace,  
Et qu'elle vaut beaucoup, tout cela je voy bien.  
J'aime mieux estre mien, dit-il, que non pas sien. » —  
Alphonse, aussi, le roi d'Aragon, homme sage,  
Disoit que pour bien faire un parfaict mariage  
Il faudroit que la femme eut les deux yeux crevez,  
Et que l'homme fut sourd, afin de vivre en paix ;  
Car, dit-il, le mary n'entendrait la tempeste  
Et cacquet de sa femme, et sa mauvaise teste ;

La femme ne verroit aussi les mauvais tours  
 Que luy fait son mary presque quasi tousjours. » —  
 Je vous veux faire aussi le conte d'un abbé,  
 Lequel preschoit un jour que pour estre sauvé  
 Falloit porter sa croix. Lors un des assistans  
 Soudains'encourtchez soy, sans tarder plus long-tems,  
 Puis chargea sur son col tout aussi-tost sa femme,  
 De crainte qu'il avoit de perdre sa pauvre ame. —  
 Un homme avoit un fils ; quelqu'un luy vint crier :  
 « Si ton fils devient sage, il le faut marier. »  
 Alors luy respondit : « Si mon fils devient sage,  
 Il ne prendra jamais de femme en mariage. »  
 Puis les anciens docteurs nous ont escrit qu'*uxor*  
 Valoit autant à dire alors comme *Lonsor*. (\*)  
 Mais sçavez-vous pourquoy les nommoient de la sorte ?  
 Pource qu'on engraissoit les gons de chaque porte  
 Le jour que l'espousée entroit en la maison.  
 Et cela se faisoit non sans grande raison ;  
 Car les femmes alors avoient fort males testes,  
 Que souvent la maison tiroient par les fenestres,  
 Ce qu'elles font encor aussi bien comme alors,  
 Voylà doncques pourquoy on les appelle *uxors*.  
 Et Pierre de Launay, au Théâtre du monde, (\*\*)  
 En dit autant de mal qu'un autre de la ronde.

(\*) L'ON SORT. Pitoyable jeu de mots.

(\*\*) Pierre Boiaistuauc, dit Launay, né à Nantes, mort à Paris en 1566, était, d'après Lacroix-du-Maine, « un homme très-docte et des plus éloquents orateurs de son siècle » ; et suivant La Monnaye, « un beau parleur fort superficiel. » Son Théâtre du monde, précédé d'un Discours des misères humaines, Paris, 1558, in-8°, a eu plus de vingt éditions.


Toutesfois on cognoist par là qu'il est malin ;  
Car il dit mille maux du sexe féminin.  
Qui sçait que je ne tien grand compte de son dire !  
Devant qu'il soit cent ans , si Dieu me laisse vivre ,  
Je sçauray s'il y a tant de mal comme il dit.  
Il dit qu'un marié tous les jours est maudit ;  
Mais d'estre tous maudits sont choses impossibles ,  
Car je ne croiray pas que toutes soyent terribles.  
Il dit bien là dedans qu'il ne veut affirmer  
Que quelqu'une de bonne on ne puisse trouver ;  
Mais c'est , dit-il , en dix mille trois ou bien quatre.  
O que les femmes ont envie de le battre !  
Il en dit plus de mal que je ne fay de bien :  
Celuy qui trop les vante est pris en leur lien.  
J'ay bien eu en mon temps trois ou quatre maitresses ,  
Mais maintenant je veux les appeler traistresses ;  
Car toutes m'ont joué un misérable tour ;  
A chacune long-temps fort sot j'ay fait l'amour ,  
Sans en pouvoir avoir pas une en mariage ;  
Mais ont fait mon profit plustost que mon dommage ,  
Comme me fit jadis un pauvre batelier ,  
Me voulant passer Tarn , et vint un escolier :  
Lors il me quitta là , et l'escolier passa ,  
Mais au milieu de Tarn le bateau s'enfonça.  
Je vous laisse à penser s'ils me firent dommage  
De m'avoir par despit laissé sur le rivage.  
Ils se noyèrent tous , à faute de nager ,  
Et moy dessus le sable estois sans nul danger.  
Aux femmes veux donner ceste similitude ,  
Non pas que sois marry de leur ingratitude ,

De leur refus j'ay sçeu bien faire mon profit,  
 Comme avez entendu que ce bâtelier fit.  
 Doncques, mon grand amy, humblement je vous prie,  
 De n'estre point marry si je ne me marie. —  
 Il faut que je vous face un conte d'un Romain,  
 Lequel se maria, et puis le lendemain,  
 On cogneust qu'il portoit une fort triste face.  
 Lors un de ses amys luy dit, de bonne grace :  
 « Pourquoi portes-tu triste un visage qu'est tien,  
 Veu que ta femme est belle et de fort gens de bien? »  
 Lors ce Romain leva et sa jambe et sa cuisse,  
 Luy montrant son soulier, sans songer en malice,  
 Puis luy dit : « Ce soulier est tout neuf et bien fait;  
 Mais cependant je sens le grand mal qu'il me fait. »  
 Son dire estoit, encor qu'elle fust fort propice,  
 Peut-estre qu'elle avoit quelque malheureux vice.  
 Je vous ay proposez icy de bons auteurs,  
 Lesquels, comme je croy, ne sont pas des menteurs.  
 Si je voulois escrire icy le bien des femmes,  
 Me faudroit du papier plus de cinquante rames.  
 Je n'en dis aucun mal, et n'y voudrois penser,  
 (\*)

(\*) Une lacune d'un vers existe ici dans les différentes éditions du BANQUET venues à notre connaissance. Les ouvrages en vers les plus renommés, publiés aux XVe et XVIe siècles, offrent pour la plupart de semblables négligences. — Le roi François Ier s'étant plaint de l'incorrection avec laquelle Villon, le premier réformateur de la poésie française était imprimé, et dont l'ignorance des éditeurs avait mutilé les œuvres, Clément Marot en publia une nouvelle édition et eut le bonheur de pouvoir rétablir les vers supprimés. Nous en avons, nous aussi, rétabli plusieurs qui manquent aux éditions du BANQUET publiées à Lyon; mais nous n'avons pu parvenir à un complet résultat.


Car je ne fay sinon referer les paroles  
Que ces gentils autheurs ont dit des femmes folles.  
Si je les blasme icy , je n'en suis pas l'auteur ;  
Car je suis leur amy et très-bon serviteur.  
Mais, comme je vous di, quelqu'une m'en faut prendre.  
A ces méchants autheurs il ne me faut attendre.  
Ce que je crains le plus et que j'ay avisé  
Que je pourray de tous estre tost mesprisé;  
Car, si par cas fortuit , j'en rencontre une sage ,  
Tout le monde dira : « Las ! que c'est grand dommage  
Qu'Augié ne soit si sage aussi bien comme elle est ! »  
S'elle est folle , diront : « O le grand sot qu'il est !  
O qu'il s'est fait grand tort de prendre telle femme ! »  
Soit ou bonne ou mauvaise, on me donrra tel blame;  
Mais quant ils créveroient, je me veux marier ,  
Et ne veux empescher les meschans de crier ;  
Mais s'ils disent de moi parole qui me touche,  
Je veux faire un sonnet pour leur fermer la bouche.





## LOU REMÉDI

*Qu'apren AUGIÉ à madoumaysélló JANO per la  
guari de soun mal.*



DARRIÉYROMEN, madoumaysélló Jano,  
 Ieü conneyssio que vous n'érets pas sano.  
 Quant vous érets aycis à Mounbetou,  
 Que fialavets de lano o coutou,  
 Ieü couneyssio que abiats la jaünisso;  
 Mas ieü vous dic qu'aquo fa la matrisso  
 Que se bayssó; mas faséts lo leba,  
 Qui que digou touts lous de Montalba.  
 O aütromen ieü sabi be coucy  
 Bou'n troubarets, so dis un medecy,  
 Noun pas de Mons, ni may moussur Ferran,  
 Qu'an estudiant may de trento un an  
 En Albigez, al loc de Rabastens;  
 Mas els fort mal an enmersat lour tens.  
 Aquelis dous soun per vous fa mourí,  
 Et ieü tout soul ieü souy per vous guari.  
 S'els vesou aquo, diran : « Et loa gran fat  
 D'aquel Aügié, ount a el estudiant;  
 Car jamay el n'es estat escoulié  
 A Toulouzo ni may à Mounpelié?

Et nous qu'avém la ribiéyro passado  
 De l'Avayrou, estudiant à Caüssado,  
 A Rabastens et à Negropelisso,  
 Nou saürian pas que vol dire matrisso? »  
 Nani, dic ieü, car aqui n'es pas tout;  
 Ypocrates lour dis aycis un mout :


« *Passer la mer*

*Et bien loin voyager,*

*Fait changer d'air,*

*Et non de mœurs changer. »*

Que m'en diséts d'aquel so que lour dis  
 En lour vanta d'abe seguit païs?  
 Et per aquo nou n'y a cap de pus satge  
 Ny que bailhou milhour que mi un beüratge.  
 Et d'aütro part, el me saürio grand mal  
 Se milhou qu'els nou bailhavo un frountal;  
 Noun pas frountal coumo lou bailhoun els,  
 A vous lou cal del cap daquio als artels,  
 O aütromen nou guarirets jamay.  
 Que sio vèrtat, escoutats se vous play :  
 Qui que diguo un fat de medeci,  
 Uno filho n'es pas coumo un rouci;  
 Car s'un rouci n'a sounque mal al col,  
 Noul cargou pas per aquo tout de vol,  
 Sounque lou col o delant a lou mal.  
 Mas ieü vous dic que vous n'éts pas aytal,  
 Car l'emplastre cal que vous tenguo touto,  
 O aütromen gardats vous d'uno gouto,  
 O d'un raümas, o be d'uno sciatiquo,  
 O, per lou mens, que ne venguats etiquo.



## AUGIÉ

*Counsolo sa moulihé estant à l'article de la mort.*



Lous medecis, m'amour, m'an dich un gran segré;  
 El cal que lou vous diguo, à moun fort gran regrét;  
 Els vous fan entendre que serets léü guerido,  
 De peur qu'els an que vous regretets vostro bido;  
 Mas elis sou de fats, car ieü nou cresi pas  
 Que vous crentets d'ana de la vido al trepas.  
 Vous m'abéts dich à mi may de bint cox o trento  
 Que jamay de mourir vous n'aüriats pas de crento,  
 Et per aquo, m'amour, ieü vous voli aberti  
 Que, péys qu'à Diou li play, el nous cal desparti.  
 Nou vous turmentetz pas, car se la mort bou'n meno,  
 Vous anats en repaüs, et sourtisséts de peno.  
 Nou vous atendats pas à so qu'el mounde dis;  
 Vous serets milo cox milhour en paradis.  
 Ieü vouldrio, se mouréts, que Diou me fés la grasso  
 Que vous fousséts aycis, et ieü en vostro plasso.  
 Tan que seren ayci nou n'aüren que doulours;  
 Car aquest' mounde n'es que tristessos et plours.  
 Ayci n'abén jamay que debat et querélo.  
 Ieü éy fach moun proufit del dich de Marc-Aurélo,  
 Per so que Plino dis que lous del tens passat  
 Courounabou qualqu'un quant éro trespasat,

Et d'aquelo fayssou l'anabou péys reboundre :  
 Mas un boun philosopho el saüguéc pla respoundre :  
 Per so que Marc-Aurel lou preguéc un jour fort  
 De ly dire per que l'on courounabo un mort.  
 « Per tal, so diséc-el, que las persounos mortos  
 Sou sourtits de mal-hur de may de milo sortos. »  
 Lous viéls Egyptiens, quant els fasion banquet,  
 Nou dabon pas, coumo aro, à cadun un bouquet;  
 Mas lour fayssou de fa éro, quant l'on mangiabo,  
 Toutis lous qu'érou là, péys un lous tournegabo,  
 Que pourtabo un mort, lour fasen soubeni,  
 Disen : « Faséts gran chéro, aytal vous cal veni. »  
 Lous Thraces plourabon dels efans la nayssenso,  
 Et quant elis mouriou, menabou jouïssenso,  
 Disen que quant l'efan de la matrisso sort,  
 Intro en milo dangiéz, et ne sort per la mort.  
 A boun drech se risiou de la mort del maynatge :  
 Al may vivém, al may fasém nostre doumatge.  
 Epicteto lou satge un jour pla respoundéc  
 A l'emperur Adrian quant el ly demandéc  
 Qualo vido abian-nous la pus fort fabourouso ?  
 Diséc que la pus courto éro la pus hurouso.  
 Marc-Aurelo disio : « Cinquante ans éy vescu,  
 Et me souy assagiat tant fort coumo éy pouscut  
 De segui lous plazes et vices d'aquest' mounde ;  
 Mas nou n'éy troubat cap que calgo qu'on s'y founde ;  
 Car al pus fort ieü mangi, al pus fort mangia voli ;  
 Al pus fort me repaüzi, al may tout-jour me doli ;  
 Al may de bi ieü bebi, al may ieü voli beüre ;  
 Al may la mort s'aprochio, al may ieü voli vieüre ;

Al may ieü m'endourmici, al pus voli dourmi;  
 Al pus de be desiri, al may fugis de mi;  
 Finalomen jamay n'éy desirado caüso  
 Que péys incoutinen, o al cap d'uno paüso,  
 Aprép que l'éy agudo, ieü nou fourés fachiat,  
 O be de la garda grandomen empachiat. »  
 Marc-Aurelo troubado aquest' moun miserable;  
 Et l'emperur Augusto à el es fort semblable,  
 Que disio que despéys qu'on a vescu ayçi  
 Lou lounc de cinquant' ans, on se devio fa aüci.  
 Mas noun pas qu' ieü volgo à soun dire m'atendre:  
 S'embegio m'en venio, Diou m'en volgo defendre!  
 Mas el disio que dins lou térme d'aquel tens  
 Es l'acoumplissamen per y viüre countens.  
 Car passat cinquant' ans, so qu'on viou dabantatge  
 Se passo en plours et dols de perdos de maynatge,  
 O de perdos de be, o de cent milo mals;  
 Et l'on es acablat de penos et trebals,  
 Per so que l'on nou vech que guérros et proucesses,  
 Et la pus-part del tens cal esta toutis chésses:  
 On nou se pot tene de forso qu'on es viél,  
 Car alaros on n'a qu'els osses et la pél.  
 Per aquo, ma moulié, nou vougats veni viélho:  
 Vous deüriats abe gaüch quant la mort vous apélo.  
 Uno persouno viélho a lou cerbél troublat,  
 Lou bisatge fraüsit et lou cors tout courbat;  
 S'on es viél on repapio et on se fatiguegio:  
 Encaros beléü vous de viüre abéts embegio.  
 Vous sabéts que d'un viél paüre conte ne fan.  
 Uno persouno viélho elo semblo un efan;

Car soun esprit languis et lou nas li degouto ;  
Souben lou cal guida , perso qu'el n'y vech gouto ;  
Lous piéls del cap li toumbou amay toutos las dens ,  
Per cinq cens milo mals et aütres accidens.  
Per aquo vous deüriats desira d'éstre morto ;  
Car ieü vous plangerio se veniats de la sorto.  
Vostres sots de parens elis se fachou fort  
Perso que ieü , m'amour , vous parli de la mort ;  
Mas aquelos gens sou ta fats coumo uno tripò ;  
Car ieü lour proubaréy coumo lou rey Philipo ,  
Lou payre d'Alexandro , à un soun serbidou  
Li diséc : « Moun efan , ieü te demadi un dou :  
Veyne touts lous matis per me figua en memorio  
Que tam pla coumo cap aytal cal que ieü morio. »  
Coumbe que lou mouri es un passatge escur ;  
Mas lous payens sabiou qu'aquo nous es segur.  
Lou rey de Perso un jour , que Xerces se noumabo ,  
May de cinq o siéz cens mil' homes el menabo ,  
Et sus un loc fort naüt el se feséc mena ,  
Per tal que lous voulio vese touts camina ;  
Et lous vesen , diséc péys al cap d'uno paüso :  
« Oh ! que lou naturél de l'home es paüro caüso ;  
Car de tant de miliéz qu'en abal vesi ieü  
D'ayci cent ans un soul nou se veyra de vieü ! »  
Per aquo lous d'Egypto els fan petits lougisses ,  
Et fan touts lous toumbéls fort bragarts et propisses.  
Et sabéts-vous , m'amour , per que lous fan ta béls ?  
Perso que loungomen estan dins lous toumbéls.  
Et las houstalarios elis fan fort mal fayre ,  
Perso que lous hostes n'y demorou pas gayre.

Vous veséts, ma moulié, que lous qu'allégui ieü  
N'aguérou pas jamay counoyssenso de Dieü,  
Ni dels coumandemens deguno counoyssenso,  
Mas toutis de mouri toutis preniou passienso.  
Ieü sabi be que vous nou vous fachiats bouci  
De mouri, s'el nou fous lou vostre medeci,  
Qu'el vous fa entendre que, por vostro gran faüto,  
Vous bou'n anats mouri, et que vous éts malaüto.  
Per un poutatge d'al que vous abéts vegut,  
El juro que d'aqui lou mal vous en vengut.  
Eh! m'amour, à son dich nou vous cal pas attendre:  
Cent cox n'abéts begut, qu'aquel d'aqui es lou mendre;  
Car d'aütres cox begut n'abéts uno semal  
Dins un an, que jamay n'éy vist qu'el vous féc mal,  
Et per un plat de soupo an d'al qu'abéts begudo  
Aqelo malaütio à vous serio vengudo?  
Aquel poutatge dounc vous serio tant amar?  
Coumo entendrets d'aquest' qu'estéc fort sur la mar:  
Aselepius que frayre el de Poumpéc éro  
Estéc vint et dous ans sur la mar, en galéro,  
Ses perilha jamay; aquo vous diran touts,  
Et se neguéc un jour tiran d'ayguo d'un pouts.  
Mas sabéts-vous perque? soun houro éro vengudo;  
Et la soupo de l'al que vous abéts begudo  
Nou vous fa pas mouri; mas que quaüt Diou o vol,  
Un gra de mil tout soul nous pot ferma lou col;  
Car la vido de l'home es uno paüro caüso.  
Ieü éy troubat, m'amour, n'a pas fort loungo paüso,  
Que un Danacréon, en beben de vi cla,  
D'un soul gru de rasin, lou paüre, s'estrangla.

Sophocles, senatur de la vilo de Roumo,  
Per l'esfega nou li calguéc pas uno plumo;  
Mas en beben de lach de crabo, un jour el,  
Per lou vouler de Diou s'estrangléc amb'un pel.  
Car de fugi la mort nou pot cap de persouno;  
A touts nous cal marcha quant lou boun Diou nous souno.  
Que sio vertat, m'amour, ieü vous voli prouba  
Coussi la mort per tout elo nous sap trouba.  
N'a pas passat un mes qu'èy troubat en escrich  
Qu'un jour al poéto Achilo el li fouréc predich  
Qu'el serio massacrat debant uno assemblado,  
Qu'uno péyro sus el vendrio d'uno teülado.  
Quand li disiou aquo lou fasiou enratgia;  
Et, per fugi la mort, un jour s'anéc loutgia  
Als cans, sus un loc naüt, lou païre persounatge!  
Se pensan que là rez nou li pourtéz doumatge.  
De forso qu'éro viél el abio blanc lou pel.  
Vous aüsirets coussi fouréc atrapat el.  
Coumo vous dic, soun cap éro blanc coumo lano;  
Mas un aglo passéc sur aquelo mountano.  
Que la falso pourtabo uno tourtugo al bec,  
Et per abe la carn sur soun cap la toubéc,  
Pensan quant éro blanc que fourés uno péyro;  
Mas lou païre fouréc aücit de la maniéyro.  
Et per aquo, m'amour, vous voli requeri  
Que nous n'avansan res, quant el nous cal mourir,  
De fugi sà ni là; mas que prengan passensio  
Et que tout-jour agian uno justo counsensio.  
Nou vous diréy ieü pus sounque dous o tres mouts:  
Vous sabéts que la mort es fort coumuno à touts;

Mas de sabe sa mort, de quino mort, ni couro,  
 Degus nou sap deque ni may quant sera l'houro :  
 Aquel secrét à nous Diou n'a pas rebelat ;  
 Et sufis que sapian que nous semblan lou blat,  
 Que quant qualque pages en tэрro lou semeno,  
 Péys el se reberdis et nouvéel fruch el meno.  
 Et nous aprép la mort, al jour dal jutjamen,  
 Renaysseren aytal coumo fa lou froumen.  
 Mas aquel que vouldra vese de Diou la fasso  
 El cal be que puléü la mort mouri lou fasso.  
 A Diou-siats, ma moulié, péys que boun anats doune!  
 Ieü m'en baüc rejouy un paüc an lou vioulounc  
 Del gaüch que Diou me fa quant vous pren en soun rialme,  
 Aros meteüs m'en vaü souna qualque bél salme.  
 Nou que ieü sio jouyous quant la mort vous apélo ;  
 Car l'on me veyra fa coumo la tourterélo  
 Que quant la feme mor lou mascle tourno fol,  
 Et sur la branquo sequo el va mouri de dol.  
 Ieü couneyssi fort pla que faréy de la sorto.  
 A Diou vous dic, m'amour, à Diou-siats, vous éts morto!  
 O Messus, que faréy ? ma moulié ma layssat.  
 Aros fous elo en vido, et ieü fous trespasat !  
 Helas ! la mio moulié, helas la mio soureto !  
 Helas ! que faréy ieü aros, la mio moureto ?

*Las fennos counsoloun Aügié.*

Aügié, las gens diran que vous éts vengut fol !  
 Vous abéts fort perdut : mais péys que Diou o vol,  
 El nous semblo que vous deüriats prene passensio.  
 Helas ! vous abéts bruch d'abe bouno counsensio ;

Mas nous vesén que vous murmurats countro Diou !  
 Helas! qu'en fario may un pages o jousiou ?

*Aügié.*

Vous aütres me parlats d'uno caüso fort justo ;  
 Mas el caldrío que ieü fourés un tros de fusto  
 De garric o nouguié, d'alba o be de faü ,  
 Per nou me senti de la perdo que faü.  
 Vous aütros besést bé qu'el m'es un gran doumatge !  
 Helas! que faréy ieü de moun paüre maynatge ?  
 Tal lour fasio de be qu'aros lour fera tort,  
 Qu'aros fous elo bibo, et que ieü foussi mort !

*Las fennos.*

Aügié, vous diséts là uno fort lourdo faüto :  
 Aquo cal debremba; nous bou'n sabén uno aütro  
 Qu'es escarrabilhado, et n'a sounque vingt ans,  
 Amay vous pourtara cents escuts touts countans.

*Aügié.*

Ha! fennos, vous diséts que vous éts mas amigos ;  
 Mas en loc de tira del meü cap las fatigos,  
 D'uno aütro me parlats, per me fa veni fol,  
 S'en preni jamay cap qu'on me coupe lou col.  
 Nou m'en parlets pas pus en deguno maniéyro,  
 Jamay ieü nou saürio debremba la prumiéyro.

*Las fennos.*

Per vostre gran proufiéch, Aügié, uno bou'n cal.  
 Coussi pensariats-vous de gouberna l'houstal ?

Coussi vous tendriats blanc amay vostre maynatge?  
 Quant voudriats tous mangia, qual fario lou poutage?  
 Et tant d'aütres affas que cal dins un houstal?  
 Nou pensets pas que vous pousquats demoura aytal.

*Aügié.*

Ieü aymi may cent cox demoura de la sorto,  
 Debant que fa tal tort à la paüro qu'es morto.  
 Ieü li diséri un cop, que se jamay mourio,  
 Que cap d'aütro moulihé jamay pus ieü n'aürio;  
 Et li atendrèy tout so que li proumetéri,  
 Quant me deüriou pourta dimars al cementéri.


*Las fennos.*

Aügié se vous vesiat la que vous voulén da,  
 Vous diriats quant et quant me voli marida.  
 En tout aquest' païs nou n'a cap de tant bélo,  
 Car elo ten lou cap drech coumo uno candélo.

*Aügié.*


Per tene lou cap drech elo nou val pas may:  
 Lou pages dis qu'el blat à fi del mes de may,  
 S'el ten l'espice tout drech, nou deü pas vale gayre;  
 Aytal la que diséts elo pouyrío be fayre.  
 Encaros qu'elo sio fort escarabilhado,  
 Pot éstre que beléü es trop decerbelado,  
 Nou que ieü la rafude, et péys ieü vous diréy:  
 Jamay dire nou cal: « Talo ayguo nou beüréy. »  
 S'es talo que diséts vous prégui à la pareillo,  
 Que vous anets parla dema toutes amb'elo,

Et li disets que ieü me recoumandi fort.  
 Vous aütros diséts pla que ieü me fario tort  
 De nou ne prene cap per trata lou maynatge ;  
 Et d'aütro part ieü souy sur la flour de moun atge.  
 Anats et tournats me incountinen respounso  
 Per tal que pousquan fa dimenge calque nounso.



### DEMOUNSTRANSO

*A las fennos que disou qu'Augié tardabo trop à  
 se marida.*



HA ! fennos, vous diséts que m'esti mats mal satge,  
 Quant ieü demori tan ses prene de moulihié ;  
 Helas ! ieü n'éy pas d'ans encaros un milhié,  
 Per cent ans que ieü éy nou passi pas trop d'atge.

Loqu'a dich que souy viél grand omen se troumpabo,  
 Car élo n'a pas loc de se trufa de mi.  
 Elo dis que souy viél daquio cap de cami,  
 Et ieü encaros éy la lenguo que poupabo.

Sio ieü joube o viél, se Diou me laysso viüre,  
 Si voli ieü legi, se lour play, un petit ;  
 Car lon dis que s'un cop ieü éy troubat partit,  
 Péys n'aüréy pas leze de legi ni d'escrüre.

Se me fous maridat al tens de ma jouynesso,  
Aro nou serio pas de touts ta pla vengut,  
Ni may de tantos gens nou serio counoscut:  
Ieü aymi la vertu may que l'on nou se pesso.

Estan à marida disi milhou qu'un mэрle;  
Mas quant sio maridat ieü faréy del debot,  
Et péys qualqu'un dira : « O qu'Aügié s'es fach sot,  
La gran talo qu'el es que nou sio encaro estérlé!»

Ieü lour diréy : « D'aquo degus n'ago fatiguo;  
Ma moulié parlo prou, so me semblo, per mi:  
Quant ieü voli parla dis que m'ane dourmi,  
O que m'ane mayla de garda la boutiguo.

Per aquo, fennos, dounc debant me marida  
Ieü voudrío fort escriüre aquo qu'éy intenciou;  
Car s'un cop ma moulié me ten en supgeciou,  
Quant ieü voudréy fa rez, nou fara que crida.

El m'abrembo d'un gous qu'abio fort pla moun payre,  
Que lou paüre japabo à touts lous aütres cos;  
Mas se l'on li trasio de carn an forso d'os,  
S'amusabo an aquo et n'éro pus japayre.


Per aquo ieü éy peur que se l'on me marido  
Que péys m'amusaréy tout-jour an la moulié:  
Quant ieü voudréy legi et fa de l'escoulhié,  
Ma moulié sera là per me tira la brido.

Ieü voli dounc puléü acaba aquest' oubratge,  
Entre que la moulié nou me fa poun d'empach;  
Mas tout incoutinen que moun libre sio fach,  
Me voli marida per tal d'abe maynatge.



## DISCOURS

*A madoumayséllô de SERÉ, d'un baylet de soun frayre  
mousur DARIAT.*



DARRIÉYROMEN, n'a pas encaro gaygre,  
 Me coubidéc de soupa, vostre frayre;  
 Mas soun baylet que s'appélo Cournard,  
 Vous entendrets s'el a lou cor gaillard.  
 De nougaillous soun méstre abio acoutrats  
 Un plat o dous, per tal de tendre als rats;  
 Mas lou mayssant de baylet lous troubéc  
 Et lou goulut mal-hurous lous mangéc.  
 Que m'en diséts d'aquo, Madoumayséllô,  
 S'el a begut del fun de la candéllô?  
 Ieü éy gran peur que sio miéch philosopho.  
 Soun méstre li bailhéc uno escarchoffo  
 Que la metéz dins un pot an de lard;  
 Mes que vous féc lou mal-hurous Cournard?  
 Joust la brazo aquel sot la metéc,  
 Touto cendres dins un plat la pourtéc,  
 Et quant Moussur viguéc aquo d'aqui  
 El se fachéc et li diséc : « Couqui,  
 Et l'escarchoffo àyral m'as acoutrado?  
 N'éy pas ieü dich, qu'an forso carsalado

La metésses cose dedins un pot ? »  
 Mas sabéts que li diséc aquel sot ?  
 « Eh, moun méstre, es mal fach d'éstre sage ?  
 Dedins un pot coustario dabantatge ;  
 Mas de la sorto éy esparniat lou lard. »  
 Que bou'n semblo del dire del Cournard,  
 Se sous dires ni sous fachs valou gayre ?  
 En caros may, lendouma vostre frayre  
 El lou mandéc à la pessounario  
 Croumpa de peys, per vese que fario ;  
 Car aquel jour nou mangiabou pas carn :  
 Mas aquel sot anéc sul poun de Tarn,  
 Et tout lou jour aquis el demouréc.  
 Vostre frayre li diséc quan tournéc :  
 « Hé! mal-hurous, nou portos pas de peys ?  
 So diséc-el » — « Las, moun méstre, Tarn creys,  
 Ieü éy espiat, coumo lou mounde sap,  
 Despéys sul poun s'en pouyrrio vese cap,  
 Et jamay ieü nou n'éy vist cap dins Tarn ;  
 Mas al mazél abéts forso de carn. »  
 Vostre frayre lou vol mettre en mestié ;  
 Mas nou cal pas que l'ou metto fustié ;  
 Ieü couneyssi qu'el n'es pas de gran peno.  
 A mena l'haste o teni la padeno  
 Serio prou bou, so me semblo à sa mino,  
 Et semblo fort un souillart de couzino ;  
 Mas à re pus nou sera bou jamay. —  
 Vous entendrets s'el serio boun laquay :  
 Per lou manda cerqua prést un secous,  
 Sous méstres lou mandérou à Mounricous ;


Li diseroun : « Te cal tourna douma ,  
Car Mounricous es prép de Montalba. »  
Lou may qu'el va soun dos léguos et miéjo.  
Mas que vous féc aquel filh de la tréjo !  
El demouréc quatre jours per camis.  
Que déürio fa s'el mandabou à Paris ?  
Vous me direts : « Beléü éro malaüt ? »  
Perdounats-me , el mangéc un pa caüt  
De quatre soüs, quant fouréc arribat,  
Tout en tostos, an de vi dins un plat ;  
Et péys disio : « Ta pla me porti ieü  
Aro despéys qu'éy fachio coulacieü. »





## SOUNET

*Contro un que me voulio fa rascla calques mouts  
de moun libre, que nou li plasiou pas, so disio.*




UN jour un couzinié acoutréc uno fésto,  
Et de poutatge féc tout un gran plen metal;  
Péys pel coussel de touts y metéc un paüc d'al,  
Setat ieü que disio que l'al éro uno pésto.

Lou couzinié diséc : « Vous éts uno gran bestio  
De vous plange tout soul quant touts ou volou aytal :  
Per aquo dounc, Aügié, nou vous sapio pas mal;  
Car la soupo per vous tout soulet nou s'apréstio. »

Aytal entendi ieü de respoudre an aquel :  
Que ieü nou voli pas moun libre tout per el;  
Per aquo ieü l'éy fach per la pus grando troupo.

Ah ! que lou mounde es sot de s'ana turmenta !  
Péys qu'ieü éy entreprez de touts lous countenta,  
Coumo lou couzinié voli fa de sa soupo.






A FORT NAÛT,

*Et fort chrestia et fort verturous et fort magnific  
Prince*

HENRIC DE VALOIS,

*Per la gracia de Diou Rey de Franso et de Poulougnio,*

*Per lou prega de voule fa la pax.*



Touts lous grans et petits amay la poupulasso  
 Pregan Diou de boun cor que vous fasquo la grasso  
 Que pousquats acourda princes et deputats  
 Que soun anats à vous per demanda la pax,  
 Per la fa péys crida per tout, à soun de troumpo;  
 Et qui péys la roumpra que lou col el se roumpo.  
 Mas, Siro, s'el vous play, deban que fa la pax,  
 Vous pregan humblomen d'enebi lous souldats  
 Qu'els n'agiou poun à fa deguno courregudo  
 Sul bestial cabali, ni sur béstio cournudo.  
 Lou bestial et pagez fan per lou general:  
 Agiats ne doune pietat, qu'on nou lour fasquo mal.  
 Deban de fa la pax faséts un paüic de trébo;  
 Car à las bounos gens lou cor à touts leur crébo  
 Quant els vesou pana lou bestial al pagez,  
 Et per aquo la pax vous nou restaretz gez

De la fayre entretan, et que sio pla seguro;  
Noun pas aquelos pax qu'on fa de tureluro.  
Ieü n'éy vistos fa cinq despéys que souy nascut,  
Que jamay vioure en pax dous ans oun na pouscut;  
Sinoun que la purmiéyro, afi que ieü nou mento,  
Aqüelo tenguéc be cinq ans lou mounde en crento.  
Diou vous fasquo tal be que la que vous farets,  
Nou se roumpo jamay, al mens tant que viourets.  
Et se lou mounde sap qu'agiats talo esperanso,  
Lous bous pregaran Diou de touto lour pouyssanso  
Que fort hurousomen loungomen vous visquats,  
De l'embegio qu'els an de vese loungo pax.  
Et ses rasou n'es pas : car la maissanto guérro  
Es en caüso que nous sén fort clars sur la tэрro.  
So que lou tens passat éro de gens cubért,  
Aros, quant l'on y ba, semblo un païs desért.  
Cent mil' homes sou morts despéys lous purmiés troubles,  
Et nou mentirió pas se lous y metio doubles,  
S'enten mortis per guérro o be per trahisou;  
Et part toutis aquels que sou morts en prisou,  
Ses voule mettre en counte homes, fennos, maynatge  
Que sou mortis de fam; n'es pas el gran doumatge?  
Tant éro tout lou moun mal-hurous et maüdit.  
O Rey, nous vous pegan que fasquats un edit  
Que pouscan vioure en pax, huguenaüs et papistos.  
An la guérro las gens et galinos sou tristos;  
Lous ma-hurous souldats els lour tirou tout drech,  
Quant et quant que las trobou endacom à l'estrech.  
De la guérro à la pax el y a be diferensou,  
Car ieü o sabi pla, Siro, per esperienso.

S'el vous play d'escouta moun dire, noble Rey,  
 Lou diferen de l'un et l'aütre vous direy.  
 La pax purmiéyromen ayci voli descrioure,  
 Per so qu'elo ses bruch à toutis nous fa vioure.  
 Elo a talo vertut que reys, princes, seighours  
 Delslours sou soustenguts en lour drech et hounours.  
 Lou mounde viou, en pax, ses deguno malicio:  
 Per tout on fa vale lou drech de la justicio.  
 En pacificatiou de soun be l'on jouïs  
 Et an touts sous amix cadun se rejouïs :  
 De quin estat qu'on sio tout lou mounde s'adouno  
 De vioure justomen, ses fa tort à persouno.  
 Lou mounde en la pax n'es pas fort debaüchiât;  
 Ni de tailhos, emprouns, l'on n'es pas tan fachiât,  
 Las filhos, an la pax, caduno se marido,  
 Et podou ana pertout ses cabestre ni brido.  
 Siro, per fa pus court, ieü éy pla regardat  
 Que quant abén la pax degus n'es debourdat.  
 Mas las gens an la guérro els sou tant miserables  
 Que de siéz bins lous cent nou crentou Diü ni diables.  
 Et vouléts que vous diguo, entre que nou souy mort,  
 Qualque tros d'aquel mal que de la guérro sort,  
 Ieü vaü dire del mal uno grando partido :  
 A la guérro degus nou meno santo vido;  
 De déx coumandomens que Diou nous a layssats,  
 Toutis déx, setat un, elis sou transgressats,  
 Qu'es lou que dis : « Tailha nou te faras imatge (\*) »  
 Ieü n'éy vistes trinqu cent cox o dabantatge,

(\*) Tailler ne te feras image  
 De quelque chose que ce soit.

An lou tens de la guérro al mal-hurous souldat,  
 Aquel coumadomen el es tout soul gardat;  
 Mas quant als aütres naï, persouno nou lous gardo.  
 De lous transgressa tous tout lou mounde s'hazardo.  
 En loc de travailha siéz jours, coumo Diou vol,  
 L'on s'aten à pana, jouga et fa del fol;  
 Lou dimenge on nou col coumo mando la gléyo;  
 Aquel jour may que cap van à la picouréyo.  
 D'ayma lour payre et mayre es un coumadomen,  
 Et Diou dis : « Qui lous aymo el vioura loungomen. »  
 Tan s'en fal d'els ayma; car lou filh pano al payre,  
 An la guérro, s'el pot, lou bestial de l'arayre.  
 On murtris, on pailhardo, et Diou nous o defen;  
 On pano et despaüso countro tous falsomen.  
 Lou darrié mandamen, se vous play, voli dire :  
 Diou dis que la moulié d'un aütre oun nou desire,  
 Ni soun aze, ni be, ni cap de soun bestial,  
 Sirbento, ni baylet, ni may lou seü houstal.  
 Cap de coumadomen d'aquels nou gardou, Siro;  
 La mal-hurouso gen de pus gran mal desiro;  
 Toutis desirou may que noun pas d'un loutgis :  
 Lous huguenaüs vouldrion Toulouzo amay Paris,  
 Lous papistos vouldrion Montalba et la Rochélo;  
 Mas que de cado cap fan bouno sentinélo;  
 Et d'aütres paüres lox souben soun attrapats.  
 Per aquo, s'el vous play, vous demandan la pats :

Si honneur lui fais et hommage,  
 Ton Dieu jalousie en reçoit.


Exode, ch, 20. v. 4.

(Les commandements de Dieu traduits par Clément Marot.)

Quant morou tant de gens vous n'y gazaniats gayré.  
Sabéts-vous que diséc un jour lou vostre payre ?  
L'on m'a dich qu'el diséc un jour un tal prepaüs  
Qu'el voulio fa brulla toutis lous huguenäüs.  
Brusquet aüsen aquo, coumbe qu'el fousdels mendres,  
Li diséc : « Siro , péys vous seriats rey de cendres » :  
Layssats-lous, s'el vous play, vioure en lour religiou,  
Car de bous fa serbici els an bouno intentiou;  
Mas de lous fa mourir, coumo vous fan entendre,  
Lous paüres sou coustrens cadun de se defendre.  
Elis an à ta mal coumo un fort boun rouci  
Que reguinno et mourdis quant on lou vol aüci.  
Aros nou sou pus fats, como lou mounde penso ;  
Els an prou demourat à se metre en defenso.  
Aros aüguéssets-vous lous qu'an aücit à tort !  
Ta pla dire pouyriats que vous éts lou pus fort  
Rey que sio sur la mar , amay dessus la térrro.  
O Rey , quantos de gens abéts perduts en guérro ?  
Se toutis érou vious , huguenäüs , catoulix ,  
Vous pouyriats dire brem per vestres enemix.  
Encaros n'aüriats prou per garda vostre rialme,  
Se nous abian la pax ; car s'el tens éro calme ,  
Vous abéts forse gens en Franso et de souldats  
Que lous paüres jamay nou fourou maridats ;  
Et se maridarion per fayre efans et filhos ,  
Et tournarion poubla vilatges , boures et villos.  
Degus nou se marido aros en d'aquest' bruch ,  
Que mourén coumo muls , ses abe degun fruch.  
Se nous abian la pax encaros pouyriats dire  
Coumo féc Socrates à un , qu'el n'y a per rire ,

Un jour un li diséc de soun aütoritat,  
S'els de Lacedemouno éron gran quantitat.  
« Els sou, diséc-el, tans qu'en cal per da la casso  
A tous lous enemix et à touto lour rasso. »  
Aytal pouyriats-vous dire à vostres enemix,  
Se tous lous huguenaüs amay lous catoulx  
Que sou mortis en Franso erou toutis en vido,  
Que tout lour differen n'éro pas d'uno ardido.  
Ha, lou bél differen ! ó la justo querélo,  
Per abe mes aytal tout un rialme en cerbélo !  
Encaros s'on fasio la guérro à l'estrangié,  
Nou serio pas de tout à vous tant de dangié ;  
Mas la guérro se fa lou filh countro lou payré,  
Lou payré countro l' filh, lou frayré countro l' frayré,  
La sor countro la sor, couzi countro couzi,  
Nebout countro nebout, bezi countro bezi.  
Per aquo dounc, ó Rey magnifiq et tant noble,  
Agiats un paüc pietat de vostre paüre poble !  
Amay deüriats abe pietat de vous-meteüs ;  
Car tout prince que fa guérro countro lous seüs  
El mémos se destruis an las guérros cibilos.  
Encaros be que vous assiegets forso bilos,  
Et que vous las prengatz à gran cox de canous,  
Vous nou reprenets re sounque so qu'es à vous.  
Péys en fasen mourir lous homes de la Franso,  
An d'aquelo fayssou vostre cas paüc s'abanso ;  
Car aquo n'es re pus quant lou mounde mouris,  
Sounque quel vostre rialme el tout-jour s'apaüris.  
Fasen mourir las gens, vostre cas re ni ganio.  
Nou pouyrian pas nous fa coumo lous d'Alamano ?

En escrich éy troubat quels paüres Alamans,  
En leur païs lou loune de trento o de crauto ans  
An aytal guérragiat lous uns contro lous aütres,  
D'un mémos different coumo fasén nous aütres ;  
Mas elis à la fi se soun touts acourdats  
Et an touts counfessat despéys qu'els erou fats,  
Et se soun abisats d'ana fayre la guérro  
En Flandres, en Espanio et noun pas en leur térrro :  
Aytal deürian-nous fa, se nous éren ta fis,  
Ana fayre la guérro en estrantge païs.  
S'ieü metio ayci lou mal qu'à la guérro se farguo,  
La rimo serio péys et pus lounguo et pus larguo  
Que n'es pas un lensol de trez canos de loune ;  
Per aquo, noble Rey, n'y metréy re pus dounc.  
Mas que vaü fa la fi, en pregan Nostre-Seigne  
Que vous doune tout be, amay que vous enseigne  
Coussi vous caldra fa per garda péys la pats ;  
Car l'oun se crento fort que se vous nou coupats  
La viraguo del tour de la vostro persouno,  
Que jamay aütromen la pax nou sera bouno,  
Ni nou valdra jamay aütromen un dinié.  
Faséts dounc, s'el vous play, coumo un boun jardinié  
Que tiro de soun hort toutes maübésos hérbos ;  
Car lou rey Salomon el dis en sas proubérbos,  
Que toutis lous flatous de malo coundiciou  
Lous princes et lous reys els metou en dissenciou.  
Siro, se nou sabéts légi aquest' lengatge,  
Per aquo, s'el vous play, nou perdats pas couratge ;  
Car ieü sabi que vous troubarets dins Paris  
De gens per o legi que soun d'aquest païs.



### DEMOUNSTRANSO

*Als souldats del mal que fan à la guérro et del mal  
qu'els y endureou, et qu'el cal oubei al Rey.*




ABÉTS visto, souldats, aquelo demounstranso  
 Que tantos éy trameso al noble rey de Franso,  
 Que parlo qualque paüe countro tous lous souldats  
 Et countro tous aquels que vous an coumandats!  
 Mas ieü vous asseguri et vous podi proumetre,  
 Que lou déyme del mal ieü n'éy pas voulgut metre:  
 Per so qu'al noble rey, coumo lou mounde sap,  
 Ieü nou voudrio jamay donna ly mal de cap;  
 Mas countat soulamen l'in éy uno partido,  
 Ly disen qu'à la guérro on ten mayssanto vido,  
 Et qu'on lou prégo fort de nous donna la pax:  
 So qu'el boun rey a fach, per tal que, vous, souldats,  
 Nou fasquats pus de guérro en soun rialme de Franso,  
 Mas qu'el vol que visquats tous en assureanso.  
 Aytal darriéyromen s'acourdéc à Coutras:  
 Vibéts doune aütromen que n'abéts d'ayci entras,  
 O aütromen, souldats, el vous cal tous entendre  
 Que lou rey péys aprép enten de s'en fa crendre;  
 Car gens de be m'an dich que pus el n'enten gez  
 Qu'on mange ses paga la poulo sul pagez.

Et d'aütro part el a facho fa uno crido  
Que cap pus de souldat, à peno de la vido,  
Sio papisto, s'enten, o de la religiou,  
N'agio pus à leba cap de countribuciou.  
Creséts lou dounc, souldats, quittats aquelo guérro  
Qu'à tantis fa trayna lou ventre per la térrro.  
Faséts dounc so qu'el vol; car la sio Majestat  
Enten que cadun sio remez en soun estat.  
Se la pax es gardado, aytal coumo l'on penso,  
N'agiats poun pensamen de gagnia la despenso,  
Et viourets, seloun Diou, pus hounourablomen;  
Car à la guérro oun viou fort miserablomen.  
La vido del bestial es bél-cop pus hurouso  
Que n'es la del souldat an sa bélo arquabouso;  
Car lou bestial repaüso al-mens touto la néch,  
Et vous aütres, quant cal que vous metets al léch,  
Vous cal ana figua dessus quelque murailho,  
Que vous countentariats d'uno paüco de pailho  
Per metre joust lou cap, que nou n'abéts bouci,  
Que souben d'uno péyro el vous cal fa couyci;  
Et quant deüriats dourmi vous cal fa sentinélo;  
Amay quasi tout-jour vous cal éstre en cerbélo,  
Afi d'éstre tout prést, per tal d'ana al coumbat,  
Quant la troumpeto souno, o s'el tambouri bat  
L'alarmo per ana escala la murailho,  
O s'el souno à l'assaüt o per douna bataillo.  
Se la troumpeto souno, o vostre tambouri,  
Vous cal ana per tout quan vous deüriats mourri;  
Car, tout incountinen qu'abéts preso la mostro,  
Vous aütres éts sougéts, la vido n'es pus vostro.

Et per sépt frans lou mes, souben vulgats o nou,  
 Vous cal ana debant la gorgio d'un canou,  
 Amay à la mercez de milo arquabouzos;  
 Quant cal ana douna assaüt o escalados.  
 Et s'el desastre vol que l'on sio repoussat,  
 Lous paüres souldats morts emplissou lou foussat,  
 Et lous aütres blassats per cors et per las quéyssos  
 O roto qualque cambo, o qualque bras; et péyssos  
 Lour cal pourta uno crosso o dos per un loune tens,  
 Et dabegados sou per tout-jour impoutens;  
 Que se n'an de mouyens o qualque boun amic,  
 Lour cal debant las gens fa lou miéch crucific.  
 Dejoust lou céel n'a poun vido tan mal-hurouso  
 Coumo la del souldat, ni de pus dangeyrouso.  
 Encaros vous fachats, se pot éstre, beléu,  
 Et diséts que la pax es vengudo trop léu?  
 Vous aütres mounstrats be que lou diables vous meno;  
 Car lou Rey fa l'a pax per vous tira de peno,  
 Per tal que dourmisquats ses crento en vostre liéch;  
 Recounoysséts lou doune quan fa vostre proufiéch!  
 Creséts-lou : layssats touts la guérro mal-hurouso,  
 Faséts touts coumo mi, vendéts vostre arquabouso.  
 Ieü souy estat souldat, mas aros nou souy ges,  
 Per so que nous fasian trop de mal sul pages.  
 En loc de douna argen quant lour be l'on mangiabo;  
 Calio qu'els nou bralléssou, o be l'on lous pengiabo:  
 Per aquo l'arquabouzo amay lous fournimens,  
 Vendéri per croumpa un jour de ferramens.  
 Ieü voli tourna fa coumo fasio carretos:  
 Ieü souy trop las d'aüsi tambouris et troumpetos;

Ieü souy las de vese tantis de brullamens  
Amay d'aüsi parla de tant de violamens :  
Ieü souy las de vese tantos persounos mortos ,  
Et veyre fa de mal de may de milo sortos.  
So que fort pla bastit abiou nostres aügiols ,  
L'on vech aros brulla à quelques fats et fols.  
Encaros que la guérro un aütre cop rebenguo ,  
S'ieü y vaü jamay pus qu'on me coupe la lenguo.  
A la guérro jamay non voli pus tourna ,  
Jamay al grat de touts on nou sap camina.  
Quant ieü éro en renc, disiou : *Marche la tésto!*  
Et tout incontinen : *Halto, souldats, arrésto!*  
Péys eridabou : *Lonc-bois!* Quant el quant : *Sarrez-vous!*  
Vous vesiatz be , souldats, qu'on se risio de nous ?  
Et nous aütres tout-jour gagnaben la victorio ,  
Et péyssos un tout soul ne pourtabo la glorio ,  
Encaros qu'el n'y fous ; car el me soube pla  
Qu'un jour nous uno vilo anéren escala,  
Que lou que nous menabo éro lén de la vilo ,  
Quant nous dabén dedins , à de passes dous milo ;  
Amay péys se vantéc qu'el abio pres lou fort ,  
Et de nostre butin el nous féc un gran tort.  
Talo fayssou de fa ieü troubabo fachouso ,  
Que per aquo ieü éy vendudo l'arquabouso ,  
Perso que lous butins n'érou pla despartits.  
Tout-jour lous grandis cos deborou lous petits :  
Et d'aütro part, souldats, lou noble rey ourdouno  
Que touts visquan en pax, et péys el nous perdouno  
Tout lou mal qu'abén fach, coumo toutis vesén.  
Sén pas nous de poultrouns , se touts nou lou cresén?


Per aquo quiten doune armos et gibelinos,  
 Nou fasquan pus la guérro à las paüros galinos;  
 Nou fasquan pus leba las gens aytal la néch.  
 Souben touts englagiats lous tiraben del léch;  
 Car ieü me souy troubat que l'alarmo sounabo,  
 Que ieü tout englagiat lou gipou me caüsabo;  
 Et las caüssos vestio, que de l'englatgiamen  
 Ieü nou me sabio pas vesti l'acoutromen.  
 Ieü éy vistes de fats en moun tens may de trento,  
 Que disiou que jamay n'aguérou pas de crento;  
 Mas elis n'an pas doune à la palmo jougat  
 Ni may cap de mousquet n'an an lous dets moucat?  
 A la palmo, coumbe qu'on agio boun couratge,  
 On a crento tout-jour dels éls o del visatge;  
 Et se vouléts mouqua un mousquet an lous dets,  
 Tout-jour vous aürets peur que nou vous escaüdets.  
 Et toutis lous qu'an dich que n'an pas jamay crento  
 An cag... dous cent cox o cent, que ieü nou mento,  
 Dins las caüssos de peur, et volou dire ayçi  
 Que jamay elis peur n'an agudo bouci!  
 Mas elis an mentit, car l'on nou sap gindarmo  
 Qu'el nou tremble de peur quant on souno l'alarmo.  
 Per aquo m'es tout u, ieü lous layssi vanta;  
 Tout es, souldats, qu'el rey el nous cal countenta,  
 Que nous visquan en pax aytal coumo coumando,  
 Lou boun rey aütro caüso à nous el nou demando:  
 Fasén doune so qu'el vol, et ieü li vaü manda  
 Qu'el nous perdoune touts, qu'on se vol emenda.



AL REY,

*Per lous de la religiou et per lous cathoulis.*

O noble Rey, lous de nostre coustat  
 Ni lous aütres nou volou pus fa mal,  
 Et prégoun touts la Vostro Magestat  
 Que lour dounets un perdou general.  
 S'els an panat jamay degun bestial,  
 O fa prene qualque countribuciou,  
 Els proumetou de nou fa pus aytal,  
 Mas que lour dets la vostro absouluciou.


 AUGIÉ
*A sa mestresso que l'on apélo RIBIÉYRO.*



M'AMOUR, aprép lou rey vous éy vougudo metre,  
 Car bélo caüso el es quant on a boun vezi:  
 Se Diou del cél voulio qu'el fous vostre couzi,  
 Cado cop un presen el nous fario trametre.





## AUGIÉ

*A ladito RIBIÉYRO.*



## SOUNET.


IEU aymi de boun cor uno douso ribiéyro,  
 Mas las que fan degast n'aymi cap de bouci :  
 Ieü vous aymi, Ribiéyro, et sabéts-vous couci ?  
 Per so que tout-jour ieü vous éy troubado entiéyro.

Jamay vous n'abéts pas routo cap de payssiéyro,  
 Ni may cap de mouli, qu'abéts un fort boun si :  
 Per aquo vous aymi pus que lou meü roussi,  
 Quant nou sourtéts fa mal foro bostro carriéyro.

De ribiéyros on sap fort bélos joust lou cél;  
 Mas nou voli ges cap qu'agio pourtat vayssél :  
 Aquo me fario mal quant ieü voudrio dourmi.

Per aquo ieü vous aymi aytal coumo vous dic,  
 Et vous counoysserets que seréy vostre amic,  
 Mas que nou pourtets pas d'aütre vayssél que mi.





## A LAS DOUMAYSÉLLOS DE ROQUOS .

*Quant AUGIÉ nou pouguéc abe la RIBIÉYRO.*



## SOUNET.

HELAS! n'abio pas ieü perdu l'entendomen ,  
 Quant ieü voulio basti dessus uno ribiéyro ?  
 Nou cerquabo pas ieü ma rouyno et paüriéyro ,  
 De voule figua là moun petit bastimen ?

Qui sus ayguo bastis nou fa pas sagiomen ;  
 Car el nou pot pas dire en deguno maniéyro ,  
 Quesoun houstal nou toumbe un jour à la carriéyro ,  
 S'el nou lou figo poun sur un boun foundomen .

Mas despéys que ieü éy counegudo ma faüto ,  
 Aros vouldrio basti sus uno plasso naïto ,  
 Se fourtuno voulio que ieü agués tal hur ,


De lou poude basti dessus de talos roquos :  
 Encaros que moun cas fous tout bastit de broquos  
 Ieü pouyrio dire péys que moun cas es segur .





## AUGIÉ

*A uno veouso.*



## SOUNET.


PÉYS que Diou a vougut que la mort rigourouso  
Es vengudo cerqua vostre purmié marit ,  
Ieü vous vouldrio prega que ieü fous fabourit ;  
Car ieü desiri fort que siats moun amourouso.

De me refuda mi vous seriats be minouso ,  
Quant sabéts que ieü éy quelque paüc d'esperit :  
Ieü souy b'estat un fat , mas aros souy guerit ;  
Aquelo malaütio n'éro pas dangiarouso.

Vous diséts que languéts quant n'abéts cap de poul ,  
Ieü souy doune vostre cas , atambé souy tout soul ,  
Et péys sabi jouga un petit del vioulounc ,


Et vous un paüc del luth amay de l'espimoto.  
Nou sera pas-el bel quant quelque cansouneto  
Sounaren toutis dous ? Nou me refudets doune.





## RESPOUNSO

*De ladito doumayséllò à AUGIÉ.*




## SOUNET.


AUGIÉ, vous me diséts que fat vous éts estat,  
Et que vous éts guarit, so diséts, d'aquel mal;  
A gran peno jamay guarirets coumo cal,  
Que tout-jour païc ou prou vous nou ne siats gastat.

Per aquo nou pensets de me dourmi al coustat,  
Quan vous seriats Aügié lou rey de Poartugal.  
Se vous éts estat fat, tout-jour serets aytal :  
Ieü sabi que jamay nou serets arrestat.

Car touts lous medecis que soun dedins Paris  
Disoun que d'aquel mal jamay on nou guaris,  
Et me vouléts fa creyre ayci qu'éts pla guarit.


Mas ieü aquo d'aqui nou creyréy pas jamay ;  
Per aquo dounc, Aügié, vous prégui, s'el vous play,  
De cerqua aütro mouhié, et ieü aütre marit.





## RESPOUNSO

*D'AUGIÉ à la susdito doumaysélo.*




## SOUNET.


Péys que nou me vouléts quant souy fat et trufayre,  
Al mens vous deüriats fa donna-me vostro sor :  
Vous veséts que d'amour la paüro filho mor,  
Se nou li dounats léü qualqu'un que sio rimayre.

Ne poudéts vous parla à vostres payre et mayre,  
Et lour dire que ieü l'aymi de fort boun cor.  
Se l'on nou la me douno, ieü éy uno gran por  
Que mourira de mi, nou tardara pas gayre.

Helas ! n'a pas on tort de la layssa mourir ?  
Elo n'a d'aütre mal, mas quant nou pot flourir ;  
Mas be flourira léü s'an mi l'on la marido.

Ieü sabi couci cal fa li veni las flours.  
Elo n'a d'aütre mal que las palles coulours :  
Se me la faséts da ieü l'aüréy léü guarido.





## DIALOGO A MATHELY

*Vioulounc de Thoulouso, sur l'abus que se coumet  
à las dansos.*



HA! Mathely, ieü vous cérqui pertout,  
El a lounc tens, per vous dire un soul mout!  
S'enten un mout per vostre gran proufiéch,  
Et beléü vous nou n'aürets pas despiéch.

*Mathely.*

Escusats-me, moun amic, s'el vous play,  
Nou sabi pas vous abe vist jamay.  
Péys que vous éts aycis en moun houstal,  
Qual que vous siats, Diou vous garde de mal.

*Aügié.*

Amay à vous, Mathely moun amic.  
Ieü souy Aügié, cértos aytal vous dic.

*Mathely.*

Mas se vous éts Aügié de Rabastens,  
Lou que s'en parlo el a degia lounc tens,  
Aquel que fa de tantos de fayssous  
Rimos, sounets et tantos de cansous?...

*Aügié.*

Ieü souy aquel, ses aütre, Mathely;  
Aügié Gaillard cértos ieü m'apely.

*Mathely.*

Abrassats-me, vous siats lou be vengut,  
Jamay pus ieü nou vous éy counegut.  
Digats-me vous, Aügié, coussi vous ba?

*Aügié.*

Ieü me teni tout-jour à Montalba;  
Mas jamay vous nou m'éts vengut veze.  
Venéts un jour quant vous aürets leze.

*Mathely.*

Helas! Aügié, el cal que ieü vous diguo,  
A Montalba n'a pas per mi boutiguo;  
Car l'on me dis qu'els haïssou la danso,  
May que nou fan en villo de la Franso;  
Et quant degus elis vesou bala,  
Lour semblo qu'els vesou un aze voula.  
Aquo d'aqui nou soun pas mas coulours;  
Car quant à mi, ieü éy dansat tout-jours,  
Amây ieü holi abe tout-jours dansat,  
Ieü nou souy pas aquel qu'a coumensat.

*Aügié.*

Aquo d'aqui, Matheli, vous aütratgi;  
Mas ieü vous dic que cértos ieü enratgi

Quant me diséts que n'abéts coumensat.  
 Helas! sian be lous fols del tens passat;  
 Car lous payens et aütres infidélos  
 Soun lous aüturs de dansos saütarélos;  
 Car aprép qu'els abian fach sacrifici  
 A lours fals Dious, lour pensan fa serbici,  
 Menabon touts fort grando jouïssanso,  
 Et se metion alaros touts en danso;  
 Noun pas qu'elis pensessoun à mal fa,  
 Coumo l'on vech aros als homes fa.  
 Péys que l'home qu'es tout soul al trebal,  
 Souben lour jour el penso à fayre mal,  
 Encaros qu'el travaille del foussou,  
 El me semblo, à pus forto rasou,  
 Que l'home qu'es en fésto pla tratat  
 El nou deü pas cerqua que voluptat.  
 Et d'aütro part l'on dis qu'aprép la panso  
 Coumunomen l'on vol abe la danso;  
 Et l'on sap be que là forso de gens  
 Soun escalfats del sou dels esturmens,  
 Que nou sounou que de cansous lubriquos:  
 Aquo d'aqui soun caüsos diabouliquos (\*).

*Mathely.*

Aügié, ieü éy cent cox dansat en bal,  
 Mas jamay ieü n'éy poun pensat en mal.

(\*) Dans LAS OBROS de 1579, on lit à la place de vers :

Vela lou trinc de forso catholiquos.

*Aügié.*

Aquo d'aqui cértos nou cresi pas;  
 Car quant l'on ten la fenno bras à bras,  
 (Pensan que fous de toutos la pus bélo,)  
 El forse b'es que vous siats en cerbélo.  
 En las baysan an d'aquels mayssans bralles,  
 Un home sant cértos el vendrio diables;  
 Et vous diséts qu'abéts souben dansat,  
 Que n'abéts pas en mal jamay pensat?  
 A l'endarrié dounc, an vostro musiquo,  
 Serets coumo un gran layrou doumestiquo,  
 Qu'el fort souben el aüra deraübat;  
 Mas al darrié s'el es péys atrapat,  
 Aquel soul cop li coustara la vido:  
 Per aquo dounc acourchiats vous la brido.  
 Nou dansats pus ayci n'en d'aütres lox;  
 Car vous sabéts que de lant a dous fox,  
 May qu'un tout soul els rendou de calour.  
 Péys en dansan l'on demando l'hounour:  
 Vous pensarets dansa milhou que cap,  
 Et se qualqu'un pla danso, mal vous sap.  
 De la glorio a dounquos al dansa;  
 Se vous play dounc, à vous cal la layssa.

*Mathely.*

Helas! Aügié, el n'a mestié en Franso  
 Que nou y agio d'abus coumo à la danso.  
 Cassen l'abus de la danso deforo,  
 Et l'usatge tout-jour el nous demoro.

*Aügié.*

Dedins la biblo éy troubat, al Genézo,  
 Que la cansou mal dicho amay maübézo  
 Elo n'a pas cértos degun usatge;  
 Car de la danso el nou sort que doumatge.  
 Se del pana l'on dosto tout l'abus,  
 El cal be doune qu'on nou desraübe pus;  
 Que per aquo el vous cal be pensa  
 Que se doustan tout l'abus del dansa  
 Cal dousta tout, et qu'on nou danse pus;  
 Car lou dansa n'es pas que tout abus.

*Mathely.*

Aügié, jamay ieü n'éy pas entendut  
 Que Diou agio lou dansa defendut,  
 Coumo el a fach, per soun coumandomen,  
 Lou layrounci à nous fort grandomen.  
 Et vous vouléts ayci me coumpara  
 A un layrou que nou fa que pana?

*Aügié.*

Perdounats-me, que Diou nous o defen;  
 Legit ieü éy lou noubél testomen,  
 Que Jesus-Christ en Sant-Mathiou nou dis,  
 Debant que nous intren en paradis,  
 Toutos las gens, tant paüros que las richos,  
 Counte rendren de paraülos mal dichos.  
 Péys qu'és aytal, à pus forto rasou,  
 Lou dansa doune, ses fa coumparasou,

Es pus mal fach, se pla l'on s'en abiso;  
Car d'el nou sort que touto pailhardiso.

*Mathely.*

Et s'un boun home el danso an sa moulihié,  
Sio president, jutge o counselhié,  
En quelque bal an d'aütres à la danso,  
N'an pas elis aqui touto pouyssanso  
An lours moulihiés, tant que seran en bal,  
S'elis pensa voloun en be o mal?

*Aügié.*

Nani, nani, dis uno ley cibilo,  
Car aquo porto interés à la vilo;  
Sio catholic o de la religiou,  
S'el es tan fat d'abusa d'aquo siou.  
Sant Aügesti dis qu'el se cal garda;  
Car fort souben l'home pot pailharda  
An sa moulihié coumo d'uno estrangiéyro,  
S'el es un fol, elo mal maynatgiéyro.  
Car l'on vech be qu'es foro de rasou  
L'home que met lou foc en sa maysou  
Per so qu'el a la ribiéyro prép d'el:  
El mounstro be que n'a pas boun coussel.

*Mathely.*

N'abansats res an tals similitudos:  
De filhos cent o may n'éy counegudos,  
Amay las éy fachos dansa en salo,  
Ses ne sourti jamay cap d'escandalo.

*Aügié.*

So que diséts n'es pas caüso poussiblo.  
 Vous entendrets qu'éy troubat à la biblo,  
 Al Genézo, chapitre trento-quatre,  
 Dina, filho de Jacob, per s'esbattre  
 Tant soulamen anéc veze de filhos  
 A la terro de Chanaan fort gentillos :  
 Lou filh del rey de Sichem la troubéc,  
 Et lou mayssant et maübés la violéc.  
 Que deü-l-on fayre, à pus forto rasou,  
 A las que van foro de lour maysou  
 Dansa la néch, tant escarrabilhados?  
 Ieü éy gran peur que n'y agio d'estrillados,  
 Et d'aütro part, se la danso éro bouno,  
 Moyses jamay qu'éro santo persouno  
 El n'aürio fach jamay, de talo modo,  
 So qu'es escrich trento-dous à l'Exodo;  
 Car per despiéch las taülos ranberséc  
 Quant el saüguéc que soun poble danséc.  
 Et péys Thamar filho del rey Dabit,  
 Soun frayre Amon, miserable maüdit,  
 El la fourséc en fasen del malaüt.  
 Et que deü fayre un autre grand maraüt,  
 Quand las filhos lou van trouba la néch;  
 Tant per dansa que fadegia sul léch?  
 Et las filhos de Silo tant hounéstos  
 Se rejouyon en dansen per lous féstos;  
 Mas en dansan tant grandos que petitos  
 Fouroun presós per aquels bengiamitos,

Hélas! moun Diou, que fan aquelos sotos  
Fennos, filhos, que van segui las botos!  
Diou me garde que ieü nou fous tan sot.

*Mathely.*

Hélas! Aügié, que vous éts fort debot!  
Si m'a-l'-on dich que jougats del viouloune,  
Eh, moun amic, que sera aysso doune?

*Aügié.*

Que vouléts-vous? et s'un home fa mal  
N'es la questiou de fa tout-jour aytal;  
Car del dansa noun sort que tout doumatge;  
Que sio vertat: veséts un boun passatge:  
Herodes féc un soupa en sa maysou;  
Lou boun Sant-Jan éro dins la prisou,  
Et la gaüдино Herodias sa pailhardo  
A sa filho féc dansa uno gailhardo,  
Que del plase que lou rey y prenguéc,  
A la filho d'Herodias diguéc:  
« Demando-me tout so que tu voudras,  
Ieü te juri que cértos tu l'aüras. »  
Sa mayre dis: « Péys que tan bou li sap,  
Demando-li de Baptisto lou cap. »  
So qu'elo féc, et lou rey ben marrit;  
Mas lou maübés et mal-hurous maüdit,  
Per nou falsa soun mayssan ségromen,  
A soun bourréü el féc coumandomen  
Qu'en la prisou lou cap anés coupa  
Del boun Sant-Jan, debant de nou soupa,

So qu'el bourréü el féc incountinen,  
 Et lou poutéc dins un plat prountomen.  
 Que m'en diséts, Mathely, quantis mals  
 Els soun sourtits de dansos et de bals?  
 Et d'aütro part, quino difficultat  
 Vous y troubats de veyre un fol et fat?  
 Se me diséts qu'a boun entendomen  
 Aquel que saüto al sou d'un esturmen,  
 Ieü dic que nou, sio jutge ou aboucat;  
 Car el n'es pas à un budél de cat,  
 Ni d'un violounc fach d'un albre salbatge,  
 Se l'home es fol, de lou fa veni satge.  
 Nous vesén be que de grans béstios sou,  
 Et de grans fols aquelis que dansou;  
 Car aprép qu'els an lour sadoul dansat  
 Et coumo fols foulegiat et susat,  
 Nou podou res moustra de so qu'an fach,  
 Et lou pus sot franciman ou gabach,  
 Menestayral ou aütre persounatge,  
 El moustrara tout-jour de soun oubratge.

*Mathely.*

Aquo d'aqui, Aügié, vesi be ieü?  
 Mas que bouléts? la nostro religiou  
 Cap de danso nou defen à persouno;  
 Car nous trouban en forse lox qu'es bouno,  
 (Mas ieü vesi que vous éts courroussat),  
 Et nous saben que Dabit a dansat,  
 Amay la sor de Moyses, la Mario;  
 Car ses aquo degus nou dansario:

Aquo trouban al quinze de l'Exodo.

*Aügié.*

Mathely, els dansabou d'aütro modo;  
 Car quant Mario et las filhos dansaboun,  
 Toutos en roun, un cantique cantaboun  
 Tout à l'hounour de Diou en jouïssanso;  
 Mas propromen aquo n'éro pas danso.  
 Vous me diséts que Dabit el danséc:  
 Perdounats-me, jamay el n'y penséc;  
 Car el nou féc sounque qualque cambado,  
 Estan jouyous d'uno talo journado.  
 L'arquo de Diou dabant el caminabo,  
 Et del gran gaüch lou noble rey saütabo.  
 Et sa moulihé Michol qu'abio boun béc,  
 Del rey Dabit alaros se truféc,  
 En se pensan qu'el rey agués dansat;  
 Car on tenio per un home insensat  
 Lou que dansabo al sou dels esturmens,  
 Et mespresat de toutos bounos gens. —  
 Platon, payen, el, en sa republico,  
 Descasséc be menestriés et musiquo,  
 Amay casséc toutis lous pasticiéz;  
 (Layssen aquels, elis nous fan mestiéz). —  
 Mas un aütre boun galan, Hipoclides,  
 Penséc abe la filho de Clistenes;  
 El danséc fort per éstre pla vengut;  
 Mas tan s'en fal que fous péys soustengut;  
 Car Clistenes l'estimec péys voulatge,  
 Et li diséc: « T'as saütat lou mariatge. » —

Et Cicero reprouché, al senat,  
 A Gabinus quant el abio dansat. —  
 Tiberius, de Roumo l'emperur,  
 Casséc lous bals quant noun ven que mal-hur,  
 So disio el, et grando seditiou,  
 A las fennos maübésos suspiciou. —  
 Solon amay Lycurgus cal pensa  
 Que per lous leys defendiou lou dansa;  
 Car lou dansa n'éro qu'uno soutiso,  
 So dision-els, et touto gourmandiso. —  
 Rabelés dis que sounurs d'esturmens,  
 N'an pas jamay las goutos à las dens:  
 Nou parlo pas countro las gens hounéstos,  
 Sounque d'aquels que van segui las féstos.

*Mathely.*

Helas! Aügié, que vous éts en couléro!  
 Éts-vous pus sant que noun pas un Homéro?  
 Qu'un cop de gens debant el dision mal  
 De la musiquo amay tambe del bal;  
 Mas el diséc que la danso es hounésto  
 Et la musiquo en uno houno fésto;  
 Et ieü, Aügié, nou podi pas pensa  
 Couci vous tant haïsséts lou dansa.

*Aügié.*

Sabéts per que? car lous bralles et voltos,  
 En caüso sou de forso de revoltos,  
 Et tal mestié, cértos, es fort damnable.  
 Péys d'aütro part qualque sot miserable

Que tout soun be nou bal pas une broquo,  
 Que lou couqui vous dira : « Toquo ! toquo ! »  
 Et péys d'acort nou soun toutis jamay ;  
 Car l'un dira qu'el vol un bralle gay ,  
 L'aütre dira qu'el vol un aütre sou.  
 Quant ieü éy vist lour fa de la fayssou ,  
 Vous éy quitat l'estat de fa dansa ,  
 Et me souy mes un paüce à rimassa :  
 Que l'estat es, so me semblo , pus noble ;  
 Car en riman faü rire forse poble ,  
 Et del dansa noun sourtis que debat.  
 Car quantis cox vous éts-vous atroubat ,  
 Qu'el vous calio quita lous esturmens  
 Per lous debats et per lous battomens ?  
 Mas touts aquels que mas rimos legissou ,  
 Petits et grans , toutis se rejouïssou.

*Mathely.*

Ieü pensabi que fousséts quelque fat ;  
 Mas grandomen ieü éy estat trufat.  
 Jamay un fat n'a fachio talo rimo ,  
 Pus fat que vous es lou que bou'n estimo.  
 Et me semblo qu'éts fort bouno creturo ,  
 Quant me parlats de la santo Escrituro ,  
 Et m'alegats de viéls authurs modérnos  
 Que defendoun d'ana per las tabérnos ,  
 Coumo per trop ieü m'éro acoustumat ;  
 Mas jamay pus nou seréy oubstinat.  
 Ieü m'amusabo à de grandis seignours  
 Qu'en lour maysou fan dansa tous lous jours...

*Aügié.*

He! Mathely, d'els nou cal pas parla  
 En mal ni be, layssen lous prou bala.  
 El me souben qu'en disio moun augiol,  
 Que quin dis be souben mentis pel col,  
 Et quin dis mal atambe n'es punit.  
 Layssan lous deunc, d'aquo nou siats marrit ;  
 Car souben els aymou may un lebrié  
 Que nou fan pas qualque fort boun oubrié.  
 Quant me diséts qu'elis fan be bala,  
 Et se fan mal, vouléts-vous lour sembla?  
 Nani, nani, n'agiats tant de caquet,  
 Cadun un jour pourtara soun paquet.  
 L'on dis léü-mens que s'un nega se vol,  
 Qu'el nou cal pas qu'un aütre sio tan fol.  
 Per mor de Diou quitats aquel estat,  
 Car ieü vous éy asséz amounestat.


*Mathely.*

Lou meü, Aügié, tout aquo fach sera  
 Jamay per mi degus nou dansara. (\*)

(\*) Nous ne croyons pas devoir reproduire les quatre vers qui suivent dans l'édition du BANQUET. Auger-Gaillard les substitua à d'autres biffés par la censure de l'édition de LAS OBROS, et dans lesquels Mathelin disait :


..... Tout moun be ieü m'en vaü arrenda,  
 A Diou del céel vous van recoumanda,  
 Et se Diou play, quant ayan pax ou tréve,  
 Ieü quant et quant me vaü muda à Genévo, etc.





## A MOUSSUR DE LA ROQUO-BOUILHAC,

*Countro un que li diséc que ieü abio mal parlat  
d'el et de moussur DE SAINT-GÉRY (\*).*





SE per esprouba l'or, mounseignour de la Roquo,  
On lou va rapourta sur la péyro de toquo,  
Ses se voule fiza de soun tin ou del sou,  
Aytal debiats-vous fa d'aquel maübéz garsou  
Que vous a dich, Moussur, que quelque caüso féri  
De vous et vostre filh mounseignour de Saint-Géry.  
El me semblo, Moussur, que vous et vostre filh  
Nou debiats pas aytal vous fiza à soun babilh,  
Ses regarda puléü s'el fasio bounos obros,  
Noun pas à soun babilh, car el n'a trop de sobros.  
El meouldrio cousta cent escuts del soulel,  
Que ieü pousqués, Moussur, sabe qual es aquel.  
O que péys ieü serio foro d'uno gran peno!  
Qualques-uns m'an be dich que deü éstre Terreno,  
Per so quant ieü li féri attrapa soun bestial:  
S'el abio fach aquo, el aürio fach fort mal.

(\*) La branche de l'ancienne maison de la Roque-Bouillac qui possédait le château de Saint-Géry sur le Tarn, entre Rabastens et Lisle, s'éteignit le 1er mai 1737, en la personne de Giles de St.-Géry, gouverneur de Rabastens en 1710, fils de Louis de la Roque-Bouillac de St.-Géry, baron de Loupiac. Ils furent enterrés l'un et l'autre dans la chapelle du St.-Esprit de l'église des Cordeliers de Rabastens.

Mas ieü nou cresi pas qu'el fés talo fadeso ;  
Car el sap quel bestial éro de bouno preso ,  
Quan nou voulguéc jamay paga countribucieü ;  
Per tal d'aquo d'aqui lou li prenguéri ieü.  
Se d'aquo me vol mal , li partis be de glorio ;  
Ieü li féri tourna lou bestial à sa borio ,  
Per so qu'el me mandéc que voulio countrubi ,  
Et péys ieü lou plangio quant nou poudio crubi.  
Qu'el agio fach aquo ieü nou podi pas creyre ;  
Car ieü creyrrio puléü que lous rats mangiou veyre.  
Aquel qu'a fach aquo es qualque sot babard  
Que li sap mal quant vous aymats Aügié Gaillard.  
O que ieü trazi mal quant nou me volou dire  
Qual es aquel mentur , per lou garda de rire !  
Ieü lou metrio en poun que lous que lou veyriou ,  
Encaros que plouréssou , incountinen ririou.  
Ieü li trayriou lous éls et coupario lou bras ,  
Et li derregario de la caro lou nas ;  
Encaros ieü vouldrio derrega-li la lenguo ,  
Et li dirio : « Mayssant , el cal que te soubenguo  
De la cansou qu'as fachio aytal de mous amix ,  
Ieü te deürio douna tres o quatre cent pix.  
Se moussur de la Roquo el fous estat voulatge ,  
Tu l'as mes en cami per me fa qualque aütratge. »  
Mas que jamay ieü n'éy pouscut sabe qual es ;  
Et vous prégui , Moussur , que vous nou eregiats ges  
Que ieü fous ta mayssan d'abe facho la rimo.  
Ieü nou souy pas tan fat , coumo aquel sot m'estimo ,  
De voule fa cansou ni rimo countro vous ,  
Ni countro vostre filh , be serio mal-hurous ;

Car tout-jour la maysou m'es estado dubérto;  
Et quant la vostro taïlo éro fort pla cubérto,  
Vous me fasiats veni per me fayre mangia,  
Et vous creyriats que ieü vous anéts aütratgia?  
Nou cresi pas que vous agiats un tal couratge  
De creyre que jamay ieü féz un tal oubratge.  
Jamay nou diréy mal de gens que m'an fach be,  
Aytal que vous a dich qualqu'un que nou val re.  
Mas aquel es trop fat per vous o fayre encreyre,  
Et me trigo, Moussur, couro vous ane veyre;  
Mas ieü nou gaüzi ges, lou tens es dangiayrous:  
L'on m'a dich quel païs es tout ple de layrous,  
Et péys qualqu'un m'a dich que lou paüre Terreno  
El se met touts lous jours dedins uno gareno,  
Et me demoro là, so disou, tout soulet,  
Armat d'uno salado amay d'un courselet.  
Per aquo tardi tant de vous ana vese;  
S'el me sentio endourmit, me fario desplase,  
Coumbe que li tournéri à el tout soun bestial;  
Mas que vouléts? Moussur, el me vol un gran mal.  
Encaros que l'édit tout mal el aboulisquo,  
D'aquo meouldra mal, so dis-el, tant qu'el visquo.  
Et per aquo m'es greü aytal, coumo vous die,  
De vous ana trouba quant el m'es ennemic;  
Mas nou souy pas ieü d'el: ieü li fario serbici,  
S'el troubabo enfangat; mas el a maübés vici  
De s'ana soubeni d'un cas de si lounc-tens.  
Ieü n'éy cap d'ennemic sounque el à Rabastens





### A MOUSSUR DE SANT-GÉRY (\*),


*De so que moussur Iou lou borgnhe li diguéc que  
AUGIÉ abio fachio ladito cansou, et lou  
mayssan capela l'abio fachio.*



MONSEIGNOUR de St-Géry, iéü souy un paüe marrit  
Countro aquel moussur Iou, borgnhe, vilén pouyrit,  
Qu'a fachio la cansou et dis que iéü l'éy fachio.  
Per que vous atendats an aquel mal m'agachio.  
Vous sabéts so qu'el es, el a degia lounc-tens,  
Et lou poultroun dis mal d'Aügié de Rabastens,  
El vous a dich que iéü blasouni la noublesso :  
En disen mal de mi, lou paure sot se pesso  
Que toutis nous pensen qu'el sio quelque home sant;  
Mas coumo lou mounard a fach aquel mayssant,  
Que quant el vol braga demounstro las bergougnhos;  
Aytal a fach aquest' tout remplit de mensoungnhos.  
El pensabo de nous mounstra quelque santat ;  
Mas el a descubért la sio mayssansetat.  
Un yoü qu'es corroumput, se dins l'aygo on lou rounso,  
Nado tout-jour dessus, et s'el es bou s'enfounso,


(\*) Georges de la Roque-Bouillac St-Géry, fils de Flotard, chevalier de l'ordre du roi et gentilhomme de sa chambre.

Aytal es lou boun home, el es humble en lous mouts,  
 Et lou courroumput vol babardegia sur touts.  
 De la cansou qu'el dis, Mounseignour de Sant-Géry,  
 Creyre nou lou debéts; car jamay ni penséri.  
 Amay poudéts be dire an aquelo bestiasso  
 Que me voulio figua en vostro malo grasso:  
 « Tu dises mal d'Aügié qu'es fort home de be,  
 Et ieü sabi que tu jamay n'as valgut re. »  
 Lou gendre de Bardi, se vous lou poudéts veyre,  
 Vous dira qu'es vertat, se nou m'en vouléts creyre,  
 Que la couzut déx cox o may dins un lensol,  
 Que lou fasio crida may que noun pas un fol.  
 Tout-jour el a menado uno mayssanto vido,  
 Mas aros on lou pot estrilha ses la brido.




### A MONSIEUR MAISTRE JEAN TABOET

*Seigneur des Oches, conseiller et advocat du Roy  
 au seneschal et siège présidial du Mans.*



TOUTIS vestres parens de Montalba m'an dich  
 Que grandomen aymats lous pouéts qu'an escrich,  
 Amay toutis aquels que se maylou d'escrivoire.  
 Ha! Moussur moun amic, vous meritats de vioure  
 Milhou que quelques uns que leur sap ta gran mal,  
 Quant lou rima nou layssi et m'attendi al trebal.  
 Per vous dire vertat, ieü souy de paüro rasso,  
 Que quant abén la pax jogui de la pigasso;

Mas que l'on m'a panats toutis mous ferromens,  
 Talomen que despéys qu'abén guérro et turmens,  
 N'éy pas agut mouyén de releba boutiguo.  
 En lec de me carga d'aquo d'aqui fatiguo,  
 Me souy mes à rima per gazagna l'escut,  
 Amay, quand tout es dich, per éstre counescut;  
 Car quant ieü travailhabo an d'aquelo pigasso,  
 Ieü n'éro counescut que de la poupulasso,  
 Per so que tal mestié n'éro que pel pagez;  
 Mas aros on nou sap ni noble ni bourgez  
 Qu'el n'agio gran desir d'abe ma counoyssenso,  
 Amay si voli ana, me faran la despenso :  
 Que per aquo sap mal à quelques fantastix ,  
 Quan vezou qu'en riman éy acquérit amix.  
 Vous me faséts bremba del dire de Diogenes,  
 Amay del filosofo appellat Antistenes :  
 Elis an dich que tant valdrio de tout peri  
 S'on nou laysso quicon debant que de mourir.  
 Talos gens, so disou, ressembloun à las béstios  
 Se debant de mourir nou fan caüsos hounéstios,  
 Afi qu'aprèp leur mort se parle tout-jour d'els.  
 Et per aquo, Moussur, vous aymats tous aquels  
 Quan layssou quelque caüso aban qu'elis mourisquou,  
 Afi qu'on parle d'els tant que lous homes visquou.  
 Que sera fi, Moussur, ieü be vous aymi fort,  
 Quant aymats tous aquels que parlou aprèp leur mort.





## RESPOUNSO D'UNO DOUMAYSÉLLO

*A un seü amoureux, que li mandéc qu'elo se trufabo  
de sa barbo griso.*



MOUN amoureux, ieü souy fort en fatiguo  
D'uno caüso; ieü cal que lo vous diguo :  
Disou qu'éy dich que n'es pas de deviso  
Vostro barbo per so quant es trop griso.

Se ieü l'éy dich, fourniéro l'on me fasso,  
Et que lou nas que porti à la fasso  
El fous tan gros coumo uno grosso pero  
Et que fous fach de burre o de cero.

Se ieü l'éy dich, qu'uno lébre ieü fousso,  
Et déx lebriés me bailléssou la couosso,  
Al miéch d'un cam de milo sestayrados,  
Ses un bouyssou, sounque tout en arados.

Se ieü l'éy dich, que ieü fous capitany  
De cent fennos vestidos de fustany,  
Et ieü calgués que los metéz de renguo  
Et garda los de boulega la lenguo.

Se ieü l'éy dich, que ieü sio uno poulo,  
Que déx regats me trobou touto soulo

Dedins un prat tournegat de muraillos,  
Et l'on m'agués coupados las dos alos.

Se ieü l'éy dich, que ieü fous uno pinto  
De boun vi blanc de rasins de Corinto,  
Qu'on me bailhés, à faüto d'aütre méstre,  
A Peluffet (\*) per ésse moun sequéstre.

Se ieü l'éy dich, que ieü sio pla cargado  
An miéch quintal de poudro de Grenado;  
Vous me metats lou foc à la culasso  
An vostre nas qu'es fach de bouno grasso

Se ieü l'éy dich, quant ieü sio maridado,  
Lou meü marit el me tenguo embrassado  
Touto la néch dedins quelque bél linge,  
Et qu'el fourés ta couoti coumo un cinge.


(\*) REQUÉSTO A MESSUS LOUS MAGISTRATS PER PELUFFET  
QU'ÉRO EMBRIAYC, ET DISIO MAL D'ELS.

Gaillard, pour obtenir à ce pauvre diable la permission de rentrer à Montauban, sans être fouetté, cita aux juges une réponse de Pyrrhus à celui qui lui conseillait d'exiler un moqueur.

Pyrrhus dîséc : « Aquo nou cal pas fa ;  
El val be may layssa lou pla truïa  
Aycis an nous : s'el trasiam de la vilo ,  
S'o sabéts cent , péys o saüriou cent milo. »


(LAS OBRAS.)





## DOUS HUITENS

*Qu'abio mez AUGIÉ GAILLARD à la fi de soun  
libre gras.*




Lous batelurs quant jogou quelque farso,  
A fi de joc, per douna passo-tens,  
Dizou de mouts per couloura lour salso,  
Que fan rire toutis lous assistens.  
Aytal a fach Aügié de Rabastens;  
Car à la fi, coumo vous entendrets,  
A mez un mout per vous rendre countens,  
Qu'en lou ligen vous lecarets lous dets.

*Aütre huiten per la fi.*

A Salbagnac, se metéc dins lou léch  
Un qu'on noumo capitani Vilado,  
Et se lebéc aprép la miégio néch  
De peur qu'abio qu'on dounéz l'escalado.  
Péys el cridéc : « Porto-me l'agulhado :  
Dins lou foussat vezi quelque poultroun. »  
Coumo voulguéc tira la pistoulado,  
Fouréc un porc que mangiabo un est.....





## L'AUTHEUR

*Démonstre icy pourquoy il appelloit le second livre ,  
le livre gras.*



LECTEURS, il me souvient qu'une fois un boucher  
Fit tuer un bœuf maigre et le fit escorcher,  
Pour le vendre, s'entend, dedans la boucherie;  
Mais à la fin cuida d'estre en grand' fascherie,  
Pource que la moitié demeura sur ses bras;  
Mais le mauvais garçon fit occir un bœuf gras,  
Et qui vouloit du gras, du maigre il fallait prendre,  
Et son bœuf maigre ainsi il acheva de vendre.  
Or j'ay esté contraint de faire comme il fit,  
Non pas pour m'en mocquer, sinon pour mon profit.  
Je n'ay tué de bœuf, comme luy, ni de vache;  
Je ne suis point boucher, mais je veux que l'on sçache  
Qu'au fait de traffiquer ne suis point diligent.  
Il a tautost trois ans que j'avoy de l'argent,  
Non pas dix mille escus, je n'avais que cent livres  
(\*)


Qui aimeront cecy plus que choses honnestes.

Hippocrates, Galien, Dioscoride ont dit :

« Les bestes paistre il faut selon leur appétit. »


(\*) Une lacune de quatre vers existe ici dans toutes les éditions connues du BANQUET, même dans celle de S. Ribardière, Paris, 1583, la moins incorrecte et la plus ancienne, où elle se trouve entre le dernier vers d'un recto et le premier d'un verso. (Voy. note de la p. 142.)

Quant mon homme entendit mes raisons et mon dire,  
 Il cogneut que mon cas je sçauroy bien conduire.  
 Ce qu'ay fait, Dieu merci, non pas du tout vendus,  
 J'en avais douze cens, encore j'en ay deux.  
 Mais cestui-cy j'ay fait pour achever de vendre;  
 Qui de ceux-cy voudra des autres luy faut prendre.  
 Tout exprès je l'ay fait, comme l'on voit, tout neuf,  
 Comme fit le boucher quand tua son gras bœuf,  
 Mais il n'en baillait point qui ne prenoit du pire.  
 Et pour cela, lecteurs, à tous je vous veux dire,  
 Que je n'entends de vendre en chose de ceux-cy,  
 Que des livres premiers il n'en achète aussi;  
 C'est la cause pourquoy le livre gras s'appelle  
 Autre comparaison ne sçavoy de plus belle.



### LOU GRAN-MERCES

*D'un arquet d'un violounc à un noumat*  
 SACQUABOUTO (\*).




SACQUABOUTO, gran-merces de l'arquet  
 Que m'abéts dat per lou meü rebequet,

(\*) Sacquebute était un ménétrier de Moissac, que les lauriers d'A. Gail-  
 lard empêchaient sans doute de dormir et qui répondait en vers aux lettres de  
 son confrère. Lou Roudié lui dit, par dérision, dans *LAS OBROS* :

..... Jamais onc ne trouvay si sçavant  
 Poète que vous, pour un fils de Moissac;  
 Adieu vous di; je suis au fond du sac.

O pel vioulounc, per tal que ieü nou mento;  
Mas tout es un per souna la courrento.  
El es vertat que lou vioulounc val may  
Per fredouna qualque boün bralle gay;  
Aquo s'enten, mas qu'on ou saügués fa  
Et qu'on sapiés canta ut, re, mi, fa;  
Mas quant à mi, moun amic Sacquabouto,  
De musiquo nou sabi cap de gouto.  
O lou mayssant et mal-hurous mestié,  
So me semblo, que d'être menestrié!  
Que sio vertat, se vous veséts de gens  
Dansa de loun, ses aüsi d'esturmens,  
Et que dansou coumo fan dins lous sols,  
Qual nou dirio que nou sou venguts fols?  
Et d'aütro part, quant dansoun à un bal,  
La mage part pensou toutis en mal.  
Ieü éro un jour qu'el y abio uno gaüdino  
Que me fasio jouga la serpentino;  
En tout que ieü n'éro loun à déx passes;  
Que devou fa quant las tenou pels brasses?  
Que las baysou et lour tastou las poupos?  
N'es pas aquo metre foc à d'estoupos?  
Per aquo ieü n'y voli ana touqua;  
Car ieü vézi qu'ayci me fan pequa;  
Mas per aquo nou m'es pas oublidat  
De vous paga l'arquet que m'abéts dat,  
O per lou mens, coumo la caüso es justo,  
Per ne fa un ieü vous mandi de fusto.  
Ieü vous mandi un poulit essirmen  
Que sera bél s'es blaüguelat d'argen.

Et péys lou chuq que sort de l'essirmen  
 Vous lou troubats, so me disou, pimen.  
 Et ieü tambe nou trazi pas coustié:  
 Que per aquo éy quitat lou mestié  
 De fa rodos, car encaros m'en doly,  
 Ieü mangiabo tout-jour lous caüls an d'oly;  
 Ares despéys mangi la soupo grasso  
 An lou viouloune milhou qu'an la pigasso.  
 Se lounc-tens a ieü nou l'agués quitado,  
 Elo m'aürio quelque cambo coupado;  
 Car per ta pla ni sagiomen que féz,  
 Souben elo me pignavo lous péz.  
 Per aquo ieü n'éy que fa d'elo dounc:  
 Ieü aïmi may cent cox lou meü viouloune;  
 En caüso m'es que souy fort pla vestit  
 Et fort souben me fa mangia roustit.




A MOUSSUR LOU VISCONTE DE PANAT,


*De so que AUGIÉ a fach soun libre tant petit.*



EL me play be, Moussur, que bous siats abertit  
 Qu'es la caüso per que moun libre es tan petit.  
 De rimos ieü abio per fa-lou pus espes;  
 Mas brullados las éy, creignant d'éstre repres.  
 Uno coumparasou vous diréy, se vous play:  
 Et n'abéts-vous pas visto uno pilo jamay,


Fort grando dins lou sol quant on l'abio amountado,  
 Et petito venio quant éro pla ventado ?  
 Aytal es moun libret aros que l'éy ventat,  
 Demesit, s'es, Moussur, may que de per mitat.  
 Encaros ieü debio, per lou rendre pus bél,  
 Purga-lou qualque cop an qualque boun crubél.  
 Ieü ne souy pus marrit que s'abio un cop de daguo,  
 Quant nou l'éy netegat de touto la viraguo;  
 Mas vous m'escusarets, quant el es de la sorto,  
 Re pus nou s'y pot fa, lou terradou so porto.  
 Ieü souy coumo lou cam que n'es pla labourat,  
 Qu'el jétto may d'hérbo que noun pas de boun blat.  
 Ieü disi la vertat, nou souy ges ypoucrito,  
 Coumo d'aütres troumpurs que countrefan l'harmito.  
 Socrates disio pla, disen d'aquesto sorto :  
 « Naturo debio fa, disio-el, uno porto  
 A l'estoumac de l'home, o fenéstro petito,  
 Per tal de counoyse quant on es ypoucrito. »  
 Se soun dire éro aytal, per aquata lours faütos,  
 La mitat de las gens caminariou de paütos;  
 Mas nou fario pas ieü, sounque courba m'un paüc,  
 Per tal qu'on nou viguéz moun cor per aquel traüc.  
 Que serbis de menti et fa de l'home satge ?  
 Cicero dis fort pla que lous éls et visatge,  
 Et la lenguo tambe, mentou lou pus souben.  
 Que sera fi, Moussur. Se faséts testamen  
 Dounats me vostre be, lou meü vous dounaréy  
 Si ieü mory purmié; vostre, tan que viouréy.





## AL REY DE NABARRO,

*Quant el venguéc al país de Quarcy per fa accourda  
la pax.*



NOBLE Rey de Nabarro, aqeste boun país  
Quant vous éts arribat fort el se resjouis,  
Amay ieü que jamay beléü nou pouyriats creyre;  
Car quant à mi m'an dich que vous nous veniats veyre,  
Ieü me souy mez à fa so que veséts ayçi,  
Per so que l'on m'a dich qu'entendéts lou Quarcy.  
Siro, ayçi vous veyrets uno grand' demounstranso  
Per vous fa vioure en pax an nostre Rey de Franso:  
Coumbe que tout sabéts milo cox may que mi;  
Mas souben lous flatur fans pecca lou cami.  
Vous éts Rey de Nabarro, el de Franso et Poulougno;  
La deviso del duc Philipos de Bourgougno  
Es un fusil, louqual countro uno péyro bat  
Quant sort de foc, vouten dire qu'un grand debat  
El nou fa pas bél vese entre dous valens princes  
Que per guérro souben se rouynou et se fan minces.  
Siro, dounc per aquo lou mounde vouldrio fort  
Que Diou del céel quel pot vous metés touts d'acort.  
Lou Rey de Franso et vous seriats foro de peno  
Se n'érou quelques uns que lou mal-hur lous meno,  
Que se plazou à mangia la poulo sul pagez,  
Et se la pax abiam nou la mangiarion gez.

Que cent ans à morts foussou amay touto lour rasso !  
Nou sabou pas lou mal quel païre mounde passo.  
Se l'on vol escouta lou dich d'aquels flaturs,  
Els disou que del mal nou sou pas lous aüturs,  
Et que las armos els nou vous mandou pas prene.  
Els me fan soubeni d'un mal-hurous mounseigne,  
Que dedins sa mayssou el tenio fort boun trinc,  
Et tout-jour de baylets el abio quatre o cinq ;  
Mas lou maübés garsou per tout el se vantabo  
Que jamay à vaylet coungiét el nou dounabo ;  
Mas el lous tourmentabo et lour fasio lou pire,  
Que touts érou counstrens de lou prene ses dire.  
Aytal aquels troumpurs que cérquoun sedicion  
Elis à toutis dous vous dounou l'oucasiou,  
Per vous metre d'acort de reprene la lanso.  
Que mal-hur sus aquels que perturbou la Franso !  
Ieü éy troubat qu'al tens de l'emperur Zenon,  
Que lous Perses roumpérou uno pax , se dis-on,  
Que lous Rouméns abiou amb'elis acourdado ;  
Mas lous Perses troumpurs l'aguérou leü trincado.  
Surprene lous Rouméns voulguérou et l'estendart  
Qu'y pengiabo la pax, mas b'aguérou lour part.  
Lous Rouméns finomen abiou fach uno fosso,  
Lant dels Persos dedins toubéc touto lour forsso.  
Lou rey et sous efaus touts y fourou atrapats :  
Tant pla lour estasio quant roumperou la pax ;  
Car Procopius dis qu'uno pax outragiado  
Un jour à l'endarrié elo sera vengiado.  
Lous que guérro desirou nou sou que de babarts  
Et lour ne prendra un jour coum' als tres cens raynarts

Quant à trabés dels blats lou foc elis pourtérou  
Dels paüres Philistins; mas elis se brullérou,  
Coumo vouliou brulla lous blats dels Philistins.  
Aytal ne prendra un jour an aquelis mutins.

Els o counoyssou be; mas el y a de canailho  
Que me fan ressembla uno péyro de dailho  
Qu'elo mangio la dailho et tout so qu'enluisis;  
Mas la péyro atambe elo se demesis.

Aytal fan touts aquels que desirou la guérro,  
Cado cop on ne vech tounba qualqu'un per téro,  
Et Diou del céel voudra que las maübézos gens  
Toutis purmiés que vous toumbaran del despens.  
Platon dis qu'un arquié que soun arc bandat tiro  
Countro uno péyro duro, à el tourno la viro:  
Aytal vendra lou mal à l'encountre d'aquels,  
Que lou bourréü un jour lour coupara lous pels,  
Que jamay pus n'aüran besoun de se fa toundre.  
Lous que vous voulou mal ne fan que se marfoundre,  
Per so que Diou del céel d'elis vous defendra  
Et vostres enemix toutis lous counfoundra;  
Car vous nou demandats countro degus vengianso,  
Sounque de vioure en pax an nostre Rey de Franso.  
Diou li fasquo la grassio à el amay à vous  
Que loungomen en pax pouscats vioure touts dous;  
Car de lant es la pax Diou del céel y habito,  
Mas nou fa pas de lant es la guérro maüdito.  
An la guérro on deraübo et on uzo de foc.  
Lous capelas s'en van, qu'on nou lous trobo en loc,  
On mespreso las leys sacrados et divinos;  
Al pagez ses paga l'on mangio las galinos,

Amay souben el cal qu'el quitte soun labour.  
 Las filhos d'aütro part l'on met en des-hounour,  
 Et las pax que l'oun fa nou valou pas gran soumo.  
 Fasén aros coumo lou tens passat à Roumo,  
 Coumo on dis que fasiou, n'érou jamay troumpats;  
 Car quant elis vouliou acourda uno pax,  
 Lou que n'abio la cargo, al mitan d'uno plasso,  
 En presenso dels grans et de la pouplasso,  
 Qu'entre petits et grans érou may du milié,  
 Fasio legi l'édit, et péys à un pilié  
 Estaquabo uno tréjo et d'uno grosso péyro  
 L'assoumabo, disen : « En d'aquesto maniéyro,  
 Coumo an aquesto tréjo à mi m'en prengo aytal,  
 Si en d'aquest' afayre ieü pensi en degun mal. »  
 Ieü vouldrio de boun cor que féssou aytal en Franso,  
 Lous que trayrou la pax o be la counferanso;  
 Car quant elis veyriou mouri la tréjo aytal;  
 Beléü péys crentariou de mouri d'aquel mal,  
 Car ieü plangi lou Rey de Franso et de Poulounio,  
 Amay vous que tout-jour vous cal éstre en besounio  
 Per petassa la pax qu'abéts facho touts dous,  
 Diou merces lous troumpurs et toutis lous layrous.  
 Per aquo tout aysso ieü éy voulgut escrioure,  
 Afi qu'en bouno pax nous fasquats toutis vioure.  
 Et faréy fi, moun Siro; ieü souy Aügié Gaillard  
 Qu'al tens passat ieü éro aprentis de Rounsard;  
 Mas n'y vaü aros pus, car mudat me souy aros  
 An moussur del Bartas qu'el milhou dis encaros,  
 Cértos, so me semblo, que Rounsard nou fa pas.  
 S'un tesseyre sabent nou fa que d'estoupas,


N'es pas presat coumo lou que fa telo primo.  
Ieü dic be que Rounsard es fort sabent en rimo ;  
Mas nou m'agrado gez so qu'el a fach ni dich ,  
Per so que seloun Diou el n'a pas fort esrich ,  
Et si a be del Bartas , que l'estimi pus satge.  
Per aquo ieü amb'el faü moun aprendissatge  
Et l'on counoyssera qu'el m'a mez en cami ,  
Que degus n'aüra loc de se trufa de mi.  
Despéys que souy amb'el souy asséz boun rimayre ;  
Tout es que ieü agués per paga l'emprimayre.  
Et sabéts quant me cal ? noun pas que cinq testous.  
Ieü vous empruntario , mas que souy trop hountous  
De lous me fa douna ; car aquo n'es pas gayre ;  
Mas ieü nou gaüsi pas quant nou souy boun rimayre.  
Beléü fariats aytal qu'Alexandro lou grant  
Que dounéc milo escuts à un pouéto ignorant  
Per tal que jamay pus nou coumpaüsés en rimo.  
Ieü estimario aquo may que ma legitimo ;  
Mas n'éy troubat degus per me fa be ni mal ,  
M'agio dounat jamay la valenso d'un rial ,  
Sounque vous , un an a , quant vous déri uno rimo ,  
Que vous coumandérets à un que trop s'estimo ,  
Que me baylés à mi vint escuts del soulel ;  
Mas lou maübéz garsou lous se gardéc per el.  
Et per aquo ieü faü coumo féc lou meü payre ,  
Que dins Tarn un lensol l'y toumbéc, n'a pas gayre ,  
Et n'y traguéc un aütre , afi de trouba aquel ,  
Que péys dedins un clot troubéc tout lou parel.  
Per aquo dounc éy fach touto aquesto rimo aros  
Per tal de recruba so que perdéri alaros.


En pregan Diou del céel que vous garde de mal  
Et que tout-jour agiats d'escuts uno semal.



## SIMILITUDO AL REY DE NABARRO.

SIRO, ieü éy troubat dins sant Jan un passatge  
Que m'a poussat de vous escrioure dabantatge.  
Sant Péyre et sant Thoumas lour filat els rounsérou  
Dins la mar fort souben, que res els n'abansérou ;  
Et quant nou preniou res els se fachiabou fort.  
Mas sul jour Jesus-Christ el se troubéc sul bort,  
Et lour diséc an els, d'une talo fayssou :  
« Hola ! diguats efans, abéts cap de peyssou ? » —  
« Helas ! so dision-els, nou n'abén pas cap vist ! » —  
« Tirats un aütre cop, so diséc Jésus-Christ,  
Devérs lou coustat drech de la vostro gabarro. »  
Mas l'Escrituro dis, noble Rey de Nabarro,  
Quels paüres ne prenguérrou aquel cop miéché vayssél,  
S'enten per lou vouler de nostre Diou del céel.  
Per aquo vous, moun Rey, qu'entendéts pla rasou,  
Vous entendrets fort léü talo coumparasou.  
Coumo tiréroun els estan dins la nasséello,  
Ieü éy tirat aytal dins la vostro escarcéello,  
D'uno rimo o be dos per abe qualque escut ;  
Mas, Siro, de dous tratz ieü n'éy jamay pouscut.  
Si faréy be beléü aros an d'aquest' trach,  
Se m'en dounats qualqu'un, diréy qu'abéts pla fach.





### A MOUSSUR DE LA CAZO.



MOUSSUR, el a lounc-tens que ieü éro amoureux  
 D'uno doumaysélo, be la counoysséts vous.  
 Vous sabéts qualo es amay couci s'appélo,  
 Amay ieü la troubabo hounésto doumaysélo;  
 Mas soun hounéstetat nou m'a serbit de rez;  
 Car elo m'a quitat, et un aütre n'a prez.  
 Diou merces quelques fats que la m'an subournado,  
 Car jamay aütromen nou me serio escapado.  
 Que ta fats soun aquels que li an counseilhat!  
 Elo me troubabo fort escarrabilhat;  
 Mas, coumo vous sabéts, lou mounde n'es que lenguo  
 Et nou se pot teni de parla, qual que venguo.  
 Per so que m'a quitat souy estat fort marrit  
 Et souy pensat mourir, mas aros souy guarit.  
 Plutarquo dis que l'home el n'es pas trop mal satge,  
 Quand del mal de qualqu'un fa soun aprendissatge.  
 Ieü vesi forse gens que perdou lou cabal,  
 Que lous paüres prenou passensio de leur mal.  
 Regardats un oulié s'el se fachio bouci  
 Quand roump un aürinaï toubant de sul rouci?

Mas el pren passensio , quant el serio uno oulo.  
 Un pagez , s'el busac lin porto qualquo poulo ,  
 Lou païre per aquo nou s'en douno pas rez.  
 Vela touts lous merchans desquals ieü éy aprez  
 De nou me fachia pus , ni d'engendra tristesso ,  
 Per la pérdo que faü de madito mestresso.  
 Et péys d'aütres aüturs , que valou be may qu'els ,  
 Per nou la plange pus , me dounou bous coussels.  
 Ieü me counsoli fort del dire de Plutarquo  
 Quant el dis que la fenno et la cocho et la barquo  
 Acabados jamay nou sou pas de garni!  
 Platon dis : « Qu'es aquel lou qual pouyrio fourni  
 D'acoumpli lous desirs d'uno fenno gloriouso ?  
 Noun pas tout lou velous et sati de Toulouso.  
 De so que Codrus dis el n'y a per enratgia :  
 Que la fenno et lou foc jamay nou disou ja.  
 Solon dis be quel foc , et fennos amoureuxos ,  
 Et la mar , els sou tres caüsos fort dangiarousos.  
 D'aquelis filosofos ieü sabi quantitat ,  
 Qu'en disou milo mals , nou sabi s'es vertat ,  
 Son lous tey per suspéts. Parlen de Marc-Aurélo ,  
 Emperadou tant satge et de grando cerbélo.  
 Sous parens d'el un jour vouliou prene coussel  
 Per marida sa filho , et que lour diséc-el ?  
 « Antonius Pius me prenguéc per soun gendre  
 El a deja siéz ans ; mas el vous cal entendre  
 Qu'el me troumpéc à mi , coumo veyrets tantos ;  
 Car en petito carn me dounéc forse d'os.  
 Pius éro soun noun , tan pietadous el éro ,  
 Nou fouréc pas an mi ; car cent cox en couléro

La sio filho m'a mes, ses deguno rasou,  
 Et cent cox per soun bruch m'a trach de la maysou. »  
 Aquelo sa moulié s'apelabo Faüstino :  
 Vous entendrets que féc la viléno mastino :  
 Elo d'un escrimayre amourouso venguéc,  
 Et de la grant amour souben cor-faliguéc,  
 Del gran desir qu'abio d'ana dourmi d'amb'el ;  
 Mas lou boun Marc-Aurélo el demandéc coussel,  
 Couci la sio moulié d'aquo pouyrío gueri :  
 Un medeci diséc : « El vous cal fa mourí  
 Aquel escrimayre que tant elo caresso,  
 Et péys el cal trouba quelque bélo finesso  
 De li fa beüre un paüc del sang pur d'aquel mort,  
 Et n'agiats peur que péys elo l'ayme tant fort. »  
 Tout aquo fouréc fach et fouréc léü guerido ;  
 Mas al paüre escrimayre elo coustéc la vido.  
 Jamay reyno nou posque aytal me fabouri !  
 Per tal que péys lou rey nou me féssou mourí.  
 S'ieü o sabio, debant que passa dabant elos,  
 Ieü me farío coupa toutos las dos aüreillos,  
 Amay se trop calio la mitat de moun nas,  
 Per tal qu'elos de mi nou s'amouréssou pas.  
 Mas beléü perdrio tens de fa talo trafiquo.  
 Plino dis que l'amour n'agachio lant se fiquo,  
 An de fennos, s'enten, que nou fan coumo cal.  
 De las fennos de be ieü nou disi pas mal ;  
 Car aquellos meritou un petit d'éstre aymados,  
 Coumbe que Drusac dis que soun clar semenados.  
 Quin home éro Drusac, qu'en diguo tant de mal ?  
 Lou mayssant los blaymio toutos en general.


Las obros (\*) d'un mentur ieü n'éy que fa de veyre.  
 Sabéts-vous qual aütur ieü gaüzario be creyre?  
 Un boun home, que l'on appelabo Catulo,  
 Dis qu'uno bouno fenno et uno bouno mulo  
 Et uno bouno crabo, el a escrich qu'el sap  
 Qu'auquo soun animals qu'an un fort maübéz cap. —  
 Lou dich d'Iponates nou trobi pas fort satge :  
 Qu'el n'y a que dous jours de bous en maridatge.  
 « Lou jour de las nossos es un des bous, so dis,  
 Et l'aütre péys aprép quant la fenno mouris. »  
 « Morto, dis-el, la béstio, et morto es la ratgio. »  
 Mas ieü cresi qu'el dis de la fenno mal satgio.  
 « L'home, dis, per la fenno es tout-jour turmentat ;  
 Mas quant la fenno mort, sort de captivitat. »  
 A prepaüs de Drusac, el éro de Toulouse:  
 Qui lou creyra, jamay n'aüra cap d'amourouso,  
 Soun libre mal-hurous on deürio fa brula;  
 Mas ieü éy fach ayssso per tal de counsoula  
 Moun paüre cor transit et ma paüro cerbélo,  
 Del mal que m'a dounat aquelo doumaysélo.  
 L'on vech qu'un medeci un malaüt abandouno  
 Quant el nou pot gueri ; mas péys quelque persouno

(\*) « LES CONTROVERSES des sexes masculins et féminins, par GRATIAN DU PONT, escuyer, seigneur de Drusac, lieutenant layc en la sénéchaussée de Toulouse. » — Tolose 1534, in-fol. goth. « Le plus ennuyeux et le plus sot livre possible, mais fort rare, » dit M. le marquis de Castellane dans son intéressant catalogue de l'imprimerie à Toulouse. Ces satyres de Drusac contre les femmes eurent beaucoup de retentissement et soulevèrent une violente polémique. L'année suivante parut à Toulouse, « LE FORT BASTON de madame Vérité, pour châtier male bouche à tous mal disans des dames », et en 1564, « L'ANTI-DRUSAC, ou livret contre Drusac, en l'honneur des femmes nobles, bonnes et honnestes. »

Ven per lou counsoula , s'el es un paüe apres ,  
 Et li dis cado cop , qu'aquest' mounde n'es res ;  
 Que péyssos lou malaüt el nou vouldrio pus vioure.  
 Per aquo tals aüturs els an pla fach d'escrïoure  
 De las fennos lou mal , per counsoula lous fats  
 Que d'amour , coumo mi , lous paüres sou coufats.  
 Mas ieü vous prégui fort de creyre , à la pareillo ,  
 Qu'els sou caüso que ieü n'éy aros que fa d'elo.  
 Si aüra b'elo de mi , ieü souy gentil golon ,  
 Amay dira coumo la moulié de Philon ,  
 Debant que sio lounc-tens , en despiéçh qu'elo n'agio.  
 La moulié de Philon l'on sap qu'éro fort satgio ,  
 Et , selon so qu'on dis , nou bragabo pas trop.  
 Ieü éy troubat qu'un jour li diséroun un cop ,  
 Qualo éro la räsou per que d'aur nou pourtabo  
 Lou jour de las féstos , et perque nou bragabo ;  
 Mas elo respoundéc anaquel satgiomen :  
 « La vertu del marit me sért de paromen. »  
 Aytal aürio pouscut dire un jour ma mestresso.  
 En mi a de vertuts cent cox may qu'on nou pesso.  
 Caminéri un cop pla ; car en anan à Caur ,  
 Ieü prenguéri un aniél per un prat cors à cors ,  
 Et péys tiri prou be , quant cal , de l'arquabouzo.  
 L'on vous dira qu'un jour , en venen de Toulouzo ,  
 De cinq passés o siéz ieü traüquéri un lensol.  
 S'el n'es vertat , Moussur , qu'on me coupe lou col ;  
 Car lou traüquéri ieü de may de quatre passes  
 An dos balos dedins , qu'el calguéc dous petasses ,  
 Et d'éstre espasassiou es moun purmiér estat.  
 Un jour à un falot tiréri pel coustat ;


Que l'espazo d'intréc touto daquio la gardo  
Et péys, un aütre jour, d'un gran cop d'alabardo,  
Traüquéri dins un cop un grand cartié de l'art  
Que la poucho sourtio dous pans de l'aütro part.  
Mas n'abansario res de vous dire ma sensio,  
Péysque nou m'a voulgut me cal prene passensio;  
Mas ieü nou podi gez del gran mal que me sap,  
Et péys ieü vesi be que noun troubaréy cap  
Que me velgo prene; car las fennos et filhos  
Se pensaran que ieü n'agio pus mas houydilhos;  
Quant elos entendran que m'a quitat aytal,  
El sera be forse que de mi digou mal.  
Se de mi disiou mal, quant ieü o posquo entendre,  
Elos faran be prou de se poude defendre;  
Car ieü lour tournario las peros dins lou sac,  
Noun pas beléü ta pla coumo fario Drusac;  
Mas beléü si fario, se maridat ieü éro.  
Per tal d'aquo me cal apaysa ma couléro.  
Ieü crébi de despiéch del gran mal que me sap,  
Et péys nou podi pas tira-lo me del cap.  
Per me gueri d'aquo, uno m'en cal trouba,  
D'aütre remédi ieü nou saürio pas trouba,  
Et direts qu'es vertat, entenden ma rasou:  
Dedins Buzet un cop ieü éro en garnisou,  
An forse de souldats, qu'éren en tens de guérro;  
Qualque mal me nasquét à la mio gaüto esquérro,  
Que de la gran doulour, ieü nou dourmio bouci;  
Mas que diriats que féc un paüre medeci?  
El me diséc à mi que quan vouldrio ana à sélo,  
Que moulguez forse d'al dedins uno escudélo,

Et que metés al quioul, ses o dire à degus,  
 Que péys moun mal de gaüto el nou me doulrio pus.  
 De fa so qu'el diséc ieü n'y féri pas faüto ;  
 Mas be diséc vertat, que lou mal de la gaüto  
 Nou me doulguéc pas pus ; mas ieü al léch tout soul  
 Cridabo néch et jour, coumo un fol : « Ay lou quioul ! »



### A MOUSSUR DEL BARTAS ,

*De so que quelques uns lou devarisérou, et del be qu'es  
 vengut à AUGIÉ, per abe estudiant, seguen  
 lou coussel dedit DEL BARTAS.*




MOUSSUR, ieü souy marrit de so qu'éy entendut:  
 L'on dis qu'aquesto guérro abéts bél-cop perdut,  
 Et qu'on vous a panats lous roussis et bagatge,  
 Et menat prisounié per vous pourta doumatge  
 O per n'abe beléü quelque bouno ransou.  
 Se ieü lous couneyssio ne fario uno cansou ;  
 Car aquelis prenurs els nou sou que de béstios  
 D'ana debariza las persounos hounéstios.  
 Se me disiats quals sou lour labario lou cap.  
 Ieü crébi de despiéch del gran mal que me sap,  
 Quant elis vous an fach un ta vilén aütratge.  
 Et jamay anaquels vous n'abéts fach doumatge.  
 Aros voulguéz lou rey d'aquelis vous vengia !  
 Alexandro lou grant lous aürio fach pengia.

Me coustés-el un rial que fourés viou encaro !  
Ieü éy vist so qu'el féc per lou pouëto Pindaro ;  
Quan la vilo de Thébo el metéc al pilhatge,  
El coumandéc que l'on nou l'y fés pas doumatge.  
Et sabéts-vous perque féc tal coumandomen ?  
Per so qu'el un rimayre aymabo grandomen ;  
Mas aros nous abém forso de gens en Franso  
Que crébou de despiéch quant un pouëto s'abanso.  
En loc de nous douna quelque soumo d'argen,  
On es debarizat per de mayssanto gen.  
Ieü me meti del renc, coumbe que souy lou mendre,  
Et sabéts-vous perque ? car el vous cal entendre  
Que ieü souy mal voulgut atampla coumo vous.  
El es vertat, Moussur, que jamay lous layrous  
Nou m'an pas pres à mi mas hardos ni mounturos,  
Coumo féroun à vous de mayssantos creturos,  
Gran mercez que nou n'éy, que se n'aguéts aguts,  
Panats be lous m'aürian quan valdriou milo escuts ;  
Mas que de lant n'a res lou rey n'a pas de taïlho.  
Couratge dounc, Moussur, car aquelo canailho  
Elis fort paüromen vous an debarizat.  
Mas per aquo lour noun n'an pas etérnizat,  
Coumo abéts-vous lou vöstre, en vostros escrituros,  
Et tout mal be per be : car aquellos mounturos  
Vous pouyran fa gagnha quicom que valdra may.  
Et cal be que cregiats, moun amic, se vous play,  
Que se mous enemix o quelque poupulasso  
Nou m'aguéssou panado aytal la mio pigasso,  
Que jamay ieü en rimo escrich nou n'aürio pas ;  
Mas aros la pigasso ieü nou la plangi pas ;

Car elo paüromen tout-jour me fasio vioure  
 Et despéyssos aquo me souy mes à escrioure,  
 Et vous éy coumpaüsats de libres un parel  
 Que m'an fort pla valgut cent escuts del soulel.  
 Dins aquest' libre éy mes que lou rey de Nabarro  
 Me dounéc vint escuts, n'a pas dous ans encaro.  
 Moussur de Mounbetou a be fach aütromen :  
 El es caüso fort pla de moun remountomen.  
 Per so que mas obros à el y dediados,  
 De térrro me dounéc may de déx sestayrados.  
 Qualque sot me dira que n'es pas térrro fort.  
 Helas! ieü amay el s'en toutis plâ d'acort.  
 Et péys dedins sa térrro uno bordo éy croumpado,  
 Que la rendo que fa per tout-jour m'a dounado.  
 Résto que ieü estimi aquo que m'a dat el,  
 Que val pla, per lou mens, cent escuts del soulel.  
 Et se la mio pigasso on nou m'agués panado,  
 Ieü serio ta paüret coumo à l'acoustumado;  
 Què per aquo, Moussur, ieü vous faüc assabe,  
 Qu'aytal la pérdo vostro elo vendra per be.  
 Coumo ieü m'amusabo an la mebo pigasso,  
 Aytal vous perdiats tens touts lous jours à la cassa.  
 Quant abiats lous roucis, féstos et jours oubriéz  
 Nou fasiats que cassa an lous vestres lebriéz;  
 Mas aros estudiats quant n'abéts las mounturos,  
 Qu'abéts fachios despéys de bélos escrituros  
 Que vous valdran un jour may de milo ducats.  
 Per aquo, s'el vous play, nou vous embaïsquats;  
 Nou regrettez gez pus la pérdo qu'abéts fachio.  
 Ieü vesi be, Moussur, qu'aquo d'aqui vous fachio,


Per so que lous roucis abéts aytal perduts :  
Atambe lous layrous seran un jour perduts,  
Et nous viouren tout-jour en despiéché dels jalouses :  
Lous que nous volou mal, els sou de caütelouses.  
So que me rejouis es qu'un home d'esprit  
Es tout-jour mal voulgut; et Plutarquo a escrit  
En sas Poletiquos un mout que lou vaü dire :  
Els dis quels Atheniens troubéroun à redire  
En lour Simonido quant parlabo trop naït;  
Aqui li troubabou, so disiou, gran defaüt.  
La mal-hurouso gen de Thébos se fachiabo  
De Paniculo quant trop souben el crachiabo.  
Lous Lacedemoniens risiou de Licurgus  
Quant bayssabo lou cap may que noun pas degus.  
Lou poble des Rouméns de Scipion se mouquabo,  
Disiou que quan dourmio, que trop naït el rounquabo.  
Lous Utiquos disiou que Caton fasio trop  
Quant de cado coustat el mangiabo en un cop.  
Lou tens passat Pompéc incibil l'on troubabo,  
Per so que d'un soul det tout-jour el se gratabo.  
Countro Julius-Cesar lou mounde éro fachiat,  
Et disiou que jamay el n'éro pla einchiat;  
Et la pus grando part del país de Carthage  
Troubabou qu'Annibal n'éro pas bouci satge;  
Per so que tout-jour el mounstrabo l'estoumac,  
Aquelis fats disiou qu'el n'éro qu'un flaügnac.  
O qu'el es mal aysat d'éstre à la bouno grasso  
De las maübésos gens, per ta pla que l'on fasso!  
Mas nous, s'el play à Diou, coumo dessus éy dich,  
Farem parla de nous an' so qu'abém escrigh.

Despéyssos qu'éy quittat moun estat de fa rodos,  
 El se parlo de mi jusquos las Antipodos.  
 Quicom deü fa de vous qu'éts estat à Paris ?  
 Que ieü jamay nou souy sourtit de moun païs,  
 Et se parlo de mi, so m'an dich, en Poulougno;  
 En tout que, selon vous, faü de paüro besougno.  
 Que sera fi, Moussur, aysso serio trop lounc,  
 Demourats-me, ieü vaü cerqua lou meü vioulounc.  
 Et péys ieü sounaréy un adiou de sourtido :  
 Pregan lou Diou del céel vous douna loungo vido,  
 Et que jamay lous qu'an vostres roucis panats,  
 Nou fasquou que dansa que noul's agiou tournats.





### ÉPITAPHE

*Pour mettre sur le tombeau d'AUGIÉ, après sa mort.*



Cy-gist Augié qu'on regrette bien fort;  
 Car il rimoit mieux que nul de sa race,  
 Et sa maistresse est cause de sa mort :  
 Que maintenant elle fust en sa place.





## AUGIÉ

*Trametéc cerqua un flascou de vi aquo de moussur de  
DARIAT, et li enseniéc coussi li caldrío dire  
se lou fachiabo, et AUGIÉ li diséc :*



HÉLAS! flascon, vay-t'en dire à moussur Dariat  
Qu'el paüre Aügié Gaillard es un paüc alterat;  
Noun per abe mangiat cambagiou de Bayouno,  
Ny may arens salats, ni sardos de Boulounio,  
Ny per éstre fachat per qualque gran proucsés,  
Mas que darriéyromen ieü féri grand axcés;  
Que beguéri tout soul tres carts de vi ses aiguo,  
Et un cart tout soulet, so li diras, m'embriayguo :  
Et que despéyssos ieü per éstre trop gouläüt,  
Ey éstat douce jours dins lou liéch fort malaüt.  
Et que nou cregio pas que d'ayso ieü mentisquo ;  
Car ieü nou trobi res que lou set m'esquantisquo :  
Et me souy assagiat per esquanti lou set  
De mangia de fourmatge amay de fougasset.  
Beléü el te dira : « Aügié Gaillard se troumpo ;  
L'on dis qu'el a d'argen, per qu'el de vi nou croumpo? »  
Alaros respoundras : « Hélas! moussur Dariat,  
Lou paüre Aügié n'a pas qu'un escut apariat,  
Et de lou descambia grandomen el se fachio,  
Per tal que lou paüret de pulén el se trachio

Que se lou mal qu'el a li duro lounguomen  
 Aquel escut meteüs li fara grandomen.  
 Et s'el te dis à tu : Qu'un flascou gros me mando,  
 Qu'el ten pla pel segur may que ma cruguo grando.  
 « Bay-t'en, so dira-el, dire anaquel Gaillard,  
 Que mande, s'el se vol, quelque flascou d'un cart. »  
 S'el dis aquo, diras que sabes uno filho  
 Qu'estan nudo n'es pas pus grosso qu'uno enguilho,  
 Mas quant cargado s'es sa raübo empelissado  
 Péyssos on dirio qu'es uno fenno engroussado,  
 Et se me vesiat mi que fous tout nud aytal,  
 Diriat que nou souy pas pus gros qu'un aürinal;  
 Mas que l'acoutromen que porti de la pailho,  
 Me fa pare pus gros qu'un ventre de cavailho ;  
 Per aquo dounc, Moussur, nou me troubets fachous,  
 Car ieü nou teni pas may que de tres pouchous.  
 « Tu tenes may de cinq, mas per tal qu'on t'emplisquo  
 Aquo ny fa pas mal encaros qu'on mentisquo. »  
 Péys dira al bouteilhé que t'emplene de bi,  
 S'enten, so dira-el, d'aquel que ieü bebi ;  
 Car Aügié Gaillard es tout-jour éstat des nostres  
 Et porto soun vioulounc ayçi quant abén hostes;  
 Et péys hounéstomen d'el tu prendras coungét,  
 Li disen : « A Diou-siat, ieü souy vostre soutgét,  
 Amay ieü, so diras, lou seréy tant que visquo,  
 Mas que soun vi lou set que ieü éy m'esquantisquo.



## AUGIÉ


*Tournée manda al cap d'un mes lou flascou à madoumayséllo DE DARIAT, per so quel mayssan flascou li abio begut lou vi.*

HELAS! Madoumayséllo, hélas! n'es pas-el trop,  
 Quel flascou m'a begut lou vi que l'aütre cop  
 Me trametéc Moussur, quant ieü éro malaüte.  
 Et ieü per l'estalbia ne fasio croumpa d'aütre,  
 Per tal que ieü voullo fa d'aquel de vi quéch;  
 Et quant l'éy voulgut fa, ieü l'éy troubat tout béch.  
 Talomen que jamay ieü nou poudio pas creyre  
 Qu'el l'aguésso begut, vesen qu'el es de veyre;  
 Car ieü pensabo pla qu'on lou m'agués trinquat.  
 Mas quant éy vist quel jas n'éro ges ataquat,  
 Me souy dich: « Begut-la, trop es caüso seguro. »  
 Péys el m'a soubengut, el a facho frescuro,  
 Beléü el s'es jalat; el te cal assagia  
 De fa lou calfa fort per tal del fa ratgia;  
 Car el m'anéc bremba de qualque candeliéyro  
 Que voulguéc fa ratgia d'oli d'uno oulibiéyro;  
 De jamay nou pouguéc fa lo ratgia d'en loc,  
 D'aquio qu'elo l'aguéc fort calfado sul foc.  
 Pensabo quel flascou el fés d'aquelo sorto,  
 Que s'es pensat brulla l'acoutromen qu'el porto;

Mas jamay per calfa n'a pas voulgut ratgia,  
 Que quant éy vist aquo souy pensat enratgia  
 Et l'éy pensat murtri d'un gran cop de coutélo;  
 Mas péys me souy pensat que vous, Madoumaysélo,  
 Lou me fariats empli d'aquel vi del filiôl,  
 Et que nou vouldriats pas que ieü fourés ta fol,  
 Que per un paüc de vi, ieü fourés ta mal satge,  
 De lou voule trinquâ ni may fa li doumatge.  
 Debant de lou trinquâ ieü lou vous éy trames,  
 Et me semblo que ieü d'un gran poun me souy mes,  
 De nou lou trinquâ pas, mas de lou vous tramette.  
 S'el me fasets empli, ieü vous podi proumettre  
 Que tout incoutinen quel flascou sio vengut,  
 Ieü li diréy : « Poultreun, l'aütre vi m'as begut,  
 Mas nou me beüras pas lou de Madoumaysélo,  
 Car ieü lou figuaréy dins uno aütro vayssélo.

On se deü countenta quant on a fach soun floç :  
 Mas entendrets perque tourni tant en un loc.  
 Un jour oun me rendio dins aquo de Lartiguo,  
 Un venguéc per cerqua de lum en sa boutiguo,  
 Et quant el n'aguéc pres, péyssos el s'en anéc.  
 Al cap d'un paüc de tens lou paüre retournéc,  
 Et li diséc : « Moussur, la candélo m'es morto,  
 Aytal coumo vouldio dintra dedins ma porto :  
 Tout-jour, so diséc-el, ieü vous douni fatiguo. »  
 « Prenéts, prenéts-ne may, li respoundéc Lartiguo. »  
 Et quant ieü lou vesio qu'éro tan liberal,  
 Me souy amagenat que vous seriatz aytal,  
 Que me mandariatz may del vi del filioulatge  
 O del qu'abéts traüquat per ne fa l'asouliatge.

Mas se me trametétz d'aquel vi cla poulit,  
 Ieü ni mandaréy pus qu'aquel nou sio falit.  
 Et ieü pregaréy Diou quel filioli cent ans visquo  
 Et que vous et lous seüs tout-jour el rejoisquo.



## A MOUSSUR


LOU FIL DE MOUSSUR DE DARIAT,

*De so quel vi cla abio fach veni rouge lou nas  
 d'AUGIÉ.*



## SOUNET.

MOUSSUR, el a tantos un mes o dabantatge,  
 Que de vostre vi cla beguéri moun sadoul.  
 Un flascou m'en dounéc vostre payre tout soul  
 Et vostro moulihié un que m'a fach gran doumatge;  
 Car el m'a fach veni lou nas de moun visatge  
 Ta rouge que diriats qu'es quelque grato-quioul.  
 Mas un cop un souldat assieguéc un gros poul  
 Et lou feséc plouma quant fouréc al vilatge;  
 Qu'estant ploumat fouréc rouge còumo de sang;  
 Mas el lou féc laba an forso de vi blanc  
 Que péys el benguéc blanc coumo de lach de crabo,  
 Et per fa retourna moun nas en sa coulour  
 Ieü vous vouldrio prega de me fa tant d'haünour  
 De me da del vi blanc qu'abéts en vostro cabo.



## A MOUSSUR JEAN,

*Que disio que lous sasis li sourtissiou del visatge  
quant bebio de vi.*



## SOUNET.


Moussur Jean, vous diséts que lous vostres sasis,  
En beben de boun vi vous sortou pel visatge :  
Ieü vous prégui be doune de prene boun couratge,  
Car nous lous troumparen s'els fan aquo d'aquis.

El vous cal countinua de beüre de hous vis,  
Despéys que toutis sortou en prenen tal beüratge,  
Et mangia forse pebre et soupos al fourmatge;  
Per vous gueri d'aquo nou cal pas medecis.

Lous vostres medecis sou de mayssanto gen,  
Qu'en loc de vous gueri vous derraübou l'argen.  
El nou cal fa re pus, sounque barra la porto;

Quant touts serân sourtits del visatge et del froun,  
S'enten barra la gorgio an qualque gros coudoun,  
Et lous atraparem toutis d'aquelo sorto.





## A MOUSSUR DE DARIAT ,

*De so qu'on li disio qu'AUGIÉ nou sabio pas parla.*




CALQUES fats vous an dich, Moussur, à vostre houstal ,  
 Quin plaze vous preniatz à me coubida aytal,  
 Per so que jamay ieü estan à vostro taïlo  
 Nou diséry jamay uno soulo paraülo.  
 Ah! lous grans fats que soun aquels que vous l'an dich!  
 Ieü lour voli prouba ayci per moun esrich,  
 Qu'un home paraülous jamay nou fourée satge.  
 Ieü éy troubat, Moussur, en un certén passatge  
 Qu'un paraülous tout-jour el vol tout lou caquet,  
 Et péys dis mal d'aütru quant es en un banquet.  
 L'home que parlo trop es mentur et vantayre,  
 Per aquo ieü, Moussur, nou gaüsi parla gayre.  
 Lous Lacedemoniens se presabou bél-cop,  
 Per so que jamay els nou parlabou pas trop :  
 Lou rey Philip à els féc fa uno demando,  
 Qu'el voulio en lour païs passa an touto sa bando,  
 Et qu'els li mandéssou s'el vouliou per amic  
 O be s'elis vouliou qu'el passés-enemic.  
 Leur respounso fouréc: « Noun pas, en cap de sorto. »  
 Lou rey Artaxerxes abio uno armado forto  
 Et leur mandéc que touts el lous voulio aüci;  
 Mas els nou li mandérou à el sinou que: « Si. »

Per aquel mout de *si* li daboun à entendre,  
 Obe, se pot; car nous pensan de nous defendre.  
 Un aütre jour aprép lou païs dels Samiens  
 Mandéc uno embassado als Lacedemoniens  
 Et parlérou lounc-tens, debant lour assemblado,  
 Que péys lour fouréc dich : « Nous abén oublidado  
 La purmiéyro caüso de tout so qu'abéts dich,  
 Vostre dire es trop lounc, bailhats lou per esrich. »  
 Péys éy troubat qu'un jour quelque persouno soto  
 Féc un fort lounc discours al debant d'Aristoto,  
 Talomen qu'aquel sot el counoguéc fort pla  
 Qu'el éro estat un paüc trop lounc en soun parla,  
 Et demandéc perdou de tout lou seü lengatge,  
 Creiniant d'abe fachat Aristoto tant satge.  
 Aristoto diséc : « Tu n'as pas oucasieü  
 De demanda perdou à mi d'aquo; car ieü  
 Nou pensabo bouci en tout sot badinatge. »  
 Aquel dich d'Aristoto el m'a fach un paüc satge,  
 Que despéys ieü parla gayre nou gaüsi gez,  
 De crento que ieü éy qu'on nou m'escoute gez.  
 Encaros vous diréy uno aütre caüso antiquo,  
 Dels que mettérou à mort lou boun poëto Liviquo.  
 Coumo lou mourtrissiou, el regardéc al cél  
 Et viguéc passa naüt de gruos un troupél,  
 A lasqualos cridéc : « L'on me fa grant aütratge,  
 Mas d'aysso vous un jour pourtarets tesmouniatge. »  
 Aprép sa mort jamay degus el nou saüguéc  
 Qual murtrié pouguéc éstre aquel que l'aüsiguéc,  
 Jusquos un fort lounc-tens qu'on fasio quelque fésto  
 Et soulennitat dins uno maysou campéstro :

Lous que l'avieu murtrit els se troubérou là  
 Et de gruos en l'ayre un d'els viguéc voula,  
 Péys à soun coumpagniou el diséc qu'el vesio  
 Aquels testimonis que Liviquo disio,  
 Quant elis dous als cams lou metéroun à mort.  
 Mas aquel que parléc, cridéc un païc trop fort,  
 Car un se troubéc là pus prép qu'el nou pensabo,  
 Que de so qu'el disio el fort lou sounsounabo,  
 Et péys el s'en anéc per fa metre en escrich  
 Als magistrats de là so qu'aqueli abio dich;  
 Que per fayre pus court, toutis dous fourou preses  
 Et coufessérou tout, et péys els fourou meses  
 A las mas d'un bourréü et lous férou estrangla,  
 Qu'encaros seriou vious, se nou fous trop parla.  
 Et péys Plutarquo dis dedins sas poletiquos  
 Que lous que parlou tant semblou bégios barriquos  
 Que tindou bél-cop may quant n'an pas re dedins.  
 Celo coumparasou baylo an d'aquels badins.  
 Philosopho Zenon dedins soun escrituro:  
 « Dos aüreilhos, so dis, nous a dados naturo,  
 Uno soulo lenguo de peur que parlen trop  
 Et las dos aüreilhos per escouta bél-cop. »  
 Si voli ieü parla encaros dabantatge,  
 De so que dis Plutarquo en un aütre passatge:  
 El dis que lous que parlou aytal trop touts aquels  
 Deüriou hanta de gens pus grans que noun pas els,  
 S'enten en dignitats, noun pas de courpulenso;  
 Car els aprendriou là, so dis, de fa silenso,  
 De hounto qu'els aüriou de lour gran dignitat  
 Amay aüriou respét de la lour grabitat.

Ieü vesi que soun dire el es pla veritable,  
 Que d'hanta gens d'hounour lour serio proufitable.  
 Ieü éy hantat de grans atampla coumo cap,  
 Et m'y souy fort nouyrit, coumo lou mounde sap.  
 Frequentat éy marchans, gens de court et bourgeses  
 Et gens de tous estats amay forso pageses;  
 Mas quant an talos gens ieü éro en lour banquet,  
 El me calio tout-jour à mi tout lou caquet;  
 Mas ieü aros despéys que vaü an la noublesso  
 Ieü vous dic que ma lenguo elo s'es fachio blesso,  
 Que quant souy an las gens nou sabi dire mout,  
 Et se lous hanti gayre ieü vendréy mut de tout.  
 La mio lenguo a ta mal coumo moun arquabouse  
 Que quant ieü noun faü res, elo se fa rouilhouse,  
 En tout que fort souben ma lenguo an de bous vis  
 La labi, mas aquo de re nou li serbis.  
 Quin esturmen que sio, se degus nou ne souno,  
 D'un an o d'un lounc tens, fort paüc péys el rasouno.  
 Ieü éy un boun vioulounc qu'en souni qualque paüc,  
 Mas s'el esta lounc tens ses souna, se fa raüc.  
 Et per aquo, Moussur, tout aquelo canailho  
 Que nou fan que parla, ses dire re que vailho,  
 Deürion esta déx ans ses parla, per lou mens,  
 Et perdriou lou crida coumo lous esturmens. —  
 Archimidas diséc que jamay de sa vido,  
 La lenguo qu'el abio nou s'éro repentido  
 Ni may el, so disio, per se éstre aqualat,  
 Mas si féc be souben per abe trop parlat.  
 Aytal voli ieü dire an aquel babilhayre  
 Que vous a dich que ieü n'éro pas bél parlayre.

Degus nou parlario per trop, s'on me cresio,  
 Mas que ieü disi coumo Euripido disio :  
 « La mio lenguo n'es pas d'aquelos affilados,  
 Per gazoulia debant de grandos assemblados :  
 Mas an petit troupél dels que nou bragou trop,  
 A debiza d'amb'els aqui vali bél-cop :  
 Car aquel que sap pla al grat d'un pople dire,  
 Es troubat fort souben entre satges lou pire. (1) »



### A TOUTS LOUS QUE SE FACHOU

*Quant Augié va aquo de Moussur DE DARIAT.*



### SOUNET.

JAMAY nou me veyriats jouga de la pigasso  
 A l'encountre dels ourms ni countro lous garrix,  
 Se dedins Montalba ieü abio forso amix,  
 Coumo moussur Dariat, que, quant y vaü, m'embrasso.


(\*) Ces vers de la tragédie d'Hypolite, d'Euripide, cités par Plutarque (Œuvres Morales t. I. ch. I.) sont rendus en vers français dans la traduction de Jacques Amyot. Auger Gaillard a traduit ces derniers presque mot à mot. Le texte français porte :

« Langue je n'ay diserte et affilée,  
 Pour haranguer devant une assemblée :  
 Mais en petit nombre de mes égaux,  
 C'est là où plus à deviser je vaux :  
 Car qui sçait mieux au gré d'un peuple dire,  
 Est bien souvent entre sages le pire. »

Il nous semble qu'en passant en langue albigeoise ces vers ont acquis beaucoup plus de grâce et d'harmonie.

Cent cox m'a fach mangia d'amb'el la poulo grasso  
 Amay cent aütres cox pastisses et perlix,  
 Que per aquo sap mal à quelques fantastix  
 Quant vesou que ieü souy à la sio bouno grasso.

O, quin amic ieü éy an moussur de Dariat!  
 Jamay à sa maysou ieü n'y trobi feriat  
 Hastes et cafouyéy tots lous jours y travailhou.  
 Diou del céel lou mantengo et lous de soun houstal,  
 Que péyssos aprép el toutis pésquou fa aytal  
 Et que tant que viouran jamay bes nou lour failhou.



### L'ON MANDÉC A AUGIÉ

*Ana caüsi un melou al jardi, el entamenéc uno  
 vinteno.*



Nou sabéts pas aysso, Madoumaysélo,  
 Ieü éy routo beléü la peguarélo,  
 Et nou sabi couci me gouberna.  
 A Mounbetou nou gaüsi pas tourna,  
 Per so qu'on dis que Moussur el se facho,  
 D'uno caüso fado que ieü éy facho;  
 Mas ieü dirio que ieü n'éy pas de tort.  
 Darriéyromen el me mandéc à l'hort,  
 Per li caüsi un melou per dinna.  
 Despéys m'an dich que lou cal fouslina,

Que l'on counoys se soun bous an lou nas ,  
Aquo d'aqui jamay non creyrio pas ,  
Coumo féri éro lou pus segur ,  
Qui que diguo lou mounde , ni Moussur.  
Ieü tastéri de cadun un tailhou  
Per counoyse qual éro lou milhou ,  
Et se facho aros d'aquo d'aqui.  
Helas! moun Diou , parlem d'un tasto-vi,  
Quan vol caüsi de boun vi dins lou chay  
Qu'on regarde s'on lou veyra jamay  
Qu'el sentisquo las barriquos ni pipos ,  
Mas tant s'el fal , el es sadoul de tripos ;  
Et de cado pipo ne tray un veyre ,  
Car aütromen jamay nou vouldrio creyre  
Que loudit vi fousso bou ni gastat ,  
Ses lou traüca pel cap ou pel coustat.  
Un cousinié quant a fach un pastis ,  
Quant el es quéch couci el lou sentis ?  
Nou met pas el dedins lou traüc lou nas  
Delant el met la salso de l'agras ?  
Se l'on croumpo d'un merchant un fourmatge ,  
L'on estimo lou croumpadou mal satge  
Et un gran fol , se puléü nou lou tasto  
Per counoyse s'el es de bouno pasto ?  
Que sera fi d'ayso , Madoumayséllö ,  
Ieü vous prégui d'apaysa la querélo  
Que Moussur a à l'encountre de mi ,  
Car despéys ieü n'éy pouscut pla dourmi.





## A UN GENTILHOME

ET A SA DOUMAYSÉLLO,

*De so que lours efans se pourtabou mal, à caüso  
de lours nouyrissos lédos.*



MOUSSUR, vous éts en caüso amay Madoumayséllö  
Que lous vostres efans sou cargats de gratélo  
Et touts enraümassats que nou fan que touci :  
Mas vous n'éts touts en caüso, et sabéts-vous couci ?  
Vous aütres lour abéts de nouyrissos agudos,  
Las pus mal graciosos qu'on agio counegudos.  
Plino dis quels efans à lour coumensamen  
Lour nouyrisso trata lous deürio doussamen,  
Et quant nous abén set, vouldrian de bélos coupes,  
Amay lous efantets quelques poulidos poupos  
Que foussou petitos et blanquos coumo un yoü.  
Mas aquelos las an coumo unos léüs de bioü.  
Las ! quin plase pot prene aquel paüre maynatge  
Quant vesou desplega un tan horte carnatge ?  
Las ! quin be als efans pouyro fayre aquel lach  
Quan lou vezou sourti d'un estuch ta gabach ?  
Jamay els n'en poupat qu'els nou poupéssou en crento,  
Que per aquo lou mal lous petitets tourmento :  
Car de la peur lou lach encaros qu'el fous blanc,  
El ses tout courroumput et mes en maübés sang.

Per aquo vous deüriats segui toutos las troupos  
 Per d'aütros ne trouba qu' aguéssou belos poupos ;  
 Las lours viguéri yér negros et toutos piéls,  
 Que me pensérou fa regala lous budéls.  
 Helas! caüsisséts-ne qualqu'uno que sio bélo!  
 Vous caüsiriats be pla, mas que Madoumayséllô  
 Beléü nou vouldrio pas layssa la vous caüsi.  
 Helas! si fara be, s'elo me bol aüsi.  
 Li voli dire, ieü, que las nouyrissos folos  
 Nou cal pas als efans, ni may las poupos molos,  
 Et li diréy tabe qu'elo nou cregio pas  
 So que dis un camus per so qu'a petit nas :  
 Que quant calqu'un li dis : Tu n'as pas de nas gayre :  
 « Sabéts per que? dis-el, las poupos de ma mayre  
 Elos érou duros quant ieü poupabo trop ;  
 Car ses aquo moun nas serio coumo un esclop. »  
 Mas lou dich d'aquel fat nou cal pas qu'elo cregio ;  
 Car las poupos duros als efans fan embegio ;  
 Mas quant fraüsidos sou coumo quelque gabach,  
 Lous efans en regrét poupou tout-jour lou lach,  
 Qu'es la caüso per que lous paüres sou malaütes ;  
 Dioulour douno santat et bou'n doune un cent d'aütres.  
 A Diou vous dic, Moussur, d'ayci m'en cal ana,  
 Las nouyrissos an dich qu'el me cal escana,  
 O me volou fiqua d'arsenic dins las soupos,  
 Per so quan dis mal de lours groussiéros poupos.





REQUESTÉ AU CAPITAINE LA MOTTE,


*De ce qu'un sien soldat en posant la garde à Salvagnac, au Portail-Garel, blessa AUGIER à la jambe.*



Vous supplie humblement, Augié Gaillard, lequel  
 Auroit esté blessé prez du Portail-Garel,  
 Par un certain soldat de vostre compagnie,  
 Lequel pour se couvrir, maintenant le dénie,  
 Pour ce je croy qu'il craint d'encourir des-honneur,  
 En ayant transgressé l'édit du gouverneur,  
 Lequel dernièrement il fit faire une crie  
 De ne tirer en garde, à peine de la vie.  
 Hélas! je ne voudrois qu'on luy fist aucun tort  
 Et ne désire point que l'on le mette à mort,  
 Le tout est qu'il payast pour faire la despense.  
 Je ne demande point sur luy d'autre vengeance;  
 Mais de tirer bien droit on luy donne grand los,  
 Car bien peu s'en fallut qu'il ne me rompit l'os.  
 Et tout incontinent que j'eus ma playe veue  
 Devins palle, cuidant ma jambe estre rompue;  
 Mais dans la chair je n'ai que deux doigts de fendu,  
 Et qui me fasche plus, c'est qu'on m'a défendu  
 De ne boire de vin, ni de manger espisse,  
 Ni de fréquenter femme enceinte ni nourrisse.  
 Cela me fasche fort, pour vray, je vous assure,  
 Plus cinq cent mille fois que ne fait ma blessure.

Et puis, estant boiteux, tout à part moy j'avise  
 Que l'on dira : « Augié estoit-il à la prise  
 De la ville qu'il dit ? je voy qu'il est boiteux, »  
 C'est la cause pourquoy je suis si fort honteux.

Soit donc considéré que ledit soldat paye  
 Pour le moins le barbier qui a guéri la playe,  
 Que s'il ne le veut faire, on voit qu'il ne vaut rien :  
 Faites-le bien payer ; ce faisant, ferez bien.



### A UN GENTILHOME,


*De so que las galinos fasiou brabados à AUGIÉ,  
 quant fourén per la pax.*




MOUSSUR, à vous me recommandi,  
 Mas paüros noubélos vous mandí.  
 Ieü souy triste despéys la pax,  
 Et souy magre que nou creyrats.  
 Mas, d'uno part, n'es pas ses caüso,  
 Moun payre te petito taülo.  
 Helas ! Moussur, lou tens passat  
 Que ieü éro fort pla tratat !  
 Tout-jour moun sadoul de poulailho  
 Ses ne pagua denié ni mailho ;  
 Aros nou mangi à l'houstal  
 Que forse sebos et forse al,

Qu'es merebilhos que sio viou,  
 Car aquo es daboul digestiou.  
 Nou diréy pus mal de la guérro,  
 Car ieü y fasio bouno chéro,  
 Et l'on m'apelabo Moussur,  
 Aros l'on m'apélo troumpur.  
 Nou parli pas tant de las gens,  
 Ieü lous preni per inocens,  
 Mas tant soulamen las poulardos  
 Quant las tröbi me fan brabados.  
 Talomen que darriéyromen  
 Ne troubéri un regimen  
 Que pignavou per un coudért,  
 Mas ieü fouri léü descubért.  
 Me diséroun : « Holà, Augié,  
 Vous n'éts pas pus arquabousié. »  
 Ieü be marrit las regardabo,  
 Mas d'aütro part ieü me fachabo,  
 Quant vesio lour mayssansetat.  
 Jamay pus nou n'aüréy pietat.  
 Diséri al poul et à galinos :  
 « Tout-jour éts estados lanfrinos,  
 Mas beléü tournara lou tens  
 Que aürez mestiez de la gens. »  
 Elos disiou, de lour aüdasso :  
 « Augié, prenéts uno pigasso  
 Et pensats d'ana travailha,  
 Nou pensets pas d'ana pana;  
 Car lou coumun nous dis vertat,  
 Qui re nou fa nou *manducat.* »

Moussur, me penséri embahi  
 Quant las aüσιο parla lati,  
 Talomen que fouri counfus  
 Et nou lour diséri re pus.



### DE LA NAYSENSO DEL PETIT.



#### SOUNET.


IEU souy lou pus jouyous de la vostro nayssenso  
 Que de cap de petit que sio jamay nascut;  
 Car vostros gens m'an fach tout lou be qu'an pouscut,  
 Despéyssos que ieü éy d'elis lour counoyssenso.

Que per aquo petit moun entendomen penso  
 Que vous farets aytal quant m'agiats counouscut;  
 Quicon vous deürets fa s'un cop abéts crescut,  
 Que tout lach coumensats de me fa la despenso!

Car tout incoutinen que fouréts espelit,  
 Per tal de vous aguéri un presen fort poulit  
 D'un gran flascou de vi d'aquel del filioulatge.

Per aquo souy jouyous quant nascut vous éy vist,  
 Amay ieü vaü prega de boun cor Jesus-Christ  
 Qu'en gaüch m'en pouscatz da tant cent cox dabantatge.






## A MOUSSUR DE TREBAS,

*Gendre de Moussur de Mounbartié, per lou prega  
de veni à Mounbartié.*



TANTOS, Moussur, il y aüra may d'un mez,  
Que de veni aycis abiats proumez  
A Mounbartié veze vostre bél payre,  
Quant nou venéts, gran mal li faséts trayre.  
Vous li mandats quel tens es dangiayrous,  
Que pels camis a forso de layrous.  
Aquo d'aqui nou vous escuso pas,  
Car ieü sabi, Mounseignour de Trebas,  
Que lous layrous mal-hurouses, mayssans,  
Nou demandou sounque quelques marchans.  
Els an ta mal coumo lous mousquailhous  
Quel vi agre layssoun et van al dous.  
Per aquo dounc n'agiats pas crento d'els,  
Car vous tout soul n'aüciriats déx parels;  
Per so, Moussur, quel peccat lous accuso.  
Per aquo dounc nou troubats pas escuso,  
Mas bou'n venéts vese vostre bél payre  
Et sa moulihié, la vostro bélo mayre.  
Beléü crentats qu'elo sio courroussado  
Quant sa filho vous abéts engroussado?  
Helas! n'es pas; toutis n'an gran plaze

Et vous prégon que lous vengats veze ;  
 Car els an gaüch d'abe de vostro rasso,  
 Et péys, Moussur vous vol mena à la casso,  
 Per so qu'el dis que vous entendéts pla  
 En touto casso, amay la del singla.  
 Darriéyromen se vous, Moussur, amb'el  
 Fousséts estat, n'aüriats prez un parel,  
 Que n'aürian fach vint o trento pastisses,  
 Mas el n'abio amb'el que d'aprentisses,  
 Que quant vesion lou porc singla veni  
 Cado cop els pensabou estabani,  
 Coumbe quel porc n'abio pas de defenso,  
 Mas que vouléts ? Moussur, el pren passienso  
 Daquio que vous ayçi siats arribat ;  
 Venéts dounquos, veyrets un hél embat.



## A MOUSSUR

## LOU BAROU DE MOUNBARTIÉ,

*De so que soun payre menéc AUGIÉ à la casso  
 et fouréc fort bagniat de la plégio.*




MOUSSUR, ieü souy ayçi tout-jour an vostre payre,  
 Mas el me féc bagnha, n'a pas encaros gayre.  
 Un counte à moun regrét el cal que ieü vous fasso.  
 Dimenge, aprép dinna, me menéc à la casso,  
 Coumo partisian moun riste ieü pourtabo ;  
 Mas quant el me viguéc el de mi se trufabo,

Et me diséc : « Aügié, riste nou te cal gez,  
 N'agios pas peur de plégio, el nou plaüra d'un mez. »  
 Ieü fouri moussel fat, prenguéri soun coussel,  
 Me fizan qu'el saügués couro deü fa soulel,  
 Amay quant plaüre deü, quant es persouno antiquo.  
 Nou me fisi pus d'el ni de sa prounestiquo :  
 Car n'aguéren pas fach de cami léguo et miégio,  
 Que pensérem nega quasi toutis de plégio.  
 Si féren nous prou be quin tens que se fourés  
 Cinq lébres troubéren et ne prenguéren trés,  
 Et s'el n'agués plaügut, encaros ieü éy crento  
 Debant de nou'n tourna n'aguéren presos trento,  
 O quatre per lou mens; car las dos que pequéren,  
 En caüso fouri pla quant nous nou las prenguéren,  
 Et sabéts-vous per que? Elos d'uno tailhado  
 Sourtiguérou pel prat lén d'uno pistoulado.  
 Ieü tenio dous lebriés que me preguérou fort  
 Que lous layssés ana, que las metrion à mort,  
 Ieü lous laysséri ana à may de milo passes  
 Nou las prenguérou gez, per so qu'érou trop lasses;  
 Et péys el plouvio trop, las fanguos érou molos,  
 Mas las lébres fugiou coumo s'érou de folos.  
 Que vos? diséc Moussur, abansen doune cami;  
 Ieü counouyssio fort pla qu'el se risio de mi;  
 Car ieü vesio quant el qualque borio troubabo  
 En loc de mi mena tout-jour el s'aleniabo;  
 S'el se fousso voulgut, el se fous abricat  
 Dedins aquelo bordo alant tuérou lou cat; (\*)

(\*) Voy. page 84.

Car el nous y passéc à mens de trento canos.  
 En loc de m'y mena, me menéc per las planos.  
 Vesen aquo d'aqui ieü lou laysséri esta  
 Et dejoust un garric ieü m'anéri afusta.  
 Péys diséri à soun home, He, cal aysso gouberno?  
 Helas! ieü souy miéch mort, ount a qualque taberno?  
 Quant noun troubéri cap, m'en anéri tout triste  
 Al castél, et disio : Helas! qui m'a moun riste?  
 Car ieü éro bagnat d'uno talo maniéyro  
 Que ieü semblabo un rat quant sort d'uno oulibiéyro.  
 Et Moussur me diséc : « Tu t'es pensat nega,  
 El te cal mettre al liéch, per te fayre essuga. »  
 Nou cal pas, se vous play, so li diséri ieü ;  
 Car moun espazo un cop me toumbéc dins un rieiü ;  
 Lou foulreü soul calféri, et vous podi proumettre,  
 Que l'espazo dedins ieü nou poudio pas mettre :  
 May me val endura qualque petit de frech,  
 Que calfa moun gipou que péys me fous estrech,  
 El es de chamois fals de moutou o de fedo ;  
 El es pus dangiayrous que s'el éro de sedo.  
 Quant moussur aüsigué que parlabo d'estoffo,  
 Ha, so me diséc el, tu éts miéch filosofo!  
 Péys me menéc soupa et me féc pla trata.  
 Ah, so diséri ieü, vous me vouléts flata.  
 Vous abéts de bél fa, que jamay a la casso  
 Nou me farets ana ses un cor de courayso :  
 Se nagués agut un tantos quant éy cassat,  
 La plégio moun ginou n'aürio pas trabersat.





## LETTRO

A LA MOULHIÉ DE MOUSSUR CONSTANS,


*Per so qu'un hoste abio troumpat Aügié.*



MADOUWAYSÉLLO de Constans,  
 El a beléü may de cent ans  
 Qu'on nou féc pas de talis tours,  
 Coumo fan aros tous lous jours,  
 Per so qu'un hoste qu'es troumpur  
 A fach crida de vi tout pur,  
 Et péys el bailho del beüratge,  
 Nou fa pas el un grant aütratge?  
 Ieü nou dic pas per aüsi dire,  
 Ni may tanpaüc per vous fa rire,  
 Car l'aütre jour, en uno part,  
 Ne mandéri croumpa miéch quart,  
 Que tout lou mounde lou vantabo,  
 Quant per la vilo s'encantabo;  
 Mas l'hoste mayssant es estat,  
 Que m'a vendut de vi gastat,  
 Et sentio fort à la vayssélo;  
 Que per aquo, Madoumaysélo,  
 Ieü mandi tan souben à vous  
 Quant m'en mandatz tout-jour de blous;


Mas tout-jour ieü ne coumpario,  
S'on n'y fasio de troumpario.  
A prepaüs d'hoste amay d'houstesso,  
Noun séts caüso se la noublesso  
Y van loutgia tan claromen;  
Car quant lour vi serio pimen,  
Els y fan tout-jour farlabic,  
Que per aquo, coumo vous dic,  
Bél-cop de noublesso lous fuch;  
Car els n'an poun que fa de bruch.  
Els an agutz de bous coussels,  
Quant se loutgiou toutis entre els,  
Et se tratou coste que coste,  
Ses douna proufiéch à cap d'hoste,  
Per aquo d'els ieü éy aprez  
D'ana delant nou costo res.  
Noun pas per estalbia l'argen,  
Mas que la mal-hurouso gen  
Lou vi blous on lou farlabiquo,  
Et vous, del tailh de la barriquo  
Lou me mandatz quant on l'a trach,  
De la sorto que Diou l'a fach,  
D'aquel que beü votre marit.  
Atambe quant ieü sio guarit,  
Vous anaréy péyssos vese  
Per vous fayre tout lou plase  
De so que vous pouyréy servi,  
Quant me trametétz de boun bi.







## AUTRO LETTRO

A LA DITO DOUMAYSÉLLO,

*De so qu'elo nou l'y mandéc qu'un petit de vi.*

MADOUMAYSÉLLO Marguarido,  
 Beléü jamay pus de ma vido,  
 A fenno n'escrouréy pus ieü,  
 Tant que soun marit sera vieü :  
 Per so quel cap de la maysou  
 Enten cent cox milhou rasou :  
 Car à moussur vostre marit  
 Mandéri quelque paüc d'escrit  
 De huéch lignos tan soulamen.  
 Que péys me mandéc proumptamen.  
 De vi touto uno pinto pleno ;  
 Et n'y prenguéri pas de peno,  
 Lou déyme que ieü ne prenguéri  
 A la rimo que vous farguéri.  
 Et n'abéts pas de counoyssenso ;  
 Vous me mandats per recoumpenso  
 De vi uno petito pinto ,  
 Que ieü gastéri may de tinto  
 A fa la rimo que sabézt,  
 Que de vi mandat nou m'abézt.





## A MOUNSEIGNOUR DE TERRIDO ,

*Aügié estant assigeat al Mas. (\*)*



Atrapat m'an, Mounseignour de Terrido ,  
 Atrapat m'an ses cavestre ni brido ,  
 Ficados m'an las mourdassos al nas  
 Coum'un chibal et m'an menat al Mas.  
 So que jamay home n'a pus pouscut,  
 Me proumetten de me douna l'escut,  
 May de cent cox l'on m'y a vouldut mena ,  
 Que jamay ieü n'y souy vouldut ana.  
 Helas ! Moussur, que me dire Fabas !  
 Souben m'a dich : Aügié, cal ana al Mas.  
 Ieü l'y diséri aquo vous es fadeso ,  
 Aguéssets-me cridat à l'entrepreso !  
 Ieü mario may que ieü fous cor-falit  
 Qu'ana m'en là quant tout es reculit.

(\*) Les religieux de Montauban et des environs prirent, au mois de mai 1574, et rasèrent de fond en comble l'abbaye du Mas-Garnier sur la Garonne, au diocèse de Toulouse (DOM VAISSETTE). Jean Parisot de la Valette-Cornusson, sénéchal de Toulouse de 1570 à 1586, assiégea le Mas-Garnier en 1575. Le vicomte de Turenne ayant appris que la place était dans une extrême disette, qu'elle manquait même de monde pour la défendre, y fut en diligence, la ravitailla et força la Valette de se retirer. (HIST. DU QUERCY, t. II, p. 15.) L'épître du Roudié s'adresse au fameux capitaine Pierre de Terride, vicomte de Gimoez, général des églises calvinistes du côté de Montauban et province de Toulouse.

Vela, Moussur, coussi ieü m'escuséri,  
 Et Diou voulguéc que jamay nou gaüséri  
 Ana d'amb'el, car l'on m'aürio tentat  
 Que beléü ieü me serio reboultat.  
 Noun pas que ieü n'agio bouno afectiou  
 D'éstre tout-jour de notro religiou,  
 Mas que Diou dis, Moussur, en quelque tést:  
*Espiritus jam quidem promptus est.*  
 Qualqu'un m'a dich que countro nous on crido,  
 Amay l'on dis que tenén paüro vido.  
 Helas! Moussur, aquo vesi be ieü,  
 Per so quel pa que fan de mounicieü  
 Es fort petit, Diou merces la canailho  
 Que trinquérou lous blats an bélo dailho,  
 Aros despéys toutis lous reboultats.  
 Se trufoun els quant nous s'én mal trattats.  
 Noun pas ta mal coumo lou mounde penso;  
 Car lou souldat el a bouno despenso;  
 Touts lous jours a forso pa, forso carn  
 Amay tambe del fourmatge de Biarn.  
 Quant à de mi n'éy pas loc de me plange,  
 Cado jour éy la perlic an l'irange  
 Amay lou tourt et la grosso alaüzetto  
 En despitan moussur de la Valetto.  
 Moussur, beléü aysso nou sabéts pas  
 Que fouréc fach aycis dabant lou Mas?  
 Darriéyromen, la semano passado,  
 Lous enemix l'escalo abiou paüsado,  
 Quant saügéroun que ieü éro dedins  
 Quitérou tout coumo bélis badins

Et cridabou tout-jour : « Salvo qui pousquo !  
 Aügié Gaillard el es maysanto mousquo. »  
 Ieü éy aycis moun noum etérnisat,  
 Al meü païs ieü n'éro res presat,  
 Ses caüso n'es se lou boun Jesus-Christ  
 Nous a laissat aqweste mout d'escrit,  
 Que fort souben nous y deürian pensa,  
 Nul *propheta in patriâ suâ*.  
 O, que ieü souy ayci pla coumo cal :  
 El es vertat que ieü bebi fort mal :  
 Ayci n'abén sounque qualque vinado,  
 Que quant à mi mario may de prunado.  
 So qu'éy escrich que ieü souy pla tratat  
 N'o cregiats pas, aquo n'es pas vertat ;  
 Mas tout esprés talo letro éy trameso,  
 En me crentan que pels camis fous preso.  
 Que sera fi, Mounseignour de Terrido,  
 Plesgués à Diou Garono fous tarido,  
 O que n'agués ayguo sounqu'al ginoul,  
 Ta pla la néch m'en anirio tout soul ! (\*)

(\*) Voici un autre éloge de sa bravoure qu'il adressa au vicomte de Montclar, mais qu'on ne doit certainement pas prendre à la lettre :

« ..... De cor, Aügié, nou n'a que trop.  
 El rue brembo que lou viguéri un cop  
 A la guérro, qu'éro un jour d'uno fésto,  
 Sas gens fugiou, mas el éro à la tésto,  
 Que n'abio pas ni vioulouc ni guitarro,  
 Mas lou paüret cridabo : SARRO ! SARRO !  
 Se ieü sabio, dis-el tan pla legi,  
 O escriourio tan pla coumo fugi,  
 Ieü n'escriourio sounquo de lettro d'or. »



## LA SUBTILITAT

DE MOUSSUR DE LA BERNÉ,

*Per aprene la noublesso à courre la baguo  
ses équo ni rouci.*




## SOUNET.

IEU aymi grandomen las gens de la noublesso,  
Mas quant proudigues soun elis me fan transi :  
Els metran milo escuts, s'el cal, en un rouci,  
Quant elis à la baguo aprenou la jouynesso.

Moussur de la Berné sap may qu'on nou se pesso :  
De noblos gens apren al país de Carsci,  
S'enten que nou lour costo argen cap de housci,  
Car ses cap de mounturo el fort pla lous adresso.  
Car al cap d'un loc naüt el vous met un carriol,  
Et péys la lanso al poun, d'aütre rouci nou vol,  
Et court péys qu'on dirio que lou vent lou neporto.  
S'enten que dins la baguo el figuo cado cop :  
Per aquo touts aquels que n'an poun d'argen trop,  
S'érou satges, deürion fa toutis de la sorte.





## AUGIE

A MADAMO DE MOUNCLA , (\*)

*Per l'y fa da uno veouzo fort cargado de mayuatge.*



MADAMO, péys que vous diséts qu'êts moun amigo,  
 Un secrét, se vous play , el cal que ieü vous diguo ,  
 Et lou vous aürio dich quant ieü éro dan vous ,  
 Mas nou gaüzéri pas , per so que souy hountous.  
 Per vous dire ieü éy moun esprit en sequéstre  
 Despéys que l'on m'a dich que la de moussur Méstre  
 Se voulio marida dan qualque capitani.  
 Per aquo ieü pourtabo un gipou de fustani  
 Per tal que se pensés que ieü ne fourés un.  
 Mas péys diséri en my : « Ha ! poultroun, se qualqu'un  
 Li dis que nou n'és pas, tu fas uno gran péquo ! »  
 Et per aquo , Madamo , ieü cachéri la méquo  
 Et nou gaüzéri pas dire-ne rez à vous :  
 Mas d'elo , se l'y play ieü souy fort amoureux ,  
 Coumbe que l'on m'a dich qu'es une fenno malo,  
 Mas s'elo me vol mi , ieü be la voli aytalo ;  
 Car jamay lous pourrets ; ni sebos ni , may al,  
 Ni vinagre , ni pebre à mi nou férou mal,

(\*) Anne de Castelpers-Panat , femme de Jean-Antoine , vicomte de Montclar , baron de Salvagnac , lequel fut sauvé du massacre de la Saint-Barthélemy par le secours du comte de Villars , commandant en Guienne.

Et si féc be lou mél qu'es uno liquour douso,  
 Car un jour me jouguéc uno mayssanto trouso.  
 Un rafféc nou val re quant es dous coumo un nap,  
 Ni may uno fenno s'elo n'a fort mal cap.  
 La malour d'uno fenno el nou cal trouba estrangio.  
 L'on dis : Qui loup se fa que la fedo lou mangio.  
 Atambe quelques fats la refudou per tal  
 Que disou qu'elo a d'efans un plen houstal.  
 Aqui be se counoys quant es l'home mal satge,  
 De refuda la fenno à caüso del maynatge.  
 Aqui be se counoys que n'an pas trafiquat  
 Ni croumpat de bestial en fiéyro ni merquat.  
 Ieü n'éy pas atanpaüc fachios grandos trafiquos,  
 Mas ieü voli gran mal à las gens fantastiquos.  
 Ieü sabi qu'un merchant quant el es al fiéyral,  
 Se soun estat el es de croumpa de bestial,  
 El croumpara pus car lous que menou seguido;  
 Aquo d'aqui cent cox ieü éy vist en ma vido.  
 Per aquo l'aymi fort quant a forse petits,  
 Amay l'a prési may quant a aguts dous marits,  
 Noun pas per soun proufiéch, ni may per moun doumatge.  
 Dous homes ieü troubéri un jour en un bousquatge  
 Que toutis dous coupabou un dels pus béls garrics,  
 Que cadun li dounéc, ieü crezi, milo pics,  
 L'un debérs la part drecho et l'aütre de l'esquérrro,  
 D'embegio qu'els abiou de lou mettre per tэрro,  
 Et jamay cap de touts nou'l pousquéc fa toubma.  
 Mas lou paüre garric ieü l'anéry trouba.  
 Quant els fourou fachiats, an la mebo pigasso  
 Et lou féri toubma quant et quant sur la plasso.

S'elo enten tout aysso s'escandalisara,  
 Mas n'ò faro beléü ; car elo abisara  
 Que la coustumo es que tout-jour un rimayre  
 Se trufara, s'el pot, de soun payre et sa mayre.  
 Per aquo, s'el vous play, Madamo, li direts  
 Que nou me trufi pas quan vous l'a troubarets.



### EPITRO DARNIÉRO

EN LENGUO RABASTINESO.



LECTURS, forse de gens jamay n'an vougut creyre  
 que ieü aguéci fach moun purmié libre, que souy  
 estat coustrent de fa aquest' per lous tira de soup-  
 çoun : enquaros sera greü à forse gens de o creyre,  
 et d'aütres que diran coumo un Leontychidas, se-  
 natur de Lacedemone, que quelques uns l'y ben-  
 guérou dire que uno sérp s'éro entourtilhado à  
 l'entour de la claü de sa porto, et fasiou un fach  
 d'aquo d'aqui coumo d'un gran miracles, et l'y disiou  
 qu'aquo éro uno caüso prodigiouso. Leontychidas  
 lour diséc : « Quant à mi, ieü nou trobi pas caüso  
 proudigiouso que uno sérp se sio entourtilhado à  
 l'entour d'uno claü : mas si la claü s'éro entour-  
 tilhado à l'entour de la sérp, se serio be caüso  
 prodigiouso, » et aytal reprenguéc lour sotto super-  
 titiou. Aytal podou dire aquels que cresou que ieü

éy fach lou libre an aquels que n'ò cresou pas, lour podou dire qu'els nou trobou pas tan estrantge que ieü agio fach lou libre, coumo se lou libre m'abio fach à mi. Per aquo dounc, Legistos, el vous cal creyre que ieü éy fach l'aütre amay aquest', et s'à Diou li plasio que ieü aguéz mouyén de vioure may que n'éy, que ieü fario enquaros milhou que nou faü; mas ieü vesi qu'es vertat so que fouréc respoundue à Bion :

« L'homme ne peut faire ne dire bien,  
Quand pauvreté l'estraint en son lien. »

Et nous disém en aqueste païs :

« Tantis paquets demorou dins Paris  
Et à Lyon, amay dedins Poutié, z,  
Quant lous merchans n'an so que fa mestié, z.  
Tants sabatié, z se paüsou quant n'an quér,  
Et de faüres que n'an carbou ni fér. »

Et ieü coumo vous dic, fario bel-cop milhou se ieü n'éro poun ta magre, et m'éro mes à coumpäsa, pensan d'éstre al tens d'Alissandro lou gran, que disiou qu'el dounabo un fays d'argen à tout home que se maylabo de rima, et per aquo, ieü m'en souy maylat un paüc, pensan que qualque gran me remounté; z; mais ieü vesi qu'el es vertat so que dis lou Philosopho Crates, que dis que « Lous dinié, z d'un prince soun semblables al fruch dels figuié, z que soun nascuts sur qualque roc fort naüt, que persouno nou ne pot mangia, sounque lous busacs et lous gorps, et aütros béstios salbatgios; et aytal sou, dis-el, lous dinié, z

d'un maübéz riche, que persouno nou ne pot abe sounque lous flaturs et lous roufias » ; mas que per aquo nou me mettréy pas ieü d'aquel estat, mas que diréy coumo lou boun Platon dis :

« L'home que n'es de forso bez fournit  
 Nou résto pas d'éstre d'hounours garnit ;  
 De la vertu soulo proucédo glorio,  
 Amay vioura daquio quel mounde morio :  
 Mas la richesso an d'aquelos gens hanto,  
 Que léü-mens menou une vido mayssanto.  
 Plutarquo dis qu'es trop groussié d'abe  
 Forso de bes, et res pus nou sabe.  
 Lou riche penso éstre lou pus hurous  
 Et fort souben es lou pus mal-hurous. »

Noun pas que ieü noume ayci persouno ! car ieü nou sabi pas qualis sou touts aquels, mas que lous pouëtos an ta mal coumo lous prounestiquayres et coumo l'aüsél que l'on appéllou lou couqut, car el nou noumo persouno, mas qu'el canto per touts perroquios, et soun dire el es : Qui se sentira rougnous, que se gratte. Et lous prounestiquayres quant disou qu'el plaüra en tal cartié de luno, et se nou plaü poun, et l'on li be dire : « Vous disiatz qu'el plaürïo en tal tens, et n'a pas plaügut. » El dira que si a be en quelque aütre loc. Atambe ieü nou noumi pas degus ; car se lous que ieü dic nou sou en aques-te païs, si sou be en quelque aütre rialme. Mas on ne vech forso que fan atambe coumo disïo Diogenes. Un jour qualqu'un li diséc per que lous riches

dounabon puléü als boitouses, borgnies, boussuts, goutouses, estroupiats, que noun pas als philosophos et sabens et à homes d'esperit : el respoundéc, so me semblo miraculousoement, et diséc : « Els o fan per so qu'els crentou de veni de la sorto puléü que noun pas philosophos et sabens. » El éro un home que n'abio pas gayre de pensamen (coumo quelques fats podou be dire de mi), un jour un aütre li reprouchéc sa paüriéyro ; Diogenes li diséc qu'el jamay n'abio vist turmenta persouno à la justecio per sa paüretat, et si abio be bél-cop per lous vices, et disio qu'el ay-mabo may quista que noun pas éstre inoucen. El disio que un inoucen es presat à uno coumpanio coumo lou vi gastat à un banquet. Et per aquo ieü aymi may sabe quelque caüso, per tal d'éstre pla vengut à uno coumpanio, que noun pas éstre riche, et qu'on me disés à mi coumo l'on féc à Sylla, coumo Plutarquo recito que loudit Sylla se vantabe un jour de sa fourtuno, et un ly diséc :

« Comment serois-tu bon possédant tant de bien,  
Veu que le père tien onc ne te laissa rien? »

Aquel dire m'a gardat de me fa riche, creiniant qu'on me reprouchéz aytal, per so que moun payre nou me laysséc rez.

Mas per éstre pauret nou voli pas resta  
Qu'un jour aquest' Banquet ieü nou tourné apresta.

FI DEL BANQUET.